

新
唐
書

三九

北狄列傳第一百四十四

唐書卷一百九十九

端明殿學士兼翰林侍讀學士龍

敕撰

契丹本東胡種其先爲匈奴所破保鮮卑山魏青龍中部酋比能稍桀驁爲幽州刺史王雄所殺衆遂微逃潢水之南黃龍之北至元魏自號曰契丹地直京師東北五千里而贏東距高麗西奚南營州北靺鞨室韋阻冷陁山以自固射獵居處無常其君大賀氏有勝兵四萬析八部臣于突厥以爲俟斤凡調發攻戰則諸部畢會獮則部得自行與奚不平每鬪不利輒遁保鮮卑山風俗與突厥大抵略侔死不墓以馬車載尸入山置於樹顛子孫死父母旦夕哭父母死則否亦無喪期武德中其大酋孫敖曹與靺鞨長突地稽俱遣人來朝而君長或小入寇邊後二年君長乃遣使者上名馬豐貂貞觀二年摩手會來降突厥頡利可汗不欲外夷與唐合乃請以梁師都易契丹太宗曰契丹突厥不同類今已降我

尚可索邪師都唐編戶盜我州部突厥輒爲助我將禽之詎不可
易降者明年摩會復入朝賜鼓毒縣由是有常貢帝伐高麗悉發
酋長與奚首領從軍帝還過營州盡召其長窟哥及老人差賜繒
采以窟哥爲左武衛將軍大酋辱紇主曲據又率衆歸即其部爲
玄州拜曲據刺史隸營州都督府未幾窟哥舉部內屬乃置松
漠都督府以窟哥爲使持節十州諸軍事松漠都督封無極男賜
氏李以達稽部爲峭落州紇便部爲彈汗州獨活部爲無逢州芬
間部爲羽陵州突便部爲日連州芮奚部爲徒河州墜斤部爲
萬丹州伏部爲匹黎赤山二州俱隸松漠府即以辱紇主爲之刺
史窟哥死與奚連叛行軍總管阿史德樞賓等執松漠都督阿卜
固獻東都窟哥有二孫曰枯莫離爲左衛將軍彈汗州刺史封
歸順郡王曰盡忠爲武衛大將軍松漠都督而敖曹有孫曰萬榮
爲歸誠州刺史於是營州都督趙文翹驕沓數侵侮其下盡忠
等皆怨望萬榮本以侍子入朝知中國險易挾亂不疑即共舉兵

殺文翹盜營州反盡忠自號無上可汗以萬榮爲將縱兵四略所向輒下不重浹衆數萬妄言十萬攻崇州執討擊副使許欽寂武后怒詔鷹揚將軍曹仁師金吾大將軍張玄遇右武威大將軍李多祚司農少卿麻仁節等二十八將擊之以梁王武三思爲榆關道安撫大使納言姚璿爲之副更號萬榮曰萬斬盡忠曰盡滅諸將戰西碛石黃慶章谷王師敗績玄遇仁節皆爲虜禽進攻平州不克敗書聞后乃以右武衛大將軍建安王武攸亶爲清邊道大摠管較手契丹募天下人奴有勇者官昇主直悉發以擊虜萬榮銜枚夜龍衣檀州清邊道副摠管張九節募死士數百薄戰萬榮敗而走山俄而盡忠死突厥默啜破其部萬榮收散兵復振使別將賂務整何阿小入冀州殺刺史陸寶積掠數千人武后聞盡忠死更詔夏官尚書王孝傑羽林衛將軍蘇宏暉率兵十七萬討契丹戰東碛石師敗孝傑死之萬榮席已勝遂屠幽州攸亶遣將討捕不能克乃命右金吾衛大將軍河內郡王武懿宗爲神兵道大摠

管右肅政臺御史大夫婁師德爲清邊道大摠管右武威衛大將軍沙吒忠義爲清邊中道前軍摠管兵凡二十萬擊賊萬榮銳甚鼓而南殘瀛州屬縣悉肆無所憚於是神兵道摠管楊玄基率奚軍掩其尾契丹大敗獲何阿小降別將李楷固駱務整收仗械如積萬榮委軍走殘隊復合與奚搏奚四面攻乃大潰萬榮左馳張九節爲三伏伺之萬榮窮與家奴輕騎走路河東備甚卧林下奴斬其首九節傳之東都餘衆潰攸宜凱而還后喜爲赦天下改元爲神功契丹不能立遂附突厥久視元年詔左玉鈐衛大將軍李楷固右武威衛將軍駱務整討契丹破之此兩人皆虜善將嘗犯邊數窘官軍者也及是有功開元二年盡忠從父弟都督失活以默啜政衰率部落與頡利發伊健啜來歸玄宗賜丹書鐵券後二年與奚長李大酺皆來詔復置松漠府以失活爲都督封松漠郡王授左金吾衛大將軍仍其府置靜析軍以失活爲經略大使所統八部皆擢其酋爲刺史詔將軍薛泰爲押蕃落使督軍鎮撫

帝以東平王外孫楊元嗣女爲永樂公主妻失活明年失活死贈特進帝遣使弔祠以其弟中郎將娑固襲封及所領明年娑固與公主來朝宴賚有加有可突于者爲靜折軍副使悍勇得衆娑固欲去之未決可突于反攻娑固娑固奔營州都督許欽澹以州甲五百合奚君長李大酺兵共攻可突于不勝娑固大酺皆死欽澹懼徙軍入榆關可突于奉娑固從父弟鬱于爲君遣使者謝罪有詔即拜鬱于松漠郡王而赦可突于鬱于來朝授率更令以宗室所出女慕容爲燕郡公主妻之可突于亦來朝擢左羽林衛將軍鬱于死弟吐于嗣與可突于有隙不能定其下攜公主來奔封遼陽郡王留宿衛可突于奉盡忠弟邵固統衆詔許襲王天子封禪邵固與諸蕃長皆從行在明年拜左羽林衛大將軍徙王廣化郡以宗室出女陳爲東華公主妻邵固詔官其部酋長百餘人邵固以子入侍可突于復來不爲宰相李元絃所禮鞅鞅去張說曰彼獸心者唯利是向且方持國下所附也不假以禮不來矣後

三年可突于殺邵固立屈烈爲王質奚衆共降突厥公主走平盧
軍詔幽州長史知范陽節度事趙含章擊之遣中書舍人裴寬給
事中薛俚大募壯士拜忠王浚河北道行軍元帥以御史大夫李
朝隱京兆尹裴佑先副之帥程伯獻張文儼宋之悌李東蒙趙萬
功郭英傑等八摠管兵擊契丹旣又以忠王兼河東道諸軍元帥
王不行以禮部尚書信安郡王禕持節河北道行軍副元帥與含
章出塞捕虜大破之可突于走奚衆降王以二蕃俘級告諸朝明
年可突于盜邊幽州長史薛楚玉副摠管郭英傑吳克勤烏知義
羅守忠率萬騎及奚擊之戰都山下可突于以突厥兵來奚懼持
兩端衆走險知義守忠敗英傑克勤死之殺唐兵萬人帝擢張守
珪爲幽州長史經略之守珪旣善將可突于恐陽請臣而稍趨西
北倚突厥其衙官李過折與可突于內不平守珪使客王悔陰邀
之以兵圍可突于過折即夜斬可突于屈烈及支黨數十人自歸
守珪使過折統其部函可突于等首傳東都拜過折北平郡王爲

松漠都督可突于殘黨殺過折屠其家一子刺乾走安東拜左驍衛將軍二十五年守珪討契丹再破之有詔自今戰有功必告廟天寶四載契丹大酋李懷秀降拜松漠都督封崇順王以宗室出女獨孤爲靜樂公主妻之是歲殺公主叛去范陽節度使安祿山討破之更封其酋楷落爲恭仁王代松漠都督祿山方幸表討契丹以向帝意發幽州雲中平盧河東兵十餘萬以奚爲鄉導大戰潢水南祿山敗死者數千自是祿山與相侵掠未嘗解至其反乃已契丹在開元天寶間使朝獻者無慮二十故事以范陽節度爲押奚契丹使自至德後藩鎮擅地務自安鄣戎斥候益謹不生事于邊奚契丹亦鮮入寇歲選酋豪數十入長安朝會每引見賜與有秩其下率數百皆駐館幽州至德寶應時再朝獻大曆中十三貞元間三元和中七大和開成間凡四然天子惡其外附回鶻不復官爵渠長會昌二年回鶻破契丹酋屈戌始復內附拜雲麾將軍守右武衛將軍於是幽州節度使張仲武爲易回鶻所與舊

印賜唐新印曰奉國契丹之印咸通中其王習爾之再遣使者入朝部落寢彊習爾之死族人欽德嗣光啓時方天下盜興北疆多故乃鈔奚室韋小小部種皆役服之因入寇幽薊劉仁恭窮師踰摘星山討之歲燎塞下草使不得留牧馬多死契丹乃乞盟獻良馬求牧地仁恭許之復敗約入寇劉守光戍平州契丹以萬騎入守光僞與和帳飲具于野伏發禽其大將羣胡勸願納馬五千以贖不許欽德輸重賂求之乃與盟十年不敢近邊欽德晚節政不競其八部大人法常三歲代時耶律阿保機建鼓旗爲一部不肯代自號爲王而有國大賀氏遂亡

奚亦東胡種爲匈奴所破保烏丸山漢曹操斬其帥蹋頓蓋其後也元魏時自號庫真奚居鮮卑故地直京師東北四千里其地東北接契丹西突厥南白狼河北靑霄與突厥同俗逐水草畜牧居廬盧環車爲營其君長常以五百人持兵衛牙中餘部散山谷間無賦入以射獵爲資稼穡多稼已穫害山下斷木爲曰瓦鼎爲飢雜寒

水而食喜戰鬪兵有五部部一俟斤主之其國西抵大洛泊距回紇牙三千里多依土護真水其馬善登其羊黑盛夏必徙保冷陁山山直嬀州西北至隋始去庫真但曰奚武德中高開道借其兵再寇幽州長史王詵擊破之太宗貞觀三年始來朝閱十七歲凡四朝貢帝伐高麗大酋蘇支從戰有功不數年其長可度者內附帝爲置饒樂都督府拜可度者使持節六州諸軍事饒樂都督封樓煩縣公賜李氏以阿會部爲弱水州處和部爲祁黎州奧失部爲洛瓌州度稽部爲太魯州元俟折部爲渴野州各以酋領辱紇主爲刺史隸饒樂府復置東夷都護府於營州兼統松漠饒樂地置東夷校尉顯慶間可度者死奚遂叛五年以定襄都督阿史德摠賓左武侯將軍延陀梯真居延州都督李含珠爲冷陁道行軍摠管明年詔尚書右丞崔餘慶持節摠護定襄等三都督討之奚懼乞降斬其王匹帝萬歲通天中契丹反奚亦叛與突厥相表裏號兩蕃延和元年以左羽林衛大將軍幽州都督孫佺左驍衛將

軍李楷洛左威衛將軍周以悌帥兵十二萬爲三軍襲擊其部次冷陁前軍楷洛與奚酋李大酺戰不利仝懼斂軍詐大酺曰我奉詔來慰撫若等而楷洛違節度輒戰非天子意方戮以徇大酺曰誠慰撫我有所賜乎仝出軍中縉帛袍帶與之大酺謝請仝還師舉軍得脫爭先無部伍大酺兵躡之遂大敗殺傷數萬仝以悌皆爲虜禽送默啜害之朝廷方多故不暇討玄宗開元二年使奧蘇悔落丐降封饒樂郡王左金吾衛大將軍饒樂都督詔宗室出女辛爲固安公主妻大酺明年身入朝成昏始復營州都督府遣右領軍將軍李濟持節護送大酺後與契丹可突于關死弟魯蘇領其部龍哀王詔兼保塞軍經略大使牙官塞默羯謀叛公主置酒誘殺之帝嘉其功賜主累萬會與其母相告訐得罪更以盛安公主女韋爲東光公主妻之後三年封魯蘇奉誠郡王右羽林衛將軍擢其首領無慮二百人皆位郎將久之契丹可突于反脅奚衆并附突厥魯蘇不能制奔榆關公主奔平盧幽州長史趙含章發清

夷軍討破之衆稍自歸明年信安王禕降其酋李詩鎖高等部落
五千帳以其地爲歸義州因以王詩拜左羽林軍大將軍本州都
督賜帛十萬置其部幽州之偏李詩死子延寵嗣與契丹又叛爲
幽州張守珪所困延寵降復拜饒樂都督懷信王以宗室出女楊
爲宜芳公主妻之延寵殺公主復叛詔立它酋婆娑固爲昭信王饒
樂都督以定其部安祿山節度范陽詭邊功數與麋蘭盛飾俘以
獻誅其君李日越料所俘驍壯戍雲南終帝世凡八朝獻至德大
曆間十二貞元四年與室韋攻振武後七年幽州殘其衆六萬德
宗時兩朝獻元和元年君梅落身入朝拜檢校司空歸誠郡王以
部酋索氏爲左威衛將軍檀薊州游弈兵馬使沒辱孤平州游弈
兵馬使皆賜李氏然陰結回鶻室韋兵犯西城振武大抵憲宗世
四朝獻大和四年復盜邊盧龍李載義破之執大將二百餘人縛
其帥茹羯來獻文宗賜冠帶授右驍衛將軍後五年大首領匿舍
郎來朝大中元年北部諸山奚悉叛盧龍張仲武禽酋渠燒帳落

二十萬取其刺史以下面耳三百羊牛七萬輜貯五百乘獻京師
咸通九年其王突董蘇使大都督薩葛入朝是後契丹方彊奚不
敢元而舉部役屬虜政苛奚怨之其酋去諸引別部內附保媯州
北山遂爲東西奚

室韋契丹別種東胡之北邊蓋丁零苗裔也地據黃龍北傍徭越
何直京師東北七千里東黑水靺鞨西突厥南契丹北瀕海其國
無君長惟大酋皆號莫賀咄攝筌其部而附于突厥小或千戶大
數千戶濱散川谷逐水草而處不稅斂每弋獵即相嘯聚事畢去
不相臣制故雖猛悍喜戰而卒不能爲彊國刻木爲犁牛人挽以耕
田穫甚穰其氣候多寒夏霧雨冬霜霰其俗富人以五色珠垂領
婚嫁則男先傭女家三歲而後分以產與婦共載鼓舞舞而還夫死
不再嫁每部共構大棚死者寘尸其上喪期三年土少金鐵率資
於高麗器有角弓楛矢人尤善射每歲夏西保貢勃次對二山山
多草木鳥獸然苦飛蚤則巢居以避四時死以子弟繼無則推豪

桀立之率乘牛車遽蔭爲室度水則束薪爲桴或以皮爲舟馬皆
草羈繩羈勒所居或皮蒙室或屈木以遽蔭覆徙則載而行其畜
無羊少馬有牛不用有巨豕食之韋其皮爲服若席其語言韎韐
也分部凡二十餘曰嶺西部山北部黃頭部彊部也大如者部小
如者部婆蒿部訥北部駱丹部悉處柳城東北近者三千遠六千
里而贏最西有烏素固部與回紇接當俱倫泊之西南自泊而東
有移塞沒部稍東有塞島支部最彊部也居噶河之陰亦曰燕支
河益東有和解部烏羅護部那禮部嶺西部直北曰訥比支部北
有大山山外曰大室韋瀕於室建河河出俱倫池而東河南有蒙
兀部其北落坦部水東合那河忽汗河又東貫黑水韎韐故韎韐
跨水有南北部而東注於海徃越河東南亦與那河合其北有東
室韋蓋烏丸東南鄙餘人也貞觀五年始來貢馴且貂後再入朝長
壽二年叛將軍李多祚擊定之景龍初復朝獻請助討突厥開元
天寶間凡十朝獻大曆中十一貞元四年與奚共寇振武節度使

唐朝臣方郊勞天子使者譙而走軍室韋執詔使大殺掠而去明年使者來謝大和中三朝獻大中中一來咸通時大酋怛烈與奚皆遣使至京師然非顯夷後史官失傳

黑水靺鞨居肅慎地亦曰挹婁元魏時曰勿吉直京師東北六千里東瀕海西屬突厥南高麗北室韋離爲數十部酋各自治其著者曰粟末部居最南抵太白山亦曰徒太山與高麗接依粟末水以居水源於山西北注它漏河稍東北曰汨咄部又次曰安居骨部益東曰拂涅部居骨之西北曰黑水部粟末之東曰白山部部間遠者三四百里近二百里白山本臣高麗王師取平壤其衆多入唐汨咄安居骨等皆奔散浸微無聞焉遣人迸入渤海唯黑水完彊分十六落以南北稱蓋其居最北方者也人勁健善步戰常能患它部俗編髮綴野豕牙插雉尾爲冠飾自別於諸部性忍悍善射獵無黨戚貴壯賤老居無室廬負山水坎地梁木其上覆以土如丘冢然夏出隨水草冬入處以溺盥面於夷狄最濁穢死者

埋之無棺槨殺所乘馬以祭其酋曰大莫拂瞞咄咄相承爲長無
書契其矢石鏃長二寸蓋楷砮遺法畜多豕無牛羊有車馬田耦
以耕車則步推有粟麥土多貂鼠白兔白鷹有鹽泉氣蒸薄鹽凝
樹顛武德五年渠長阿固郎始來太宗貞觀二年乃臣附所獻有
常以其地爲燕州帝伐高麗其北部反與高麗合高惠真等率衆
援安市每戰韃韃常居前帝破安市執惠真收韃韃兵三千餘悉
坑之開元十年其酋倪屬利稽來朝玄宗即拜勃利州刺史於是
安東都護薛泰請置黑水府以部長爲都督刺史朝廷爲置長史
監之賜府都督姓李氏名曰獻誠以雲麾將軍領黑水經略使隸
幽州都督訖帝世朝獻者十五大曆卅凡七貞元一來元和中再
初黑水西北又有思慕部益北行十日得郡利部東北行十日得
窟說部亦號屈設稍東南行十日得莫曳皆部又有拂涅虞婁越
喜鐵利等部其地南距渤海北東際於海西抵室韋南北袤二千里
東西千里拂涅鐵利虞婁越喜時時通中國而郡利屈設莫曳皆

不能自通今存其朝京師者附左方拂涅亦稱大拂涅開元天寶間八來獻鯨睛貂鼠白兔皮鐵利開元中六來越喜七來貞元中一來虞婁貞觀間再來貞元一來後渤海盛靺鞨皆役屬之不復與王會矣

渤海本粟末靺鞨附高麗者姓大氏高麗滅率衆保挹婁之東牟山地直營州東二千里南比新羅以泥河爲境東窮海西契丹築城郭以居高麗逋殘稍歸之萬歲通天中契丹盡忠殺營州都督趙嗣反有舍利乞乞仲象者與靺鞨酋乞乞比羽及高麗餘種東走度遼水保太白山之東北阻奧婁河樹壁自固武后封乞乞比羽爲許國公乞乞仲象爲震國公赦其罪比羽不受命后詔王鈐衛大將軍李楷固中郎將索仇擊斬之是時仲象已死其子祚榮引殘黨遁去楷固窮躡度天門嶺祚榮因高麗靺鞨兵拒楷固楷固敗還於是契丹附突厥王師道絕不克討祚榮即并比羽之衆恃荒遠乃建國自號震國王遣使交突厥地方五千里戶十餘

萬勝兵數萬頗知書契盡得扶餘沃沮并韓朝鮮海北諸國中宗
時使侍御史張行岌招慰祚榮遣子入侍睿宗先天中遣使拜祚
榮爲左驍衛大將軍渤海郡王以所統爲忽汗州領忽汗州都督
自是始去靺鞨號專稱渤海玄宗開元七年祚榮死其國私諡爲
高王子武藝立斤大土宇東北諸夷畏臣之私改年曰仁安帝賜
典冊寵褒王并所領未幾黑水靺鞨使者入朝帝以其地建黑水州
置長史臨摠武藝召其下謀曰黑水始假道於我與唐通異時請
吐屯於突厥皆先告我今請唐官不吾告是必與唐腹背攻我也
乃遣弟門藝交舅任雅相發兵擊黑水門藝言質京師知利害謂
武藝曰黑水請吏而我擊之是背唐也唐大國兵萬倍我與之產
怨我且亡昔高麗盛時土三十萬抗唐爲敵可謂雄彊唐兵一臨
掃地盡矣今我衆比高麗三之一王將違之不可武藝不從兵至
境又以書固諫武藝怒遣從兄壹夏代將召門藝將殺之門藝懼
僣路自歸詔拜左驍衛將軍武藝使使暴門藝罪惡請誅之有詔

處之安西好報曰門藝亮窮來歸我詎不可殺已投之惡地并留使
者不遣別詔鴻臚少卿李道邃源復諭旨武藝知之上書斥言陛
下不當以妾示天下意必殺門藝帝怒道邃復漏言國事皆左
除而陽斥門藝以報後十年武藝遣大將張文休率海賊攻登州
帝馳遣門藝發幽州兵擊之使太僕卿金思蘭使新羅督兵攻其
南會大寒雪表丈士凍死過半無功而還武藝望其弟不已募客
入東都狙刺於道門藝格之得不死河南捕刺客采殺之武藝死
其國私謚武王子欽茂立改年大興有詔嗣王及所領欽茂因是
赦境內天寶末欽茂徙上京直舊國三百里忽汗河之東訖帝世
朝獻者二十九寶應元年詔以渤海爲國欽茂王之進檢校太尉
大曆中二十五來以日本舞女十一獻諸朝貞元時東南徙東京
欽茂死私謚文王子安臨早死族弟元義立一歲猜虐國人殺之
推宏臨子華璵爲王復還上京改年中興死謚曰成王欽茂少子
嵩鄰立改年正歷有詔授右驍衛大將軍嗣王建中貞元間凡四

來死謚康王子元瑜立改年永德死謚定王弟言義立改年朱雀
並襲王如故事死謚僖王弟明忠立改年太始立一歲死謚簡王
從父仁秀立改年建興其四世祖野勃祚榮弟也仁秀頗能討伐
海北諸部開大境宇有功詔檢校司空龍襄王元和中凡十六朝獻
長慶四寶曆凡再大和四年仁秀死謚宣王子新德蚤死孫彝震
立改年咸和明年詔龍襄爵終文宗世來朝十二會昌凡四彝震死
弟虔晃立死立錫二咸通時三朝獻初其王數遣諸生詣京師太
學習識古今制度至是遂爲海東盛國地有五京十五府六十二
州以肅慎故地爲上京曰龍泉府領龍湖渤三州其南爲中京曰
顯德府領盧顯鐵湯榮興六州獬狔故地爲東京曰龍原府亦曰
柵城府領慶鹽穆賀四州沃沮故地爲南京曰南海府領沃晴柅
三州高麗故地爲西京曰鴨渌府領神桓豐正四州曰長嶺府領
瑕河二州扶餘故地爲扶餘府常屯勁兵扞契丹領扶仙二州鄭
頡府領鄭高二州挹婁故地爲定理府領定潘二州安邊府領安

瓊二州率賓故地爲率賓府領華益建三州拂涅故地爲東平府
領伊蒙沱黑比五州鐵利故地爲鐵利府領廣汾蒲海義歸六州
越喜故地爲懷遠府領達越懷紀富美福邪芝九州安遠府領寧
郿慕常四州又郢銅涑三州爲獨奏州涑州以其近涑沭江蓋所
謂粟末水也龍原東南瀕海日本道也南海新羅道也鴨綠朝貢
道也長嶺營州道也扶餘契丹道也俗謂王曰可毒夫曰聖王曰
基下其命爲教王之父曰老王母太妃妻貴妃長子曰副王諸子
曰王子官有宣詔省左相左平章事侍中左常侍諫議居之中臺
省右相右平章事內史詔誥舍人居之政堂省大內相一人居左
右相上左右司政各一居左右平章事之下以比僕射左右允比
二丞左六司忠仁義部各一卿居司政下支司爵倉膳部部有郎
中員外右六司智禮信部支司戎計水部卿郎準左以比六官中
正臺大中正一比御史大夫居司政下少正一又有殿中寺宗屬
寺有大令文籍院有監令監皆有少太常司賓大農寺寺有卿司

藏司膳寺寺有令丞胄子監有監長巷伯局有常侍等官其武員有左右猛賁熊衛羅衛南左右衛北左右衛各大將軍一將軍一大抵憲象中國制度如此以品爲秩三秩以上服紫牙笏金魚五秩以上服緋牙笏銀魚六秩七秩淺緋衣八秩綠衣皆木笏俗所貴者曰太白山之菟南海之昆布柵城之豉扶餘之鹿鄭頡之豕率賓之馬顯州之布沃州之絢龍州之絢伍城之鐵盧城之稻湄沱湖之鯽果有九都之李樂游之梨餘俗與高麗契丹略等幽州節度府與相聘問自營平距京師蓋八千里而遠後朝貢至不史家失傳故叛附無考焉

贊曰唐之德大矣際天所覆悉臣而屬之薄海內外無不州縣遂尊天子曰天可汗三王以來未有以過之至莽區君長待唐爾盡乃能國一爲不賓隨輒夷縛故蠻琛夷寶踵相逮于廷極熾而衰厥禍內移天寶之後區區夏夷破王官之戎比不踰河西止秦郿凌夷百年逮於亡顧不痛哉故曰治已治人惟聖人能之

北狄列傳第一百四十四

東夷列傳第一百四十五

唐書

宋祁奉

高麗本扶餘別種也地東跨海距新羅南亦跨海距百濟西北唐書卷一百四十五撰

州接北靺鞨其君居平壤城亦謂長安城漢樂浪郡也去京師五千里而贏

隨山屈繚為邪南涯湏水王築宮其左又有國內城漢城號別都水有大遼

少遼大遼出靺鞨西南山南歷安市城遼出遼山西亦南流有梁水出塞

外西行與之合有馬訾水出靺鞨之白山色若鴨頭號鴨渌水歷國內城西

與鹽難水合又西南至安市入于海而平壤在鴨渌東南以巨艦濟人因持

以為衝官凡十二級曰大對盧或曰吐掉曰鬱折主圖簿者曰太大使者曰

帛衣頭大兄所謂帛衣者先人也秉國政三歲一易善職則否凡代日有不

服則相攻王為閉宮守勝者聽為之曰大使者曰大兄曰上位使者曰諸兄

曰小使者曰過節曰先人曰古鄒大加其州縣六十大城置偃薩一比都督

餘城置處閭近支亦號道使比刺史有參佐分幹有大模達比衛將軍末客

比中郎將分五部曰內部即漢桂婁部也亦號黃部曰北部即絕奴部也或

號後部曰東部即順奴部也或號左部曰南部即灌奴部也亦號前部曰西

部即消奴部也王服五采以白羅製冠革帶皆金釧大臣青羅冠次絳羅珥

兩鳥羽金銀雜釵衫笄褰袴大口白韋帶黃革履庶人衣褐戴弁女子首巾
幘俗喜弈投壺寔鞠食用簋豆簠簋壘洗居依山谷以草茨屋惟王宮官
府佛廬以瓦窰民盛冬作長坑煨火以取暖其治峭法以繩下故少犯叛者
叢炬灼躰乃斬之籍入其家降敗殺人及剽劫者斬盜者十倍取償殺牛馬
者沒為奴婢故道不掇遺婚娶不用敵中有受者取之服父母喪三年兄弟踰
月除俗多淫祠祀靈星及日箕子可汗等神國左有大穴曰神隧每十月王
皆自祭人喜李至窮里廝家亦相矜勉衢側悉構嚴屋號局堂子弟未婚
者曹處誦經習射隋末其王高元死異母弟建武嗣武德初再遣使入朝高
祖下書脩好約高麗人在中國者護送中國人在高麗者救遣還於是建武
悉搜亡命歸有司且萬人後三年遣使者拜為上柱國遼東郡王高麗王命
道士以像法往為講老子建武大悅率國人共聽之曰數千人帝謂左右曰
名實須相副高麗雖臣於隋而終拒煬帝何旨之為朕務安人何必受其臣
裴矩溫彥博諫曰遼東本箕子國魏晉時故封內不可不臣中國與夷狄猶
太陽於列星不可以降乃止明年新羅百濟上書言建武閉道使不得朝且
數侵入有詔散騎侍郎朱子奢持節諭和建武謝罪乃請與三國平太宗已
禽突厥頡利建武遣使者賀并上封域圖帝詔廣州司馬長孫師臨瘞隋士

戰術與高麗所立京觀建武懼乃築長城千里東北首扶餘西南屬之海又
之遣太子桓權入朝獻方物帝厚賜資詔使者陳大德持節荅勞且觀豐大
德入其國厚餉官守悉得其纖曲見華人流客者為道親戚存亡人人垂涕
故所至士女夾道觀建武盛陳兵見使者大德還奏帝悅大德又言聞高昌
滅其大對盧三至館有加禮焉帝曰高麗地止四郡我發卒數萬攻遼東諸
城必救我以舟師自東萊颺海趨平壤固易然天下甫平不欲勞人耳有蓋
蘇文者或號蓋金姓泉氏自云生水中以惑眾性急暴父為東部大人對盧
死蓋蘇文當嗣國人惡之不得立頓首謝眾請攝職有不可雖廢無悔眾哀
之遂嗣位殘凶不道諸大目與建武議誅之蓋蘇文覽悉召諸部給去大閱
兵列饌具請大臣臨視賓至盡殺之凡百餘人馳入宮殺建武殘其尸投諸
溝更立建武弟之子藏為王自為莫離支專國猶唐兵部尚書中書令職去
貌魁秀美須髯冠服皆飾以金佩五刀左右莫敢仰視使貴人伏諸地踐以
升馬出入陳兵長呼禁切行人畏竄至投坑谷帝聞建武為下所殺惻然遣
使者持節弔祭或勸帝可遂討之帝不欲因喪伐罪乃拜藏為遼東郡王高
麗王帝曰蓋蘇文殺君攘國朕取之易耳不願勞人若何司空房玄齡曰陛
下士勇而力有餘戰不用所謂止戈為武者司徒長孫無忌曰高麗無一介

告難宜賜書安尉之隱其患撫其存彼當聽命帝曰善會新羅遣使者上書
言高麗百濟聯和將見討謹歸命天子帝問若何而免使者曰計窮矣惟陛
下哀憐帝曰我以偏兵率契丹靺鞨入遼東而國可紓一歲一策也我以絳
袍丹幟數千賜而國至建以陣二國見謂我師至必走二策也百濟恃海不
脩戎械我以舟師數萬襲之而國汝君故為鄰侮我以宗室主而國待安則
自守之三策也使使者計孰取使者不能對於是遣司農丞相里玄奘大以爾書
讓高麗且使止勿攻使未至而蓋蘇文已取新羅二城玄奘諭帝旨荅曰往
隋見侵新羅乘豐奪我地五百里今非盡反地兵不止玄奘曰往事烏足論
邪遼東故中國郡縣天子且不取高麗焉得違詔不從玄奘還奏帝曰莫離
支殺君虐用其下如獲弃怨痛溢道我出師無名哉諫議大夫褚遂良曰陛
下之兵度遼而克固善萬分一不得逞且再用師再用師安危不可億兵部
尚書李勣曰不然曩薛延陀盜遼陛下欲追擊魏徵苦諫而止向若擊之一
馬不生返後復畔援至今為恨帝曰誠然但一慮之失而尤之後誰為我計
者新羅數請援乃下吳船四百柁輸糧詔營州都督張儉等發幽營兵及
契丹奚靺鞨等出討會遼溢師還莫離支懼遣使者內金帝不納使者又言
莫離支遣官五十入宿衛帝怒責使者曰而等委質高武而不伏節死義又

爲逆子謀不可赦悉下之獄於是帝欲自將討之召長安耆老勞曰遼東故中國地而莫離支賊殺其主朕將自行經略之故與父老約子若孫從我行者我能拊循之母庸卹也即厚賜布粟群臣皆勸帝母行帝曰吾知之矣去本而就末捨高以取下釋近而之遠三者爲不祥伐高麗是也然蓋蘇文弒君又戮大旨以逞一國之人延頸待救議者顧未亮耳於是北輸粟營州東儲粟古大人城帝幸洛陽乃以張亮爲平壤道行軍大摠管常何左難當副之冉仁德劉英行張文幹龐孝泰程名振爲摠管帥江吳京洛募兵凡四萬吳艘五百泛海趨平壤以李勣爲遼東道行軍大摠管江夏王道宗副之張士貴張儉執失思力契苾何力阿史那弥射姜德本麴智盛吳黑闥爲行軍摠管隸之帥騎士六萬趨遼東詔曰朕所過營頓毋飭食毋豐怪水可涉者勿作橋梁行在非近州縣不得令孳生耆老迎謁朕昔提戈撥亂無芻屑儲猶所嚮風靡不率家給人足祗恐勞於轉餉故驅牛羊以飼軍且朕必勝有五以我大擊彼小以我順討彼逆以我安乘彼亂以我逸敵彼勞以我悅當彼怨渠憂不克邪又發契丹奚新羅百濟諸君長兵會十九年二月帝自洛陽次定州謂左右曰今天下大定唯遼東未賓後嗣因士馬盛疆謀臣道以征討喪亂方始朕故自取之不遺後世憂也帝坐城門過兵人人撫尉疾病者

親視之。敕州縣治療士大悅。長孫無忌白奏天下符魚悉從而官官止十人。天下以為輕神器。帝曰：士度遼十萬皆去家室。朕以十人從尚而其多公止。勿言。帝身屬橐橐房結兩籠於鞍。四月勦濟遼水。高麗皆嬰城守。帝大饗士帳。幽州之南詔長孫無忌並師乃引而東。勦攻蓋牟。城拔之。得戶二萬糧十萬石。以其地為蓋州。程名振攻沙卑城。夜入其西城。潰虜其口八千。游兵鴨綠上勦。遂圍遼東。城帝次遼澤。詔瘞隋戰士露骸。高麗發新城國內城騎四萬救遼東。道宗率張君乂逆戰。君乂却道宗以騎馳之。虜兵辟易。奪其橐收散卒乘高以望。見高麗陣。踴急擊破之。斬首千餘級。誅君乂以徇。帝度遼水。徹杠約堅志營馬首山。身到城下。見士填塹分負之重者。馬上持之。群臣震懼。爭挾塊以進。城有朱蒙祠。祠有鎖甲鉞矛。妄言前燕世天所降。方圍急。飾美女以婦神。誣言朱蒙悅。城必完。勦列拋車飛大石過三百步。所當輒潰。虜積木為樓。結繩同不能拒。以衝車撞。陴屋碎之時。百濟上金髮鎧。又以玄金為山五文鎧。士被以從。帝與勦會。甲光炫日。會南風急。士縱火焚西南標。延城中屋幾盡。人死于燎者萬餘。眾登陴。虜蒙盾以拒。士舉長矛春之。隴石如雨。城遂潰。獲勝兵萬戶。四萬糧五十萬石。以其地為遼州。初帝自太子所屬行在舍置一烽。約下遼東舉烽是日傳燎。塞進攻白崖城。城負崖水險甚。帝壁西北。虜

商孫伐音陰而降然城中不能一帝賜幟曰若降建于堞以信俄而舉幟城人
皆以唐兵登矣乃降初伐音中悔帝怒約以虜馬昇諸將及是李勣曰去舊而
先貪虜獲也今城危援不可許降以孤志帝曰將軍言是也然縱兵殺戮略人
妻孥朕不忍將軍麾下有功者朕能以庫物賞之庶因將軍贖一城乎獲男女
凡萬三千以其地爲巖州拜伐音爲刺史莫離支以加尸人七十人蓋年勣
俘之請曰勣帝曰而家加尸乃爲我戰將死戮矣夷一姓求一人力不可寧而縱
之以安市於是高麗北部倭薩高延壽南部倭薩高惠真引兵及靺鞨衆十五
萬來援帝曰彼若勒兵連安市而壁據高山取城中粟食之縱靺鞨略吾牛馬
攻之不可下此上策也拔城夜去中策也與吾爭鋒則禽矣有大將盧爲延壽
計曰吾聞中國亂英雄並奮秦王神武敵無堅戰無前遂定天下南面而帝北
狄西戎固不臣今掃地而來謀臣重將皆在其鋒不可校今莫若頓兵曠日陰
遣奇兵絕其饒道旬月糧盡欲戰不得歸則無路乃可取也延壽不從引軍
距安市四十里而屯帝曰虜隨吾策中矣命左衛大將軍阿史那社爾以突厥
千騎背之虜常以靺鞨銳兵居前社爾兵接而北延壽曰唐易與耳進一舍倚
麓而陣帝詔延壽曰我以爾有彊臣賊殺其主來問罪即交戰非我意延壽謂
然按用侯帝夜召諸將使李勣率步騎萬五千陣西嶺當賊長孫無忌牛進達

精兵萬人出虜背狹谷帝以騎四千偃幟趨虜北山上令諸軍曰聞鼓聲而縱
張幟朝嘗曰明日日中納降虜於此是夜流星墮延壽營旦日虜覩軍少即
戰帝望無已車壁上命鼓角作兵幟四合虜惶惑將分兵禦之衆已蹶勦以步
槊擊敗之無遺棄其後帝自山馳下虜大亂斬首二萬級延壽收餘衆負山自
固無已勦合圍之徹川梁斷歸路帝按轡觀虜營壘曰高麗偪國來一麾而
破天贊我也下馬再拜謝況于天延壽等度勢窮即舉衆降入棘門膝而前拜
手請命帝曰後敢與天子戰乎惶汗不得對帝料酋長三千五百人悉官之許
內徙餘衆三萬縱還之誅靺鞨三千餘人獲馬牛十萬明光鎧萬領高麗震駭
后黃銀二城自技去數百里無舍煙乃驛報太子并賜諸臣書曰朕自將若此
云何因號所幸山爲駐蹕山圖破陣狀勒石紀功拜延壽鴻臚卿惠真司農卿
候騎獲覩人帝解其縛自言不食且三日命飼之賜以綈遣曰歸語莫離支若
須軍中進退可遣人至吾所帝每營不作斬壘謹斥候而已而上運糧雖單騎
虜不敢鈔帝與勦議所攻帝曰吾聞安市地險而衆悍莫離支擊不能下因與
之建安恃險絕粟多而士少若出其不意攻之不相救矣建安得則安市在吾
腹中勦曰不然積糧遼東而西擊建安賊將梗我歸路不如先攻安市帝曰善
遂攻之未能下延壽患其謀曰烏骨城倭薩已羣朝攻而久可下烏骨拔則于

壤舉矣群臣亦以張亮軍在沙城召之。亮至若取烏骨度鴨綠迫其腹心計之善者無忌曰天子行師不豫幸安市衆十萬在吾後不如先破之乃驅而南萬全勢也乃止城中見帝旌麾輒乘陴譟帝怒勸請破曰男子盡謀虜聞故死戰江夏王道宗築距闌攻東南虜增陴以守勦攻其西撞車所壞隨輒串柵爲樓帝聞城中鷄鼠聲曰圍久突無黔煙今鷄鼠鳴必殺以饗士虜且夜出詔嚴兵丙夜虜數百人縋而下悉禽之道宗以樹枝裹土積之距闌成迫城不數丈果殺都尉傳伏愛守之自高而排其城城且頽伏愛私去所部虜兵得自頽城出據而塹斷之積火縈盾固守帝怒斬伏愛敕諸將擊之三日不克有詔班師拔遼蓋三川之人以歸兵過城下城中屏息偃旗酋長登城再拜帝嘉其守賜綰百匹遼州粟尚十萬斛士取不能盡帝至渤海水阻淖八十里車騎不通長孫無忌揚師道等率萬人斬椎築道縣車爲梁帝負薪馬上助役十月兵畢度雪其詔屬燎以待濟始行士十萬馬萬匹還物故裁千餘馬死十八船師七萬物故亦數百詔集戰骸葬柳城祭以太牢帝臨哭從臣皆流涕帝撓飛騎入臨渝關皇太子迎道左初帝與太子別御褐袍曰俟見爾乃更袍歷三時弗易至寧穴群臣請更服帝曰士皆敝衣吾可新服邪及是太子進紵衣乃御遼降口萬四千當沒爲奴婢前集幽州將分賞士帝以父子夫婦離析詔有司以布

帛贖之原爲民列拜謹舞三日不息延壽既降以憂死獨惠直至長安明年春
藏遣使者上方物且謝罪獻二妹帝敕還之謂使者曰色者人所重然敗其
去親戚以傷乃心我不取也初師還帝以弓服賜蓋蘇文受之不遣使者謝於
是下詔削棄朝貢又明年三月詔左武衛大將軍牛進達爲青丘道行軍大摠
管右武衛將軍李海岸副之自萊州度海李勣爲遼東道行軍大摠管右武衛
將軍孫貳助右屯衛大將軍鄭仁泰副之率營州都督兵繇新城道以進次南
蘇木底虜兵戰不勝焚其郭七月進達等取石城進攻積利城斬級數千乃皆
還藏遣子莫離支高任武來朝因謝罪二十二年詔右武衛大將軍薛萬徹爲青
丘道行軍大摠管右衛將軍裴行方副之自海道入部將古神威與虜戰曷山
虜潰虜乘暝襲我舟伏丘破之萬徹度鴨綠次泊灼城拒四十里而舍虜懼皆
棄邑居去大酋所夫孫拒戰萬徹擊斬之遂圍城破其援兵三萬乃還帝與長
孫無忌計曰高麗困吾師之入戶亡耗田歲不收蓋蘇文築城增陴下飢卧死
溝聲不勝敵笑明年以三十萬衆公爲大摠管舉可滅也乃詔劍南大治船
蜀人願輸財江南計直作舟舟取縑千二百巴蜀大騷叩肩雅三州獠皆反發
隴而峽內兵二萬擊定之始帝決取虜故詔陝州刺史孫伏伽萊州刺史李道
裕儲糧械於三山浦烏胡島越州都督治大艘偶舫以待會帝崩乃皆罷藏遣

使者奉討求徽五年藏以靺鞨兵攻契丹戰新城大風矢皆還徽爲契丹所乘大敗契丹火野復戰人死相藉積尸而冢之遣使者告捷高宗爲露布于朝六年新羅訢高麗靺鞨奪三十六城惟天子哀救有詔營州都督程名振左衛中郎將蘇定方率師討之至新城敗高麗兵交外郭及墟落引還顯慶三年復遣名振率薛仁貴攻之未能克後二年天子已平百濟乃以左驍衛大將軍契苾何力右武衛大將軍蘇定方左驍衛將軍劉伯英率諸將出沮遼東平壤道討之龍朔元年大募兵拜置諸將天子欲自行蔚州刺史李君球建言高麗醜何至傾中國事之有如高麗旣滅必發兵以守少發則威不振多發人不安是天下疲於轉戍臣謂征之未如勿征滅之未如勿滅亦曾武后苦邀帝乃止八月定方破虜兵於沮江奪馬邑山遂圍平壤明年龐孝恭以嶺南兵壁蛇水蓋蘇文攻之舉軍沒定方解而歸乾封元年藏遣子男福從天子封泰山還而蓋蘇文死子男生代爲莫離支與弟男建男產相怨男生據國內城遣子獻誠入朝求救蓋蘇文弟淨土亦請割地降乃詔契苾何力爲遼東道安撫大使左金吾衛將軍龐同善營州都督高侃爲行軍撫管左武衛將軍薛仁貴左監門將軍李謹行殿而行九月同善破高麗兵男生率師來會詔拜同善特進遼東大都督兼平壤道安撫大使封玄菟郡公又以李勣爲遼東道行軍大撫管兼

安撫大使與契苾何力龐同善并力詔獨孤鄉雲由鴨綠道郭待封積利道劉
仁願畢列道金待問海谷道並為行軍總管受勳節度轉燕趙食膾遼東明
年正月勳引道安新城合諸將謀曰新城賊西鄙不先圖餘城未易下遂壁西
南山臨城城人縛戍酋出降勳進拔城十有六郭待封以舟師濟海趨平壤三
年二月勳率仁貴拔扶餘城它城三十皆納款同善偃守新城男建遣兵龍表之
仁貴敕倨戰金山不勝高麗鼓而進銳甚仁貴橫擊大破之斬首五萬級拔南
蘇木底荅岩三城引兵略地與勳會侍御史賈言忠計事還帝問軍中云何對
曰必克昔先帝問罪所以不得志者虜未有豐也諺曰軍無媒中道回今男生
兄弟閭閻為我鄉導虜之情偽我盡知之將忠士力臣故曰必克且高麗秘記
曰不及九百年當有十大將滅之高氏自漢有國今九百年勳年八十矣虜仍
荐飢人相掠賣地震裂裂狼狐入城蚡穴於門人心危駭是行不再舉矣男建以
兵五萬龍表疾餘勳破之薩賀水上斬首五千級俘口三萬器械牛馬稱之進拔
大行城劉仁願與勳會後期召還當誅赦流姓州契苾何力會勳軍于鴨綠拔
辱夷城來師圍平壤九月藏遣男產率首領百人樹素幡降且請入朝勳以礼
見而男建猶固守出戰數北大將浮屠信誠遣謀約內應五日闔啓兵譟而入
火其門燬燭四興男建窘急自刺不殊執藏男建等收凡五部百七十六城戶

六十九萬詔勦便道獻俘昭陵凱而還十二月帝坐含元殿引見勦等數俘于
廷以藏素脅制赦爲司平太常伯男產司宰少卿授男建黔州百濟王扶餘隆
嶺外以獻誠爲司衛卿信誠爲銀青光祿大夫男生右衛大將軍何力行左衛
大將軍勦兼太子太師仁貴威衛大將軍剖其地爲都督府者九州四十二縣
百復置安東都護府擢酋豪有功者授都督刺史令與華官參治仁貴爲都
護摠兵鎮之是歲郊祭以高麗平謝成于天摠章二年徙高麗民三萬於江淮
山南大長鉗牟岑率衆反在藏外孫安舜爲王詔高麗東州道李謹行燕山道
並爲行軍摠管討之遣司平太常伯楊昉綏納亡餘舜殺鉗牟岑走新羅倂徙
都護府治遼東州破叛兵於安市又敗之泉山俘新羅援兵二千李謹行破之
于發盧河再戰俘虜萬計於是平壤殘不能軍相率奔新羅凡四年乃平始
謹行留妻劉守伐奴城虜攻之劉環甲勒兵守賊引去帝嘉之封燕郡夫人儀
鳳二年授藏遼東都督封朝鮮郡王還遼東以安餘民先編僑內州者皆原遣
徙安東都護府於新城藏與靺鞨謀反未及發召還放邛州廝其人于河南隴
右弱窳者留安東藏以永淳初死贈衛尉卿葬頡利墓左樹碑其阡舊城往往
入新羅遺人散徙突厥靺鞨由是高氏君長皆絕垂拱中以藏孫寶元爲朝鮮
郡王聖曆初進左鷹揚衛大將軍更封忠誠國王使統安東舊部不行明年以

藏子德武爲安東都督後稍自國至元和末遣使者獻樂工云

百濟扶餘別種也直京師東六千里而贏濱海之陽西界越州南倭比高麗皆踰海乃至其東新羅也王居東西二城官有內臣佐平者宣納號令內頭佐平主帑聚內法佐平主禮衛士佐平典衛兵朝廷佐平主獄兵官佐平掌外兵有六方方統十郡大姓有八沙氏燕氏勃氏解氏貞氏國氏木氏苜氏其法反逆者誅籍其家殺人者輸奴婢三贖罪更受賕及盜三倍償鋼終身俗與高麗同有三島生黃漆六月刺取瀋色若金王服大襲紫袍青錦袴素皮帶烏革履烏羅冠飾以金繭群臣絳衣飾冠以銀繭禁民衣絳紫有文籍紀時月如華人武德四年王扶餘璋始遣使獻果下馬自是數朝貢高祖冊爲帶方郡王百濟王後五年獻明光鎧且訟高麗梗貢道太宗貞觀初詔使者平其怨又與新羅世仇數相侵帝賜爾畫昌新羅朕蕃臣王之鄰國聞數相侵暴朕已詔高麗新羅申和王宜忘前怨識朕本懷璋奉表謝然兵亦不止再遣使朝上鐵甲雕斧帝優勞之賜帛段三千十一年璋死使者素服奉表曰君外臣百濟王扶餘璋卒帝爲舉哀玄武門贈光祿大夫贈賜甚厚命祠部郎中鄭文表冊其子義慈爲柱國紹王義慈事親孝與兄弟友時號海東曾子明年與高麗連和伐新羅取四十餘城發丘守之又謀取棠項城絕貢道新羅告急帝遣司農丞相里玄獎

齊王遣使來帝詔義慈曰海東二國開基舊矣地固大牙比者隙爭侵校無寧歲新羅高城重鎮皆為王并歸窮于朕王歸地葢齊桓一諸侯尚存亡國况朕萬方王可不卹其危邪王所兼城宜還之新羅所俘亦畀還王不如詔者任王決戰朕將發契丹諸國度遼深入王可思之無後悔永徽六年新羅訴百濟高麗靺鞨取北境三十城顯慶五年乃詔左衛大將軍蘇定方為神兵道行軍大總管率左衛將軍劉伯英右武衛將軍馮士貴左驍衛將軍龐孝泰發新羅兵討之自城山濟海百濟守能津口定方縱擊虜大敗王師東潮帆以進趨丘都城一舍虜悉眾拒復破之斬首萬餘級拔其城義慈挾太子隆走北鄙定方圍太子恭自立為王率眾固守義慈孫文思曰王太子固在叔乃自王若唐兵解去如我父子何與左右縋而出民自從之恭不能止定方令士超堞立幟秦開門降定方執義慈隆及少主孝演酋長五十八人送京師平其國五部三十七郡二百城戶七十六萬乃析置能津馬韓東明金連德安五都督府擢酋渠長文度為命郎將劉仁願守百濟城左衛郎將王文度為能津都督九月定方以所俘見詔釋不誅義慈病死贈衛尉卿諡舊臣赴臨訖葬孫皓陳叔寶墓左授隆司稼卿文度及濟海卒以劉仁軌代之璋從子福信嘗將兵乃與浮屠

道琛據周留城反迎故王子扶餘豐於倭妾為王西部皆應引兵圍仁願龍朔元年仁軌發新羅兵往救道琛立二壁能津江仁軌與新羅兵夾擊之奔入壁爭梁隋南者萬人新羅兵還道琛係任孝城自稱鎮軍將軍福信稱霜岑將軍告仁軌曰聞唐與新羅約破百濟無老孺皆殺之昇以國我與受死不若戰仁軌遣使齎書答說道琛倍其館使者于外嫚報曰使人官小我國大將禮不當見徒遣之仁軌以衆少乃休軍養威請合新羅圖之福信俄殺道琛并其兵豐不能制二年七月仁願等破之能津拔支羅城夜薄真峴比明入之斬首八百級新羅餉道乃開仁願請濟師詔右威衛將軍孫仁師為能津道行軍總管發齊兵七千往徇信嶺國謀殺豐豐率親信斬福信與高麗倭連和仁願已得齊兵去氣振乃與新羅王金法敏率步騎而遣劉仁軌率舟師自能津江偕進趨周留城豐衆屯白江口四遇皆克火四百艘豐走不知所為王子扶餘忠勝忠志率殘衆入倭人請命諸城皆復仁願勒軍還留仁軌代守帝以扶餘隆為熊津都督歸國平新羅故憾招還遺人麟德二年與新羅王會熊津城刑白馬以盟仁軌為明辭曰往百濟先王因顧逆順不敦鄰不睦親與高麗倭共侵削新羅破邑屠城天子憐百姓無辜命行人脩好先王負險恃遐侮慢弗恭皇赫斯怒是伐是夷但興亡繼絕王者通制故立剛太子隆為熊津都督守其祭

祀附杖新羅長為與國結好除忿恭天子命永為藩服右威衛將軍魯城縣公
仁願親臨盟誓貳其德與兵動衆明神監之百殃是降子孫不育社稷無守
世世毋敢犯乃作金書鐵契藏新羅廟中仁願等還隆畏衆攜散亦歸京師儀
鳳時進帶方郡王遣歸藩是時新羅疆隆不敢入舊國寄治高麗死武后又以
其孫敬襲王而其地已為新羅渤海靺鞨所分百濟遂絕

新羅并韓苗裔也居漢樂浪地橫千里縱三千里東拒長人東南日本西百濟
南瀕海北高麗而王居金城環八里所衛兵三千人謂城為侵牟羅邑在內曰
喙評外曰邑勒有喙評六邑勒五十二朝服尚白好祠山神八月望日大宴賓
官吏射其建官以親屬為上其族名第一骨第二骨以自別兄弟女姑姨從姊
妹皆聘為妻王族為第一骨妻亦其族生子皆為第一骨不娶第二骨女雖娶
常為妾媵官有宰相侍中司農卿太府令凡十有七等第二骨得為之事必與
衆議號和白一人異則罷宰相家不絕祿奴僮三千人甲兵牛馬猪稱之畜牧
海中山須食乃射息穀米於人償不滿庸為奴婢王姓金貴人姓朴民無氏有
名食用柳栝若銅瓦元日相慶是日拜日月神男子褐袴婦長襦見人必跪則
以手据地為恭不粉黛率美髮以縹首以珠綵飾之男子剪髮鬚鬣以黑巾市
皆婦女貨販冬則作鼃堂中夏以食置冰上畜無羊少驢羸多馬馬雖高大不

善行長人者人類長三丈鋸牙鉤爪黑毛覆身不火食噬禽獸或搏人以食得婦人以治衣服其國連山數十里有峽固以鐵闔號關門新羅常屯弩士數千守之初百濟伐高麗來請救悉兵往破之自是相攻不置後獲百濟王殺之滋結怨武德四年王眞平遣使者入朝高祖詔通直散騎侍郎庾文素持節答資後三年拜柱國封樂浪郡王新羅王眞觀五年獻女樂二太宗曰比林邑獻鸚鵡言魚鄉巧還況於人乎付使者歸之是歲眞平死無子立女善德爲王大臣乙祭柄國詔贈眞平左光祿大夫贈物段三百九年遣使者冊善德襲父封國人號聖祖皇姑十七年爲高麗百濟所攻使者來乞師亦會帝親伐高麗詔率兵以拔虜勢善德使兵五萬入高麗南鄙拔水口城以聞二十一年善德死贈光祿大夫而妹眞德龍臺明年遣子文王及弟伊贊子春秋來朝拜文王左武衛將軍春秋特進因請改章服從中國制內出珍服賜之又詣國學觀釋奠講論帝賜所製聖書辭歸敕三品以上郊餞高宗永徽元年攻百濟破之遣春秋子法敏入朝眞德織錦爲頌以獻曰巨唐開洪業巍巍皇猷昌上戈成大定興文繼百王統天宗雨施治物體含章深仁諧日月撫運邁時康幡旗旣赫赫鉦鼓何鏗鏘外夷違命者剪覆被天殃溥風凝幽顯遐邇競呈祥四時和玉燭七耀巡萬方維岳降宰輔維帝任忠良三五成一德昭我唐家唐帝美其意擢

法敏太府卿五年直德死帝為舉哀贈開府儀同三司賜綵段三百命太常丞張文收持節弔祭以春秋龍奎明年百濟高麗靺鞨共伐取其三十城使者來請救帝命蘇定方討之以春秋為嶠夷道行軍總管遂平百濟龍朔元年死法敏襲奎以其國為鷄林州大都督府授法敏都督咸亨五年納高麗叛眾略百濟地守之帝怒詔削官爵以其弟右驍衛員外大將軍臨海郡公仁問為新羅王自京師歸國詔劉仁軌為鷄林道大撽管衛尉卿李弼右領軍大將軍謹行副之發兵窮討上元二年二月仁軌破其眾於七重城以靺鞨兵浮海略南境斬獲其眾詔李謹行為安東鎮撫大使也買肖城三戰虜皆北法敏遣使入朝謝罪真籙相望仁問乃還辭王詔復法敏官爵然多取百濟地遂抵高麗南境矣置尚良康熊全武漢朝湏九州州有都督統郡十或二十郡有大守縣有小守開耀元年死子政明襲王遣使者朝丐唐禮及它文辭武后賜吉凶禮并文詞五十篇死子理洪襲王死弟興光襲王玄宗開元中數入朝獻果下馬朝霞紬魚牙紬海豹皮又獻二女帝曰女皆王姊妹違本俗別所親朕不忍留厚賜還之遣子弟入太學學經術帝間賜興光瑞文錦五色羅紫繡紋袍金銀精器興光亦上異狗馬黃金美髯諸物初渤海靺鞨掠登州興光擊走之帝進興光寧海軍大使使攻靺鞨二十五年死帝尤悼之贈太子太保命邢璣以鷄臚少

卿弔祭子承慶襲王詔壽曰新羅號君子國知詩書以卿博儒故持節往其演
經誼使知大國之盛又以國人善棋詔率府兵曹參軍楊季鷹為副國高升皆
出其下於是厚遺使者金寶俄冊其妻升為妃承慶死詔使者臨弔以其弟憲
英嗣王帝在蜀遣使泝江至成都朝正月大曆初憲英死子乾運立甫也遣金
隱居入朝待命詔倉部郎中歸崇敬往弔監察御史陸珣顧惜為副冊受之并
母金為太妃會其宰相爭權相攻國大亂三歲乃定於是歲朝獻建中四年死
無子國人共立宰相金良相嗣貞元元年遣戶部郎中蓋填持節命之是年死
立良相從父弟敬信襲王十四年死無子立嫡孫俊邑明年遣司封郎中韋丹
持冊未至俊邑死丹還子重興立永貞元年詔兵部郎中元季方冊命後三年
使者金力竒來謝且言往歲冊故主俊邑為王母申太妃妻叔妃而俊邑不幸
冊命畧省中臣請授以歸又為其宰相金彦昇金仲恭主之弟蘇金添明馬門
戟詔皆可凡再朝貞七年死彦昇立來告喪命職方員外郎崔廷弔且命新王
以太子左諭德源寂冊弔並儀開成初遣子義琮謝願留衛見聽明年遣之五
年馮贍等籍贍子及學生歲滿者二百五人皆還之有張保臯鄭年者皆善鬪
戰工用槍年復能沒海覆其地五十里不墮角其勇健保臯不及也年以兄呼

保臯保臯以齒年以藝常不相下自其國皆來為武寧軍小將後保臯歸新羅
謁其王曰遍中國以新羅人為奴婢願得鎮清海使賊不得掠人而去清海每
路之要也王與保臯萬人守之自太和後海上無警新羅人者保臯既貴於其
國年飢寒客漣水一日謂成王馮元規曰我欲東歸乞食於張保臯元規曰若
與保臯所負何如奈何取死其手年曰飢寒死不如兵死快況死故鄉邪年遂
去至謁保臯飢之極歡飲未卒聞大臣殺其王國亂無主保臯分兵五千人與
年持年泣曰非子不能平禍難年至其國誅反者立王以報王遂召保臯為相
以年代守清海會昌後朝貢不復至

贊曰杜牧稱安思順為朔方節度時郭汾陽李臨淮俱為牙門都將二人不相
能雖同盤飲食常睇相視不交一言及汾陽代思順臨淮欲亡去計未決旬日
詔臨淮分汾陽半兵東出趙魏臨淮入請曰一死固甘乞免妻子汾陽趨下持
手上堂曰今國亂主遷非公不能東伐豈懷私忿時邪及別執手泣涕相勉以
忠義說平虜盜實二公之力知其心不叛知其心難也忿必見短知其材益難
也此保臯與汾陽之賢等耳年投保臯必曰彼貴我賤我降下之不宜以舊忿
殺我保臯東不殺人之常情也臨淮請死於汾陽亦人之常情也保臯任年事
出於已年且寒飢易為感動汾陽臨淮平生元立臨淮之命出於天子權於保

皇汾陽為優此乃聖賢遲疑成敗之際也世稱周邵為百代之師周公擁孺子而邵公疑之以周公之聖邵公之賢少事文王老佐武王能平天下周公之心邵公且不知之苟有仁義之心不貴以明雖邵公尚爾況其下哉嗟乎不以怨毒相其而先國家之憂晉有祁奚唐有汾陽保臯孰謂夷無人哉

日本古倭奴也去京師萬四千里直新羅東南在海中島而居東西五月行南北三月行國無城郭聯木為柵落草茨屋左右小島五十餘皆自各國而臣附之置本率一人檢察諸部其俗多女少男有文字尚浮屠法其官十有二等其王姓阿每氏自言初主號天御中主至度彥凡三十二世皆以尊為號居筑紫城彥彥于神武立更以天皇為號徙治大和州次曰綏靖次安寧次懿德次孝昭次天安次孝靈次孝元次開化次崇神次垂仁次景行次成務次仲哀仲哀死以開化曾孫女神功為王次應神次仁德次履中次反正次允恭次安康次雄略次清寧次顯宗次仁賢次武烈次繼體次安閑次宣化次欽明欽明之十一年直初永聖元年次海達次用明亦曰目多利思比孤直隋開皇末始與中國通次崇峻崇峻死欽明之孫女雄古立次舒明次皇極其俗推髻無冠帶跣以行幅巾蔽後貴者冒錦婦人衣純色裙長腰襦結髮手後至煬帝賜其民錦綫冠飾以金玉文布為衣左右佩銀蘆長八寸以多少明貴賤太宗貞觀五年

遣使者入朝帝矜其遠詔有司毋拘歲貢遣新州刺史高仁表往諭與王爭禮不平不肯宣天子命而還久之更附新羅使者上書求徵初其王孝德即位改元曰白雉獻虎魄大如斗碼碯若五升甕時新羅爲高麗百濟所暴高宗賜璽書令出兵援新羅未幾孝德死其子天豐財死子天智立明年使者與蝦蟇人偕朝蝦蟇亦居海島中其使者鬚長四尺許珥前於首令人戴瓠立數十步射無不中天智死子天武立死子摠持立咸亨元年遣使賀平高麗後稍習夏音惡倭名更號曰本使者自言國近日所出以爲名或云日本乃小國爲倭所并故冒其號使者不以情故疑焉又妄夸其國都方數千里南西盡海東北限大山其外即毛人云長安元年其王文武立改元曰太寶遣朝臣真人栗田真人方物朝臣真人者猶唐尚書也冠進德冠頂有華薦四披紫袍帛帶真人好學能屬文進止有容武后宴之麟德殿授司膳卿還之文武死子阿用立死子聖武立改元曰白龜開元初栗田復朝請從諸儒授經詔四門助教趙玄默即鴻臚寺爲師獻大幅布爲幃衆賞物賀書以歸其副朝臣仲滿慕華不肯去易姓名曰朝衡歷左補闕儀王友多所該識久乃還聖武死女孝明立改元曰天平勝寶天寶十二載朝衡復入朝上元中擢左散騎常侍安南都護新羅梗海道更繇明越州朝貢孝明死大炊立死以聖武女高野姬爲王死白壁立建中元年使者真人

興能獻方物具蓋因官而氏者也興能善書其紙似繭而澤人莫識貞元末其王曰桓武遣使者朝其學子橘菟勢浮屠空海願留肄業麻竺十餘年使者高階真人來請免勢等俱還詔可次諾樂立次嵯峨次浮和次仁明仁明直開成四年復入貞次文德次清和次陽成次光孝直光啓元年其東海嶼中又有邪古波邪多尼三小王北距新羅西北百濟西南直越州有絲絮怪珍云

流鬼去京師萬五千里直黑水靺鞨東北少海之北三面皆阻海其北莫知所窮人依嶼散居多沮澤有魚鹽之利地蚤寒多霜雪以木廣六寸長七尺系其上以踐冰逐走獸土多狗以皮爲裘俗被髮粟似莠而小無蔬菰它穀勝兵萬人南與莫曳靺鞨鄰東南航海十五日行乃至貞觀十四年其王遣子可也余莫貂皮更三譯來朝授騎都尉遣之龍朔初有僭羅者其王儒李都羅遣使入朝國居新羅武州南島上俗朴陋衣大豕皮夏居草屋冬窟室地生五穀耕不知用牛以鐵齒杷土初附百濟麟德中西長來朝從帝至太山後附新羅開元十年又有達末婁達姑二部首領朝貢達末婁自言北扶餘之裔高麗滅其國遣人度那河因居之或曰他漏河東北流入黑水達姑室韋種也在那河陰凍末河之東西接黃頭室韋東北距達末婁云

西域列傳第一百四十六上

唐書二百二十一上

宋祁奉

敕撰

泥波羅直吐蕃之西樂陵川土多赤銅犂牛俗剪髮連眉穿耳植以角若
角緩至有者爲姣好無亡節擢而食其脂皆用銅其居版屋畫壁俗不知牛
耕故少田作習商賈一幅布蔽身日數盥浴重博戲通推步曆術祀天神
鑄石爲象日浴之烹羊以祭鑄銅爲錢面文人形背牛馬形其君服珠頗
黎車渠珊瑚虎魄垂纓耳金鉤玉璫佩寶伏突御師子大牀燎香布花於堂
而大臣坐地不藉左右持兵數百列侍宮中有七重樓覆銅瓦楹極皆大排
雜寶四隅置銅槽下有金龍口激水仰注槽中初王那陵提婆之父爲其叔
所殺提婆出奔吐蕃納之逐臣吐蕃自觀中遣使者李義表到天竺道其國
提婆大喜廷使者同觀阿着婆赤池池廣數十丈水常盈沸共傳旱潦未始
耗溢或抵以物則生煙金其上少選可熟二十一年遣使入獻波稜酢菜渾
提葱求微時其王尸利那連陀羅又遣使入貢

党項漢西羌別種魏晉後微甚周威石昌鄧至而党項始彊其地古折支
也東距松州西葉護南春桑迷桑等羌北吐谷渾處山谷崎嶇大抵三千里
以姓別爲部一姓又分爲小部落大者萬騎小數千不能相統故有細封氏

費聽氏往利氏頗超氏野辭氏旁當氏米禽氏拓拔氏而拓拔最彊王者有
棟宇織聲尾羊毛覆屋歲一易俗尚武無法令賦役人壽多過百歲然好爲
盜更相剽殺尤重復讎未得所欲者蓬首垢顏跣足草食殺已乃復男女衣
裘褐被羶畜聲牛馬驢羊以食不耕稼地寒五月草生八月霜降無文字候
草木記歲三年一相聚殺生羊祭天取麥他國以釀酒妻其庶母伯叔母
兄嫂子弟婦惟不娶同姓老而死子孫不哭少死則曰天枉乃悲貞觀三年
南會州都督鄭元璿鑄諭其酋細封步賴舉部降太宗爾時慰撫步賴因
入朝宴錫持異以其地爲軌州即授刺史步賴請率兵討吐谷渾其後諸酋
長悉內屬以其地爲嵯奉嚴遠四州即首領拜刺史有拓拔赤辭者初臣吐
谷渾慕容伏允待之厚與結婚諸羌已歸獨不至李靖擊吐谷渾赤辭屯
狼道峽抗王師廓州刺史久且洛生欲諭降之辭曰渾主以腹心待我不知
其佗若速去且付吾刀洛生怒引輕騎破之肅遠山斬首數百級虜雜畜
六千帝因其勝又令約降赤辭從子忠頭潛納款其下拓拔細豆亦降赤辭
知宗族攜阻稍欲自歸岷州都督劉師立復誘之即與忠頭俱內屬以其
地爲歆嵯麟可三十二州以松州爲都督府擢赤辭西戎州都督賜氏李
貢職遂不絕於是自河首積石山而東皆爲中國地後吐蕃寢盛拓拔畏

偏請內徙始詔慶州置靜邊等州處之地乃入吐蕃其處者皆為吐蕃役屬
更號弭藥又有黑党項者居赤水西其長號敦善王慕容伏允之走也依之
及吐谷渾款附敦善王亦納貢居雪山者曰破丑氏又有白蘭羌吐蕃謂之
丁零左屬党項右與多彌接勝兵萬人勇戰鬪善作兵俗與党項同武德六
年使者入朝明年以其地為維恭二州貞觀六年與契苾數十萬內屬永徽
時特浪生羌卜樓大首領凍就率眾來屬以其地為劍州龍朔後白蘭春
桑及白狗羌為吐蕃所臣籍其兵為前驅白狗與策會州接勝兵纔千人在
西北者天授中內附戶凡二十萬以其地為朝吳浮歸十州散居靈夏間至
德末為吐蕃所誘使為鄉導欽邊俄悔悟更來朝願助靈州饒乾元間
中國數亂因寇邈寧二州肅宗詔郭子儀都統朔方邈寧鄜坊節度事以
鄜州刺史杜晃邈州刺史桑如珪分二隊出討子儀至党項潰去上元元年
在涇隴部落十萬眾詣鳳翔節度使崔光遠降二年與渾奴刺連和寇寶鷄
殺吏民掠財珍焚大散關入鳳州殺刺史蕭悅節度使李鼎追擊走之明
年又攻梁州刺史李勉走進寇奉天大掠華原同官吳詔臧希讓代勉為刺
史於是歸順乾封歸義順化和寧和義保善寧定羅雲朝鳳凡十州部落詣
希讓獻款丐節印詔可僕固懷恩之叛誘党項渾奴刺入寇眾數萬掠鳳翔

整屋大酋鄭廷郝德入同州刺史韋勝走節度使周智光破之澄城閱月又入同州焚官私室廬壁馬蘭窮子儀遣兵龍襄之退保三堡子儀遣慕容休明諭降廷德子儀以党項吐谷渾部落散處蘭慶等州其地與吐蕃濱近易相脅即表徙靜邊州都督夏州樂容等六府党項子銀州之北夏州之東寧朔州吐谷渾住夏西以離沮之召靜邊州大酋領左羽林大將軍拓拔朝光等五刺史入朝厚賜賚使還綏其部先是慶州有破丑氏族三野利氏族五把利氏族一與吐蕃姻援贊普悉壬之因是擾邊凡十年子儀表工部尚書路嗣恭爲朔方留後將作少監梁進用爲押党項部落使置行慶州且言党項陰結吐蕃爲變可遣使者招慰其反謀因令進用爲慶州刺史嚴邏以絕吐蕃往來道代宗然之又表置靜邊芳池相興王州都督長史永平旭定清寧寧保忠順靜塞萬吉等七州都督府於是破丑野利把利三部及思樂州刺史拓拔乞梅等皆入朝宜定州刺史折磨布落芳池州野利部並徙綏延州大曆末野利禿羅都與吐蕃叛招餘族不應子儀擊之斬禿羅都而野利景庭野利剛以其部數千人入附雞子川六州部落曰野利越詩野利龍兒野利厥律兒黃野海野宰等居慶州者號東山部夏州者號平夏部永泰後稍徙石州後爲永安將阿史那思暉賦素無極遂亡走河西元和時復置宥

州護党項至大和中寢彊數寇掠然器械鉅苦畏唐兵精則以善馬購鎧
善羊貲弓矢鄜坊道軍糧使李石表禁商人不得以旗幟甲冑五兵入部落
告者舉罪人財畀之至開成未種落愈繁富賈人齎繒寶詣南羊馬藩鎮
乘其利彊市之或不得直部人怨相率爲亂至靈鹽置道不通武宗以待御史
爲使招定分三印以邠寧延屬崔茂曾鹽夏長澤屬李鄠靈武麟勝屬
鄭賀皆緋衣銀魚而功不克宣宗大中四年內掠邠寧詔鳳翔李業河東李
拭合節度兵討之宰相白敏中爲都統帝出近苑或以竹一箇植舍外見纔
尺許遠且百步帝屬二矢曰党羗窮寇仍歲暴吾鄙今我約射竹中則彼當
自亡不中我且索天下兵翦之終不以此賊遺子孫左右注目帝一發竹分
矢徹諸外左右呼万歲不閱月羗果破殄餘種尋鳳南山始天寶末平夏郡有
戰功擢容州刺史天柱軍使其裔孫拓拔思恭感邇末竊據宥州稱刺史黃
巢入長安與鄜州李孝昌壇而坎牲誓討賊僖宗賢之以爲左武衛將軍權
知夏綏銀節度事次王橋爲巢所敗更與鄭畋四節度盟屯渭橋中和二年
詔爲京城西面都統檢校司空同中書門下平章事俄進四面都統權知京
兆尹賊平兼太子太傅封夏國公賜姓李嗣裴王焜之亂詔思恭討賊兵不
出卒以弟思諫代爲定難節度使思孝爲保大節度鄜坊丹翟等州觀察使

並檢校司徒同中書門下平章事王行瑜反以思孝爲北面招討使思諫東
北面招討使思孝亦因亂取鄜州遂爲節度使累兼侍中以老薦第思諫
爲保大軍兵馬留後俄爲節度使

東女亦曰蘇伐刺拏瞿咀羅羌別種也西海亦有女自王故稱東別之東與
吐蕃党項茂州接西屬三波訶北距于闐東南屬雅州羅女蠻曰狼夷東西
行盡九日南北行盡二十日有八十城以女爲君居康延川巖險四遠有弱
水南流縫革爲船戶四萬勝兵万人王號賓就官曰高霸黎猶言宰相也官
在外者率男子爲之凡號令女官自內傳男官受而行王侍女數百五日一
聽政王死國人以金錢數萬納王族求淑女二立之次爲小王王死因以爲
嗣或姑死婦繼無篡奪所居皆重屋王九層國人六層王服青毛綾裙被青
裏袖委於地冬羔裘飾以文錦爲小鬟髮髻耳垂璫足曳鞵鞵鞵履也俗
輕男子貴者咸有侍男被髮以青塗面惟務戰與耕而已子從母姓地寒
宜麥畜羊馬出黃金風俗大抵與天竺同以十一月爲正巫者以十月詣山
中布糟麥呪呼群鳥俄有鳥來如雞狀剖視之有穀者歲豐否即有災名曰
鳥卜居喪三年不易服不櫛沐貴人死剥藏其皮內骨雍中糝金屑瘞之
王之葬殉死至數十人武德時王湯滂氏始遣使入貢高祖厚報爲突厥所

掠不得通貞觀中使復至太宗聞制尉撫顯慶初遣使高霸黎文與王子
三盧來朝授右監門中郎將其王敏臂使大臣來請官號武后冊拜敏臂左
玉鈴衛員外將軍賜瑞錦服天授開元間王及子再來朝詔與宰相宴曲江
封王曳夫爲歸昌王左金吾衛大將軍後乃以男子爲王貞元九年其王湯
立悉與白狗君及哥隣君董臥庭通相君鄧吉知南水君薛尚悉曩弱水
君董避和悉董君湯息贊清遠君蘇唐磨咄霸君董貌逢皆詣劍南韋臯
求內附其種散居西山弱水雖自謂王蓋小小部落耳自失河隴悉爲吐蕃
羈屬部數千戶輒置令歲督絲絮至是猶上天寶所賜詔書臯處其衆於維
霸等州賜牛糧治生業立悉等入朝差賜官祿於是松州羌二萬口相踵入
附立悉等官刺史皆得世襲然陰附吐蕃故謂兩面羌

高昌直京師西四千里而羸其橫八百里縱三百里凡二十一城王都交河
城漢車師前王廷也田地城戍已校尉所治也勝兵万人土沃麥禾皆再熟
有草名白疊擷花可織爲布俗辦髻毳後其主麴伯雅隋時嘗妻以戚屬字
文氏女號華容公主武德初伯雅死子文泰立遣使來告高祖命使者臨弔
後五年獻狗高六寸長尺能曳馬銜燭云出拂菻中國始有拂菻狗太宗即
位獻玄狐裘帝賜妻字文華鑲一具字文亦上王盤凡諸國施爲輒以聞貞

觀四年文泰遂來朝禮賜厚其字文求預宗籍有詔賜氏李更封常樂公主
久之文泰與西突厥通凡西域朝貢道其國咸見雍孫伊吾嘗臣西突厥至
是內屬文泰與葉護共擊之帝下詔讓其反覆召大臣冠軍阿史那矩計事
文泰不遣使長史麴雍來謝罪初大業末華民多奔突厥及頡利敗有逃入
高昌者有詔護送文泰苛留之又與西突厥乙毗設破焉耆三城虜其人之焉
耆王訴諸朝帝遣虞部郎中李道裕問狀復遣使謝帝引責曰而主數年朝
貢不入無藩臣禮擅置官擬效百僚今歲首万君長悉來而主不至日我使
人往文泰猥曰鷹飛于天雉竄于蒿猫遊于堂鼠安于穴各得其所豈不快
邪西域使者入貢而主悉拘梗之又諭薛延陀曰既自爲可汗與唐天子等
何事拜謁其使明年我當發兵虜而國歸謂而君善自圖時薛延陀可汗
請爲軍向导故民部尚書唐儉至延陀堅約帝復下爾書示文泰禍福促使
入朝文泰遂稱疾不至乃拜侯君集爲交河道大總管左屯衛大將軍薛萬
均薩孤吳仁副之契苾何力爲葱山道副大總管武衛將軍牛進達爲行軍
總管率突厥契苾騎數萬討之群臣諫以行萬里兵難得志且天界絕域雖
得之不可守帝不聽文泰謂左右曰襄吾入朝見秦隴北城邑蕭條非有隋
比今伐我兵多則糧餉不逮若下三萬我能制之度磧疲鈍以逸待勞卧收

其弊耳十四年聞王師至磧口悸駭無它計發病死子智盛立君集奄攻田地城契苾何力以前軍鏖戰是夜星墜城中明日拔其城虜七千餘人中郎將辛僚兒以勁騎夜逼其都智盛以書遺君集曰得罪於天子者先王也谷深譴積震隊歲命智盛嗣位未幾公其見赦君集曰能悔禍者當面縛軍門智盛不荅軍進填隍引衝車飛石如雨城中大震智盛令大將麴士義居守身與綰曹麴德俊謁軍門請改事天子君集諭使降薛未屈薛萬均勃然起曰當先取城小兒何與語麾而進智盛流汗伏地曰唯公命乃降君集分兵略定凡三州五縣二十二城戶八千三萬馬四千先是其國人謠曰高昌兵如霜雪唐家兵如日月日月照霜雪幾何自殄滅文泰捕謠所發不能得也捷書聞天子大悅宴群臣班賜策功赦高昌所部披其地皆州縣之號西昌州特進魏徵諫曰陛下即位高昌最先朝謁俄以掠商胡過貢獻故王誅加焉文泰死罪止矣撫其人立其子伐罪弔民道也今利其土屯守常千人屯士數年一易辦裝資離親戚不十年隴右且空陛下終不得高昌圭粒廼帛助中國費所謂散有用事無用不納改西昌州曰西州更置安西都護府歲調千兵謫罪人以戍黃門侍郎褚遂良諫曰古者先凶夏後夷狄務廣德化不爭荒渺今高昌誅滅威動四夷然自王師始征河西供役飛米轉

芻十室九匱五年未可復今又歲遣屯戍行李萬里去者資裝使自營辦賣
菽粟傾機杼道路死亡尚不計罪人始於犯法終於愆業無益於行所遣復
有亡命官司捕逮株蔓相牽有如張掖酒泉塵飛烽舉豈得高昌一乘一
卒及事乎必發隴右河西耳然則河西為我腹心高昌侂人手足也何必耗
中華事無用昔陛下平頡利吐谷渾皆為立君蓋罪而誅之伏而立之百蠻
所以畏威慕德也今宜擇高昌可立者立之召首領悉還本土長為藩翰中
國不擾書聞不省初文泰以金厚餉西突厥欲谷設約有急為表裏使葉護
屯可汗浮圖城及君集至懼不敢發遂來降以其地為廷州焉耆請歸高昌
所奪五城留兵以守君集勒石紀功凱而旋俘智盛君臣獻觀德殿行飲
至禮醑三日徙高昌豪桀於中國智盛拜左武衛將軍金城郡公弟智湛
右武衛中郎將天山郡公麴氏傳國九世百三十四年而亡智湛麟德中以左
驍衛大將軍為西州刺史卒贈涼州都督有子昭好學有鄰里異書者毋顧
笥中金歎曰何愛此不使子有異聞乎盡持易之昭府司膳卿頗能辭章弟
崇裕有武藝永徽中為右武衛翊府中郎將封交河郡王邑至三千戶終鎮
軍大將軍武后為舉哀祔以美錦賻賜甚厚封爵絕

吐谷渾居甘松山之陽洮水之西南抵白蘭地數千里有城郭不居也隨水

草帳室內糧其官有長史司馬將軍王公僕射尚書郎中蓋慕諸華爲之俗
識文字其王椎髻黑冒妻錦袍織裘金釵飾首男子服長裘繒冒或冠纂
羅婦人辮髮紫後綴珠貝婚禮富家厚納聘資有竊妻去父死妻庶母兄死
妻嫂喪有服葬已即除民無常稅用不足乃斂富室商人足而止凡殺人若
盜馬者死它罪贖以物地多寒宜麥菽粟蕪菁出小馬犛牛銅鐵丹砂有青
海者周八九百里中有山須水合游牝馬其上明年生駒號龍種嘗得波斯
馬牧于海生驄駒日步千里故世稱青海驄西北有流沙數百里夏有熱風
傷行人風將發老駝引項鳴埋鼻沙中人候之以氊蔽鼻口乃无恙隋時其
王慕容伏允號步薩鉢嘗寇邊煬帝遣鐵勒敗之壁西平復命觀王雄破其
衆伏允以數十騎入泥嶺亡去仙頭王率男女十餘萬降置郡縣鎮戍以長
子順爲質因王之統餘衆俄追還伏允客党項隋亂因得復故地高祖受命
順自江都還長安于時李軌據涼州帝乃約伏允和令擊軌自效當護送順
伏允喜引兵與軌戰庫門交綬止即遣使請順帝遣之順至號爲大寧王太
宗時伏允遣使者入朝未還即寇鄯州帝遣使者讓且召伏允以疾爲解而
爲子求婚驗帝意帝乃召子親迎亦稱疾有詔止婚遣中郎將康處直臨諭又
掠岷州都督李道彦擊走之執名王二斬級七百連歲遣名王朝俄寇涼州

鄯州刺史李玄運表吐谷渾牧馬青海輕兵掩之可盡致乃命左驍衛大將軍段志玄左驍衛將軍梁洛仁率契苾苾項兵擊之未至三十里志玄等不欲戰壁而留虜知之驅牧馬走副將李君羨率精騎尾襲懸水上得牛羊二萬還是時伏允耄不能事其相天柱王用事拘天子行人馮驢丞趙德楷帝遣使曉敕十返無後言貞觀九年詔李靖為西海道行軍大總管侯君集積石道任城王道宗鄯善道李道彥赤水道李大亮且末道高旣生鹽澤道並為行軍總管率突厥契苾兵擊之党項內屬羌及洮州羌皆殺刺史歸伏允夏四月道宗破伏允于庫山俘斬四百伏允謀入磧疲唐兵燒野草故靖馬多飢道宗曰柏海近河源古未有至者伏允西走未知其在方馬癯糧乏難遠入不如按軍鄯州須馬壯更圖之君集曰不然嚮者段志玄至鄯州吐谷渾兵輒傳城彼國方完逆眾用命也今虜大敗斥候無在君臣相失我乘其困可以得志柏海雖遠可鼓而至也靖曰善分二軍靖與大亮薛萬均以一軍趣北出其右君集道宗以一軍趣南出其左靖將薩孤吳仁以輕騎戰曼都山斬名王獲五百級諸將戰牛心堆赤水源獲虜將南昌王慕容孝儁收雜畜數萬君集道宗登漢哭山戰烏海獲名王梁屈翊靖破天柱部落於赤海收雜畜二十萬大亮倂名王二十雜畜五萬次且末之西伏允走圖倫磧

將託于聞萬均督銳騎追亡數百里又破之士乏水刺馬飲血君集道宗行
空荒二千里盛夏降霜乏水草士糜冰馬秣雪閱月次星宿川達栢海上望
積石山覽觀河源執失思力馳破虜重重兩軍會于大非川破邏真谷順之
質隋為金帛光祿大夫伏允立其弟為太子順歸常鞅鞅自以失位欲以功
自結天子乃斬天柱王舉國降伏允懼引千餘騎遁磧中眾稍亡從者纔百
騎窮無聊即自經死國人立順為君稱臣內附詔封西平郡王號越胡呂烏
甘豆可汗帝恐未能定其國遣李大亮率精兵鎮授順父質華國人不附卒
為下所殺立其子燕王諾曷鉢諾曷鉢幼大臣爭權帝詔侯君集就經紀之
始請頒曆及子弟入侍詔封諾鉢河源郡王號烏地也拔勒豆可汗遣淮陽
郡王道明持節冊命賜鼓纛諾曷鉢身入謝遂請婚獻馬牛羊萬比年入朝
乃以宗室女為弘化公主妻之詔道明及右武衛將軍慕容寶持節送公主
其相宣王跋扈謀作亂欲襲公主劫諾曷鉢奔吐蕃諾曷鉢知之引輕騎走
鄯城威信王以兵迎之果殺都尉席君買率兵與威信王共討斬其兄弟
三人國大擾帝又詔民部尚書唐休中書舍人馬周持節撫慰高宗立以主
故拜駙馬都尉又獻名馬帝問馬種性使者曰國之最良者帝曰良馬人所
愛詔還其馬公主表請入朝遣左驍衛將軍鮮于匡濟迎之十一月及諾曷

鉢至京師帝又以宗室女金城縣主妻其長子蘇度摸末拜左領軍衛大將軍父之摸末死主與次子右武衛大將軍梁漢王闡盧摸末來請婚帝以宗室女金明縣主妻之既而與吐蕃相攻上書相曲直並來請師天子兩不許吐谷渾大臣素和貴奔吐蕃言其情吐蕃出兵擣虛破其衆黃河上諾曷鉢不支與公主引數千帳走涼州帝遣左武衛大將軍蘇定方爲安集大使平兩國怨吐蕃遂有其地諾曷鉢請內徙乾封初更封青海國王帝欲徙其部於涼州之南山群臣議不同帝難之咸亨元年乃以右威衛大將軍薛仁貴爲邏娑道行軍大摠管左衛員外大將軍阿史那道直左衛將軍郭待封副之摠兵五萬討吐蕃且納諾曷鉢於故廷王師敗於大非川舉吐谷渾地皆陷諾曷鉢與親近數千帳纔免三年乃徙浩亶水南諾曷鉢以吐蕃盛勢不抗而鄯州地狹又徙靈州帝爲置安樂州即拜刺史欲其安且樂云諾曷鉢死子忠立忠死子宣超立聖曆三年拜左豹韜員外大將軍襲故司汗號餘部詣涼甘肅瓜沙等州降宰相張錫與右武衛大將軍唐休璟議徙其人於奉隴豐靈間今不得畔去涼州都督郭元振以爲吐谷渾近秦隴則與監牧雜處置豐靈又邈默啜假在諸華亦不遽移其性也前日王孝傑自河源軍徙耽爾乙句貴置靈州既其叛乃入牧坊掠群馬殲夷州縣是則遷中土無

益之成驗往素和貴叛去於我無損但失吐谷渾數十部豈與句貴比邪今降虜非疆服皆突矢刃棄吐蕃而來宜當循其情為之制也當甘肅瓜沙降者即其所置之因所投而居情易安磔數州則勢自分順其情分其勢不擾於人可謂善奪戎心者也歲遣鎮遏使者與宣超兄弟撫護之無令相侵奪生業固矣有如叛去無損中國詔可宣超死子曦皓立曦皓死子兆立吐蕃復取安樂州而殘部徙朔方何東語謬為退渾貞元十四年以朔方節度副使左金吾衛大將軍慕容復為長樂都督青海國王龍可汗號復死停襲吐谷渾自晉永嘉時有國至龍朔三年吐蕃取其地凡三百五十年及此封嗣絕矣

焉耆國直京師西七千里而羸橫六百里縱四百里東高昌西龜茲南尉犁北烏孫逗渠漑田土宜禾蒲陶有魚鹽利俗祝髮羶衣戶四千勝兵二千常役屬西突厥俗尚娛邀二月拙出野祀四月望日游林七月七日祀生祖十月望日王始出游至歲盡止太宗貞觀六年其王龍突騎支始遣使來朝自隋亂磧路閉故西域朝貢皆道高昌突騎支請開大磧道以便行人帝許之高昌怒大掠其邊西突厥莫賀設與咄陸弩失畢作難來奔咄陸弩失畢復攻之遣使言狀并貢名馬咄利失可汗立素善焉耆故倚為援十二年夏月

麴蜜與高昌攻陷其五城掠千五百人焚廬舍侯君集討高昌遣使與相聞突騎支喜引兵佐唐高昌破歸向所俘及城遣使者入謝西突厥臣屈利啜為弟娶突騎支女遂相約為輔車勢不朝貢安西都護郭孝恪請討之會王弟頡鼻栗婆準葉護等三人來降帝即命孝恪為西州道撫管率兵出銀山道以栗婆準等為鄉導初焉耆所都周三十里四面大山水繚其外故恃不為虞孝恪倍道絕水夜傳堞達曙諜而登鼓角轟轟唐兵縱國人擾敗斬千餘級執突騎支更以栗婆準攝國事始帝語近臣曰孝恪以八月十一日詣焉耆閱二旬可至當以二十二日破之使者今至矣俄而遽人以捷布聞囚突騎支及妻子送洛陽有詔赦罪屈利啜以兵救焉耆而孝恪還三日矣屈利啜囚栗婆準更使吐屯攝王遣使以告帝曰焉耆我所下爾乃王之邪吐屯懼不敢王焉耆立栗婆準而從兄薛婆阿那支自為王號瞎于執栗婆準獻龜茲殺之阿史那杜爾討龜茲阿那支奔之壁東增抗王師為杜爾所禽數其罪斬以徇立突騎支弟婆伽利為王以其地為焉耆都督府婆伽利死國人請還前王突騎支高宗許之拜左衛大將軍歸國死龍嬾突立武台長安時以其國小人寡過使客不堪其勞詔四鎮經略使禁止僭使私馬無品者肉食開元七年龍嬾突死焉耆吐拂延立於是十姓可汗請居碎葉安

西節度使湯嘉惠表以焉耆備四鎮詔焉耆龜茲疏勒于闐征西域賈各食其征由北道者輪臺征之詔天寶常朝賀

龜茲一曰丘茲一曰屈茲東距京師七千里而贏自焉耆西南步三百里度小山經大河二又步七百里乃至橫千里縱六百里土宜麻麥稊稻蒲陶出黃金俗善歌樂旁行書貴浮圖法產子以木駝首俗斷髮齊頂惟君不剪髮姓白氏居伊邏盧城北倚阿羯田山亦曰白山常有火王以錦冒頂錦袍寶帶歲朝闕羊馬橐它七日觀勝負以下歲易置耗云葱嶺以東俗喜法龜茲子間置女肆征其錢高祖受禪王蘇伐勃駛遣使入朝會死子蘇伐豐立号時健莫賀俟利發貞觀四年獻馬太宗賜爾書撫慰加等後臣西突厥耶孝恪伐焉耆乃遣兵與焉耆影援自是不朝貢蘇伐豐死弟訶黎布失畢立二十一年兩遣使朝貢然帝怒其佐焉耆叛議討之其夜月食昴詔日月陰精用刑兆也星胡分數且終乃以阿史那社尔為崑立道行軍大摠管契苾何力副之率安西都護郭孝恪司農卿楊弘禮左武衛將軍李海崖等發鐵勒十三部兵十萬討之社尔分五軍掠其北執焉耆王阿那支龜茲大恐酋長皆棄城走社尔次磧石去王城三百里先遣伊州刺史韓威以千騎居前右驍衛將軍曹繼叔次之至多褐與王遇其將羯獵顛兵五萬合戰威偽北王見威兵

少麾而進威退與繼叔合還戰大破之追奔八十里王嬰城社不將圍之王引突騎西走城遂拔孝恪居守以州刺史蘇海政行軍長史薛萬蒲以精騎窮躡六百里王計窮保撥換城社不圍之閱月執王及羯獵熊其相那利夜逸以西突厥并國人萬餘來戰孝恪及子死之王師擾倉部郎中崔義起募兵戰城中繼叔威助擊之斬首三千級那利敗哀亡散復振還龍王師繼叔乘之斬八千級那利走或執以詣軍社不凡破五大城男女數萬遣使者諭降小城七百餘西域震懼西突厥安兩國歸軍饌焉社不立王弟葉護王其國勒石紀功書聞帝喜見群臣從容曰夫樂有幾朕嘗言之土城竹馬童兒樂也飭金翠羅紈婦人樂也舒遷有無商賈樂也高官厚秩士大夫樂也戰無前敵將帥樂也四海寧一帝王樂也朕今樂矣遂徧觴之初孝恪之擊焉耆也龜茲有浮屠善數數曰唐家終有西域不數年吾國亦亡社不執訶黎布失畢那利羯獵熊獻太廟帝受俘紫微殿帝責謂君臣皆頓首伏詔赦罪改館鴻臚寺拜布失畢左武衛中郎將始徙安西都護於其都統于闐碎葉疏勒号四鎮高宗復封訶黎布失畢為龜茲王與那利羯獵熊還國又之王來朝那利永其妻阿史那王不能禁左右請殺之由是更猜已使者言狀帝并召至京師囚那利護遣王還羯獵熊拒不內遣使降賀魯王不敢進悒悒死詔

左屯衛大將軍楊胄發兵禽羯獵顛窮誅部黨以其地爲龜茲都督府更
立十素稽爲王授右驍衛大將軍爲都督是歲徙安西都護府於其國以故
安西爲西州都督府即拜左驍衛大將軍兼安西都護麴智湛爲都督西域
平帝遣使者分行諸國風俗物產詔許訪宗與吏官譯西域圖志上元中素
稽獻銀頭羅名馬天授三年王延田跌來朝始儀鳳時吐蕃攻焉耆以西四
鎮皆沒長壽元年武威道撟管王孝傑破吐蕃復四鎮地置安西都護府於
龜茲以兵三萬鎮守於是少磧荒絕民供糗糧苦甚議者請棄之武后不聽
都護以政績稱華狄者田揚名郭元振張孝嵩杜暹去開元七年王白莫苾
死子多弔立改名孝節十八年遣弟孝義來朝自龜茲羸六百里踰小沙
磧有跋祿迦小國也一曰罽賓即漢姑墨國橫六百里縱三百里風俗文字
與龜茲同言語少異出細氊褐西三百里度石磧至凌山葱嶺北原也水東
流春夏山谷積雪西北五百里至素葉水城北國商胡雜居素葉以西數十
城皆立君長役屬突厥自素葉水城至羯霜那國衣氍毹皮氍毹以繒繚額
素葉城西四百里至千泉地羸一百里南雪山三垂平陸多泉也因名之突
厥可汗歲避暑其中群鹿飾鈴鐸可狎也西羸百里至咀邏私城亦比國商
胡雜居有小城三百本華人爲突厥所掠群保此尚華語西南羸二百里至白水城

原隰膏腴南五十里有致赤建國廣千里地沃宜稼多蒲陶又二百里即石國
疏勒一曰佉沙環五千里距京師九千里而贏多沙磧少壤土俗尚詭詐生
子亦夾頭取褊其人文身碧瞳王姓裴氏自号阿摩支居迦師城突厥以女
妻之勝兵三千人俗祠祆神貞觀九年遣使者獻名馬又四年與朱俱波甘
棠貢方物太宗謂房玄齡等曰曩之天下克勝四夷惟秦皇漢武耳朕提
三尺劍定四海遠夷率服不減二君者然彼末路不自保公等宜相輔弼毋
進諛言置朕於危亡也儀鳳時吐蕃破其國開元十六年始遣大理正喬夢
松攝鴻臚少卿冊其君安定爲疏勒王天寶上載首領裴國良來朝授折
衝都尉賜紫袍金魚朱俱波亦名朱俱槃漢子合國也并有西夜蒲犁依耐
得若四種地直于闐西千里葱嶺北三百里西距喝盤陀北九百里屬疏勒
南三千里女國也勝兵三千人尚浮屠法文字同婆羅門甘棠在海南崑崙人
也喝盤陀或曰漢陀曰渴館檀亦謂渴羅陀由疏勒西南入劔末谷不忍
嶺六百里其國也距瓜州四千五百里直朱俱波西南距懸度山北抵疏勒
西護密西北判汗國也治葱嶺中都城有徒多河勝兵千人其王本疏勒人
世相承爲之西南即頭痛山也葱嶺俗號極嶽山環其國人勁悍貌言如
于闐其法殺人剽劫者死餘得贖賦必輸服飾王坐人牀後魏太延中始通中國

貞觀九年遣使者來朝開元中破平其國置葱嶺守捉安西極邊戍也

于闐或曰瞿薩旦那亦曰渙那曰屈丹北狄曰于遁諸胡曰豁旦距京師九千七百里瓜州羸四千里并有漢戎廬杆彌渠勒皮山五國故地其居曰西山城勝兵四千人有玉河國人夜視月光盛處必得美玉王居繪室俗機巧言迂大喜事祿神浮屠法然貌恭謹相見皆跪以木爲筆王爲印凡得問遺書戴于首乃發之自漢武帝以來中國詔書符節其王傳以相授人喜歌舞工紡績西有沙磧鼠大如蝟色類金出入群鼠爲從初無桑蚕焉隣國不肯出其王即求婚許之將迎乃告曰國無帛可持蚕自爲衣女聞置蚕帽絮中關守不敢驗自是始有蚕女刻石約無殺蚕蛾飛盡得治爾王姓尉遲氏名屋密本臣突厥貞觀六年遣使者入獻後三年遣子入侍阿史那社爾之平龜茲也其王伏闕信大懼使子獻橐駝三百長史薛萬備謂社爾曰公破龜茲西域皆震恐願假輕騎羈于闐王獻京師社爾許之至于闐陳唐威靈勸入見天子伏闕信乃隨使者來會高宗立授右衛大將軍子葉護玷爲右驍衛將軍賜袍帶布帛六千段第一區留數月遣之請以子弟宿衛上元初身率子弟酋領七十人來朝擊吐蕃有功帝以其地爲毗沙都督府析十州授伏闐雄都督死武后立其子瑊開元時獻馬駝豹瑊死復立尉遲伏師

戰為王死伏闕達嗣并冊其妻執失為妃死尉遲珪嗣妻馬為妃珪死子勝
立至德初以兵赴難因請留宿衛乾元三年以其弟左監門衛率葉護曜為
大僕負外卿同四鎮節度副使權知本國事勝自有傳于闐東三百里有建
德力河七百里有精絕國河之東有汧彌居達德力城亦曰拘彌城即寧彌
故城皆小國也初德宗即位遣內給事朱如王之安西求王於于闐得圭一
珂佩五枕一帶胯三百簪四十奩三十釧十杵三琵琶百斤并它寶等及還
詐言假道回紇為所奪久之事泄得所市流死恩州

天竺國漢身毒國也或曰摩伽陀曰婆羅門去京師九千六百里都護治所
二千八百里居葱嶺南幅圓三萬里分東西南北中五天竺皆城邑數百南
天竺瀕海出師子豹狸橐它犀象火齊琅玕石蜜黑鹽北天竺距雪山圍抱
如壁南有谷通為國門東天竺際海與扶南林邑接西天竺與罽賓波斯接
中天竺在四天竺之會都城曰茶縛和羅城濱迦毗黎河有別城數百皆置
長別國數十置王曰舍衛曰迦沒路開戶皆東嚮曰迦尸或曰波羅奈亦曰
波羅那斯其畜有稍害牛黑色角細長四尺許十日一割不然困且死人飲
其血或曰壽五百歲牛壽如之中天竺王姓乞利咤氏亦曰刹利世有其國
不篡殺土源熟稻歲四熟米之長者沒橐它以貝齒為貨有金剛旃檀樹

金與大秦扶南交趾相貿易人富樂無簿籍耕王地者乃輸稅以抵足摩
踵爲致禮家有奇樂倡伎王大臣皆服錦罽爲螺髻於頂餘髮前使卷男
子穿耳垂瑠或懸金耳環者爲上類徒跣衣重白婦人項飾金銀珠纓絡死
者燔骸取灰建窆堵或委野中及河餌鳥獸魚鼈無喪紀謀反者幽殺之小
罪贖錢不孝者斷手足剝耳鼻徙于邊有文字善步曆學悉置臺妄曰梵天
法書具多乘以記事尚浮圖法不殺生飲酒國中劇貳指曰佛故跡也信盟
誓傳梵呪能致龍起雲雨隋煬帝時遣裴矩通西域諸國獨天竺拂菻不至
爲恨武德中國大亂王尸羅逸多勒兵戰無前象不弛鞍士不釋甲因討四
天竺皆北面臣之會唐浮屠玄奘至其國尸羅逸多召見曰而國有聖人出
作秦王破陣樂試爲我言其爲人玄奘粗言太宗神武平禍亂四夷賓服狀
王喜曰我當東面朝之貞觀十五年自稱摩伽陀王遣使者上書帝命雲騎
尉梁懷璠持節尉撫尸羅逸多驪問國人自古亦有摩訶震旦使者至吾國
乎皆曰無有戎言中國爲摩訶震旦乃出迎膜拜受詔書戴之頂復遣使者
隨入朝詔衛尉丞李義表報之大臣郊迎傾都邑縱觀道上焚香尸羅逸多
率群臣東面受詔書復獻火珠樹金菩提樹二十二年遣右衛率府長史王
玄策使其國以將師仁爲副未至尸羅逸多死國人亂其臣那伏帝阿羅那

順自立發兵拒玄策時從騎纔數十戰不勝皆沒遂剽諸國貢物玄策挺身
奔吐蕃西鄙檄召隣國兵吐蕃以兵千人來泥婆羅以七千騎來玄策部分
進戰茶縛和羅城三日破之斬首三千級溺水死萬人阿羅那順委國走合
散兵復陣師仁禽之俘斬千計餘衆奉主妻息阻乾陀衛江師仁擊之大潰
獲其妃王子虜男女萬二千人雜畜二萬降城邑五百八十所東天竺王尸
鳩摩迭牛馬三萬餽軍及弓刀寶纓絡迦沒路國獻異物并上地圖請老子
象玄策執阿羅那順獻闕下有司告宗廟帝曰夫人耳目玩聲色口鼻耽臭
味此敗德之原也婆羅門不劫吾使者寧至俘虜邪擢玄策朝散大夫得方
士那邏邇娑婆寐自言壽二百歲有不死術帝改館使治丹命兵部尚書崔
敦禮護視使者馳天下采怪藥異石又使者走婆羅門諸國所謂畔茶法水
者出石曰中有石象人守之水有七種色或熱或冷能銷草木金鐵人手入
輒爛以橐它髑髏轉注瓠中有樹名咀賴羅葉如梨生窮山崖腹前有巨虺
守穴不可到欲取葉者以方鍬矢射枝則落爲群鳥銜去則又射乃得之其
詭譎類如此後術不驗有詔聽還不能去死長安高宗時盧伽逸多者東天
竺烏荼人亦以術進拜懷化大將軍乾封三年五天竺皆來朝開元時中天
竺遣使者三至南天竺一獻五色能言鳥乞師討大食吐蕃巧名其軍玄宗

詔賜懷德軍使者曰蕃夷惟以袍帶爲寵帝以錦袍金革帶魚袋并七事賜之比天竺一來朝

摩揭它一曰摩伽陀本中天竺屬國環五十里土沃且稼穡有異稻巨粒號供大人米王居拘闍揭羅布羅城或曰俱蘇摩補羅曰波吒釐子城北瀕疏伽河貞觀二十一年始遣使者自通于天子獻波羅樹樹類白楊太宗遣使取熬糖法即詔揚州上諸蔗作藩如其劑色味愈西域遠甚高宗又遣王玄策至其國摩訶菩提祠立碑焉後德宗自製鍾銘賜那爛陀祠又有那揭者亦屬國也貞觀二十年遣使者貢方物烏菴者一曰烏伏那亦曰烏菴直天竺南地廣五千里東距勃律六百里西屬賓四百里山谷相屬產金鐵蒲陶鬱金稻歲熟人柔詐善禁架術國無殺刑抵死者放之窮山罪有疑飲以藥視腹清濁而決輕重有五城王居術曹薩利城一曰曹揭釐城東北有達麗羅川即烏菴舊地貞觀十六年其王達摩因陀訶斯遣使者獻龍腦香爾書優荅大食與烏菴東鄙接開元中數誘之其王與骨咄俱佺王不肯臣玄宗命使者冊爲王章求拔國或曰章揭按本西羌種居悉立西南四山中後徙山西與東天竺接衣服略相類因附之地袤八九百里勝兵三千人無城郭好鈔暴商旅患之貞觀二十年其王羅利多菩伽因悉立國遣使者入朝玄宗策之討

中天竺發兵來赴有功由是職貢不絕悉立當吐蕃西南戶五萬城邑多旁
澗谿男子縵束頭衣氍毹婦人辮髮短裙昏姻不以財聘其穀宜秔稻麥豆
死者葬于野不封樹喪制爲黑衣滿年而除刑有刑剽常羈屬吐蕃
罽賓隋漕國也居葱嶺南距京師萬二千里而羸南距舍衛三千里王居脩
鮮城常役屬大月氏地暑濕人乘象俗治浮屠法武德二年遣使貢寶帶金
鎖水精醃頗黎狀若酸棗貞觀中獻名馬太宗詔大臣曰朕始即位或言天
子欲耀兵振伏四夷惟魏徵勸我脩文德安中夏中夏安遠人伏矣今天下
大安四夷君長皆來獻此徵力也遣果毅何處羅拔等厚齎賜其國并撫
尉天竺處羅拔至罽賓王東向誓首再拜仍遣人導護使者至天竺十六年獻
褥特鼠喙尖尾赤能食蛇螫者嗅且尿瘡即愈國人共傳王始祖曰馨孽至
曷顯支傳十二世顯慶三年以其地爲脩鮮都督府神龍初拜其王脩鮮等
十一川諸軍事脩鮮都督開元七年遣使獻天文及祕方奇藥天子冊其王
爲葛邏達支特勒後烏散特勒灑年老請以子拂菻罽婆嗣聽之天寶四
載冊其子勃匐準爲襲罽賓及烏菴國王乾元初使者朝貢

西域列傳第二百四十六下

唐書二百二十二下

端明殿學士兼翰林侍讀學士龍圖閣學士朝請大夫尚書郎守郎正集賢殿修撰臣宋祁奉

敕撰

康者曰薩末鞬亦曰颯秣建元魏所謂悉萬斤者其南距史百五十里西北距西曹百餘里東南屬米百里北中曹五十里在那密水南大城三十小堡三百君姓溫本月氏人始居祁連北昭武城爲突厥所破稍南依葱嶺即有其地枝庶分王曰安曰曹曰石曰米曰何曰火尋曰戊地曰史世謂九姓皆氏昭武土沃宜禾出善馬兵彊諸國人嗜酒好歌舞于道王帽羶飾金雜寶女子盤髻幪黑巾綴金璫生兒以石蜜啖之置膠於掌欲長而甘言持珣若黏云習旁行書善商賈好利丈夫年二十去傍國利所在無不至以十二月爲歲首尚浮圖法祠祆神出機巧技十一月鼓舞乞寒以水交潑爲樂隋時其王屈木支娶西突厥女遂臣突厥武德十年始遣使來獻貞觀五年遂請臣太宗曰朕惡取虛名害百姓且

康臣我緩急當同其憂師行萬里寧朕志邪卻不受俄又遣使獻
師子獸帝珍其遠命秘書監虞世南作賦自是歲入貢致金桃銀
桃詔令植苑中高宗永徽時以其地爲康居都督府即授其王拂
呼縵爲都督萬歲通天中以大首領篤娑鉢提爲王死子泥涅師
師立死國人立突昏爲王開元初貢鎖子鎧水精柸碼碯瓶駝鳥
卵及越諾侏儒胡旋女子其王烏勒伽與大食亟戰不勝來乞師
天子不許久之請封其子咄曷爲曹王默啜爲米王詔許烏勒伽
死遣使立咄曷封欽化王以其母可敦爲郡夫人安者一曰布豁又
曰捕喝元魏謂忸蜜者東北至東安西南至畢皆百里所西瀕烏
許河治阿濫謐城即康居小君長罽王故地大城四十小堡千餘
募勇健者爲拓羯拓羯猶中國言戰士也武德時遣使入朝貞觀
初獻方物太宗厚尉其使曰西突厥已降商旅可行矣諸胡大悅
其王訶陵迦又獻名馬自言一姓相承二十二世云是歲東安國亦
入獻言子姓相承十世云東安或曰小國曰喝汗在那密水之陽東

距何二百里許西南至大安四百里治喝汗城亦曰篋斤大城二十小堡百顯慶時以阿溫爲安息州即以其王昭武殺爲刺史篋斤爲木鹿州以其王昭武閉息爲刺史開元十四年其王篤薩波提遣弟阿悉爛達拂耽發黎來朝納馬豹後八年獻波斯驃二拂菻繡毬一鬱金香石蜜等其妻可敦獻拓辟大繡毬二繡毬一巧賜袍帶鎧仗及可敦袿襦裝澤東曹或曰率都沙那蘇對沙那劫布咀那蘇都識匿凡四名居波悉山之陰漢貳師城地也東北距俱戰提二百里北至石西至康東北寧遠皆四百里許南至吐火羅五百里有野叉城城有巨窟嚴以關鑰歲再祭人向窟立中即煙出先觸者死武德中與康同遣使入朝其使曰本國以臣爲健兒聞秦王神武欲隸麾下高祖大悅西曹者隋時曹也南接史及波覽治瑟底痕城東北越于底城有得悉神祠國人事之有金具器款其左曰漢時天子所賜武德中入朝天寶元年王哥邏僕羅遣使者獻方物詔封懷德王即上言祖考以來奉天可汗願

同唐人受調發佐天子征討十一載東曹王設阿忽與安王請擊
黑衣大食玄宗尉之不聽中曹者居西曹東康之北王治迦底真
城其人長大工戰鬪石或曰拓支曰拓折曰赭時漢大宛北鄙也
去京師九千里東北距西突厥西北波臘南二百里所抵俱戰提
西南五百里康也圓千餘里右涯素葉河王姓石治拓折城故康
居小王窰匿城地西南有藥殺水入中國謂之真珠河亦曰質河
東南有大山生瑟瑟俗善戰多良馬隋大業初西突厥殺其王以
特勒匄職統其國武德貞觀間數獻方物顯慶三年以瞰羯城爲
大宛都督府授其王瞰土屯攝舍提於屈昭穆都督開元初封其君
莫賀咄吐屯有功爲石國王二十八年又冊順義王明年王伊捺吐
屯屈勒上言今突厥已屬天可汗惟大食爲諸國患請討之天子
不許天寶初封王子那俱車鼻施爲懷化王賜鐵券久之安西節
度使高仙芝効其無蕃臣禮請討之王約降仙芝遣使者護送至
開遠門俘以獻斬闕下於是西域皆怨王子走大食乞兵攻怛邏

斯城敗仙芝軍自是臣大食寶應時遣使朝貢有碎葉者出安西西北千里所得勃達嶺南抵中國北突騎施南鄙也西南直葱嶺羸二千里水南流者經中國入于海北流者經胡入于海北三日行度雪海春夏常雨雪絳勃達嶺北行羸千里得細葉川東曰熱海地寒不凍西有碎葉城天寶七載北廷節度使王正見伐安西毀之川長千里有異姓突厥兵數萬耕者皆擐甲相掠爲奴婢西屬怛邏斯城石常分兵鎮之自此抵西海矣三月訖九月未嘗雨人以雪水溉田石東南千餘里有怖捍者山四環之地膏腴多馬羊西千里距堵利瑟那東臨葉葉水水出葱嶺北原色濁西北流入大磧無水草望大山尋遺齒知所指五百餘里即康也米或曰彌末曰弭秣賀北百里距康其君治鉢息德城永徽時爲大食所破顯慶三年以其地爲南謚州授其君昭武開拙爲刺史自是朝貢不絕開元時獻壁舞筵師子胡旋女十八年大首領末野門來朝天寶初封其君爲恭順王母可敦郡夫人何或曰屈霜你迦曰貴霜

歷即康居小王附墨城故地城左有重樓北繪中華古帝東突厥
婆羅門西波斯拂菻等諸王其君且詔拜則退貞觀十五年遣使
者入朝永徽時上言聞唐出師西討願輸糧于軍俄以其地爲貴
霜州授其君昭武婆達地刺史遣使者鉢底失入謝火尋或曰貨
利習彌曰過利居烏尉水之陽東南六百里距戊地西南與波斯
接西北抵突厥曷薩乃康居小王奧韃城故地其君治急多颶遮
城諸胡惟其國有車牛商賈乘以行諸國天寶十載君稍施芬遣
使者朝獻黑鼈寶應時復入朝史或曰佉沙曰羯霜那居獨莫水
南康居小王蘇薤城故地西百五十里距那色波北二百里屬米南
四百里吐火羅也有鐵門山左右巉峭石色如鐵爲關以限二國
以金錮闔城有神祠每祭必千羊用兵類先禱乃行國有城五百
隋大業中其君秋遮始通中國號最彊盛築乞史城地方數千里貞
觀十六年君沙瑟畢獻方物顯慶時以其地爲佉沙州授君昭武
失阿喝刺史開元十五年君忽必多獻舞女文豹後君長數死立

然首領時時入朝天寶中詔改史爲來威國那色波亦曰小史蓋
爲史所役屬居吐火羅故地東阨葱嶺西接波刺斯南雪山循縛
芻水北有咀蜜種亦自國東西六百里所又東踰四種有鑊沙者
廣三百里長五百里東界骨咄接葱嶺有十八種南有揭職稍大
幅負準千里陵阜連屬多菽麥氣寒烈東南抵雪山六百里道
吐火羅又踰五種至婆羅覩邏北踰山行六百里得烏菴種東北
行二百里至河波羅水水西南流春夏涸凍北歷十二種有婆羅
吸摩補羅最大種縣地四千里山周其外土沃產鍤水精北大雪
山即東女也歷十九種得摩揭陀又東過四種踰大河有迦摩縷
波皆阪險地接西南夷其人類蠻獠行二月叩蜀南邊其東南野
象羣暴故戰用象軍又南歷三十二種有狼揭羅者地大數千里
其君治空菟黎濕伐羅城西北即波刺斯傳言廣萬里王治蘇刺
薩儻那城土溫潯引水爲田人富饒出金銀水精多工巧織錦褐
氍毹產善馬橐它人服錦氍毹賦稅口出四銀錢又以交易西北距

拂菻西南際海島有西女種皆女子多珍貨附拂菻拂菻君長歲遣男子配焉俗產男不舉又有臂多勢羅四種西北踰大山廣川歷小城聚行二千里即謝颶也北五百里有弗栗恃薩儻那地橫二千里縱千里其君突厥種治護苾那城東北大雪山盛夏常凍鑿冰乃可度下有安咀羅縛者地三千里西北踰嶺四百里有閼悉多西北三百里有活種大二千里此三種比日居吐火羅故地臣于突厥君亦突厥種主鐵門南諸戎遷徙不常東又有七種東南峽道險甚無慮三百里得俱蘭東北山行五百里即護密北識匿也南有商彌地大二千里而贏多蒲陶生雌黃鑿石乃得東北踰山七百里至波嚩羅川東西千里南北百里春夏雨雪南有鉢露種多紫金行五百里有竭盤陀東行八百里出葱嶺又八百里至烏鎡環千里出白鑿青三種王君長世臣竭盤陀北徑磧曠野五百里得跡勒東南五百里濟徒多水踰大沙嶺有所句迦種或曰沮渠地千里東踰領八百里即于闐也東有娑摩川度磧行二百

里得尼壤城在大澤中地勢如蘆葦荒茂行者鑿道趣城通于闐而于闐以爲東關又東行入大流沙人行無跡故往返輒迷聚遺骸以識道無水草多熱風觸人及六畜皆迷仆行四百里至故都邏又六百里至故折摩馱那古且末也又千里至故納縛波古樓蘭也自咀蜜以下諸種相與羣聚華人皆以國名之故未嘗與唐通傳記雜詭不可得而考然其地與諸國連屬粗序其名云

寧遠者本拔汗那或曰鋌汗元魏時謂破洛那去京師八千里居西韃城在眞珠河之北有大城六小城百人多壽其王自魏晉相承不絕每元日王及首領判二朋朋出一人被甲鬪衆以瓦石相之有死者止以上歲善惡貞觀中王契苾爲西突厥瞰莫賀咄所殺阿瑟那鼠匿奪其城鼠匿死于遏波之立契苾兄子阿了參爲王治呼悶城遏波之治渴塞城顯慶初遏波之遣使朝貢高宗厚慰諭三年以渴塞城爲休循州都督授阿了參刺史自是歲朝貢玄宗開元二十七年王阿悉爛達干助平吐火仙冊拜奉化王天

寶三載改其國號寧遠帝以外家姓賜其王曰寶又封宗室女爲和義公主降之十三載王忠節遣子薛裕朝請留宿衛習華禮聽之授左武衛將軍其事唐最謹

大勃律或曰布露直吐蕃西與小勃律接西鄰北天竺烏菴地宜鬱金垂役屬吐蕃萬歲通天逮開元時三遣使者朝故冊其君蘇弗舍利支離泥爲王死又冊蘇麟陀逸之嗣王凡再遣大首領貢方物小勃律去京師九千里而羸東少南三千里距吐蕃贊普牙東八百里屬烏菴東南三百里大勃律南五百里箇失窰北五百里當護密之娑勒城王居薛多城臨娑夷水其西山顛有大城曰迦布羅開元初王沒謹忙來朝玄宗以兒子畜之以其地爲緩遠軍國迫吐蕃數爲所困吐蕃曰我非謀爾國假道攻四鎮爾久之吐蕃奪其九城沒謹忙求救比廷節度使張孝嵩遣跡勒副使張思禮率銳兵四千倍道往沒謹忙因出兵大破吐蕃殺其衆數萬復九城詔冊爲小勃律王遣大首領察卓那斯摩沒勝入謝沒謹

亡死子難泥立死兄麻來兮立死蘇失利之立爲吐蕃陰誘妻以
女故西北二十餘國皆臣吐蕃貢獻不入安西都護三討之無功
天寶六載詔副都護高仙芝伐之前遣將軍席元慶馳千騎見蘇
失利之曰請假道趨大勃律城中大酋五六比曰吐蕃腹心仙芝約
元慶吾兵到必走山出詔書召慰賜繒綵縛酋領待我元慶如約
蘇失利之挾妻走不得其處仙芝至斬爲吐蕃者斷髮夷橋是暮
吐蕃至不能救仙芝約王降遂平其國於是拂菻大食諸胡七十
二國皆震恐咸歸附執小勃律王及妻歸京師詔改其國號歸仁
置歸仁軍募千人鎮之帝敕蘇失利之不誅授右威衛將軍賜紫
袍黃金帶使宿衛

吐火羅或曰土豁羅曰覩貨邏元魏謂吐呼羅者居葱嶺西烏澇河
之南古大夏地與挹怛雜處勝兵十萬國土著少女多男北有頗
黎山其陽穴中有神馬國人游牧牝于側生駒輒汗血其王號葉
護武德貞觀時再入獻永徽元年獻大鳥高七尺色黑足類橐駝

翅而行日三百里能噉鐵俗謂駝鳥顯慶中以其阿緩城爲月氏
都督府析小城爲二十四州授王阿史那都督後二年遣子來朝
俄又獻碼碯鎰樹高三尺神龍元年王那都泥利遣弟僕羅入朝
留宿衛開元天寶間數獻馬驥異藥乾陀婆羅二百品紅碧玻瓈
乃冊其君骨咄祿頓達度爲吐火羅葉護挹怛王其後鄰胡羯師
謀引吐蕃攻吐火羅於是葉護失里忙伽羅巧安西兵助討帝爲
出師破之乾元初與西域九國發兵爲天子討賊肅宗詔隸朔方
行營挹怛國漢大月氏之種大月氏爲烏孫所奪西過大宛擊大
夏臣之治藍氏城大夏即吐火羅也噉達王姓也後裔以姓爲國
訛爲挹怛亦曰挹闐俗類突厥天寶中遣使朝貢俱蘭或曰俱羅
弩曰屈浪拏與吐火羅接壤地三千里南大雪山北俱魯河出金
精琢石取之貞觀二十年其王忽提婆遣使者來獻書辭類浮
屠語劫者居葱嶺中西及南距賒彌西北挹怛也去京師萬二千
里氣常熱有稻麥粟巨畜羊馬俗死棄於山武德二年遣使者獻

寶帶玻璃水精括越底延者南三千里距天竺西北千里至賒彌
東北五千里至瓜州居平頭水之北其法不殺人重罪沐輕罪放
無租稅俗前剪髮被錦袍貧者有白氎自澡潔氣溫多稻米石蜜

謝風居吐火羅西南本曰漕矩吒或曰漕矩顯慶時謂訶達羅支
武后改今號東距罽賓東北帆延皆四百里南婆娑羅門西波斯北
護時健其王居鶴悉那城地七千里亦治阿娑你城多鬱金瞿草
灌泉灌田國中有突厥罽賓吐火羅種人雜居罽賓取其子弟持
兵以禦大食景雲初遣使朝貢後遂臣罽賓開元八年天子冊葛
達羅支頡利發誓屈爾爲王至天寶中數朝獻帆延者或曰望衍
曰梵衍那居斯卑莫運山之旁西北與護時健接東南距罽賓西
南訶達羅支與吐火羅連境地寒人穴處王治羅欄城有大城四
五水北流入烏澇河貞觀初遣使者入朝顯慶三年以羅欄城爲
寫鳳都督府縛時城爲悉萬州授王葡萄寫鳳州都督管内五州諸
軍事自是朝貢不絕石汗那或曰斫汗那自縛底野南入雪山行

四百里得帆延東臨烏澗河多赤豹開元天寶中一再朝獻

識匿或曰尸棄尼曰瑟匿東南直京師九千里東五百里距葱嶺
守捉所南三百里屬護蜜西北五百里抵俱蜜初治苦汗城後散
居山谷有大谷五酋長自爲治謂之五識匿地二千里無五穀人喜
攻剽劫商賈播蜜川四谷稍不用王號今俗窟室貞觀二十年與
似沒役槃二國使者偕來朝開元十二年授王布遮波資金吾衛
大將軍天寶六載王跌失伽延從討勃律戰死擢其子都督左武
衛將軍給祿居藩似沒者北接石土俗與康同役槃亦與康鄰出
良馬俱蜜者治山中在吐火羅東北南臨黑河其王突厥延陀種
貞觀十六年遣使者入朝開元中獻胡旋舞女其王那羅延頗言
爲大食暴賦天子但尉遣而已天寶時王伊悉爛俟斤又獻馬護
蜜者或曰達摩悉鐵帝曰護侶元魏所謂鉶和者亦吐火羅故地
東南直京師九千里而贏橫千六百里縱狹纔四五里王居塞迦
審城北臨烏澗河地寒沍堆阜曲折沙石流漫有豆麥宜木果出

善馬人碧瞳顯慶時以地爲鳥飛州王沙鉢羅頡利發爲刺史地當四鎮入吐火羅道故役屬吐蕃開元八年冊其王羅旌伊陀骨咄祿多毗勒莫賀達摩薩爾爲王十六年與米首領米忽汗同獻方物明年大酋烏鶻達干復朝王死冊其從弟護真檀嗣王二十年身入朝宴內殿拜左金吾衛將軍賜紫袍金帶天寶初王子頡吉訶請絕吐蕃賜鐵券八載真檀來朝請宿衛詔可授右武衛將軍久乃遣又遣首領朝貢乾元元年王紇設伊俱鼻施來朝賜氏李

箇失蜜或曰迦濕彌羅北距勃律五百里環地四千里山回繚之它國無能攻伐王治撥邏勿邏布邏城西瀕彌那悉多大河地宜稼多雪不風出火珠鬱金龍種馬俗毛褐世傳地本龍池龍徙水竭故往居之開元初遣使者朝八年詔冊其王眞陀羅祕利爲王間獻胡藥天木死弟木多筆立遣使者物理多來朝且言有國以來並臣天可汗受調發國有象馬步三種兵日身與中天竺王陀

吐蕃五大道禁出入戰輒勝有如天可汗兵至勃律者雖衆二十萬能輸糧以助又國有摩訶波多磨龍池願爲天可汗營祠因丐王冊鴻臚譯以聞詔內物理多宴中殿賜賚優備冊木多筆爲王自是職貢有常其役屬五種亦名國所謂咀又始羅者地二千里有都城東南餘七百里得僧訶補羅地三千餘里亦治都城東南山行五百里得烏刺尸地二千里有都城宜稼穡東南限山千里即箇失蜜西南行險七百里得半斂蹉地二千里又得曷羅闍補羅者其大四千里有都城多山阜人驍勇五種皆無君長云

骨咄或曰珂咄羅廣長皆千里王治思助建城多良馬赤豹有四
大鹽山山出烏鹽開元十七年王俟斤遣子骨都施來朝二十一年王頡利發獻女樂又遣大首領多博勒達于朝貢天寶十一載冊其王羅全節爲葉護

蘇毗本西羌族爲吐蕃所并號孫波在諸部最大東與多彌接西距鵲莽硤戶三萬天寶中王沒陵贊欲舉國內附爲吐蕃所殺子

悉諾率首領奔隴右節度使哥舒翰護送闕下玄宗厚禮之多彌亦西羌族役屬吐蕃號難磨濱犂牛河土多黃金貞觀六年遣使者朝貢賜遣之伊吾城者漢宜禾都尉所治商胡雜居勝兵千附鐵勒人驍悍土良沃隋末內屬置伊吾郡天下亂復臣突厥貞觀四年城酋來朝頡利滅舉七城降列其地爲西伊州

師子居西南海中延袤二千餘里有稜伽山多奇寶以寶置洲上商舶償直輒取去後鄰國人稍往居之能馴養師子因以名國總章三年遣使者來朝天寶初王尸羅迷迦再遣使獻大珠鈿金寶璽象齒白疊

波斯居達過水西距京師萬五千里而焉耆東與吐火羅康接北隣突厥可薩部西南皆瀕海西北言羆四千里拂菻也人數十萬其先波斯匿王大月氏別裔王因以姓又爲國號治二城有大城十餘俗尊右下左祠天地日月水火祠夕以麋射揉蘇澤形顏鼻耳西域諸胡受其法以祠祆拜必交股俗徒跣丈夫祝髮衣不剖襟青白

爲巾帔緣以錦婦辮髮著後戰乘象一象士百人負則盡殺斷罪
不爲文書決於廷叛者鐵灼其舌瘡白爲直黑爲曲刑有髡鉗刖
劓小罪彫或系木于頸以時月而置劫盜囚終老偷者輸銀錢凡
死棄于山服闋月除氣常歆熱地夷漫知耕種畜牧有鷩鳥能取
羊多善犬驪大驢產珊瑚高三尺隋末西突厥葉護可汗討殘
其國殺王庫薩和其子施利立葉護使部帥監統施利死遂不肯
臣立庫薩和女爲王突厥又殺之施利之子單羯方奔拂菻國人
迎立之是爲伊怛支死兄子伊嗣俟立貞觀十二年遣使者沒似
半朝貢又獻活襍蛇狀類鼠色正青長九寸能捕穴鼠伊嗣俟不
君爲大酋所逐奔吐火羅半道大食擊殺之子卑路斯入吐火羅
以免遣使者告難高宗以遠不可師謝遣會大食解而去吐火羅
以兵納之龍朔初又訴爲大食所侵是時天子方遣使者到西域
分置州縣以疾陵城爲波斯都督府即拜卑路斯爲都督俄爲大
食所滅雖不能國咸亨中猶入朝授右武衛將軍死始其子泥涅

師爲質調露元年詔裴行儉將兵護還將復王其國以道遠至安
西碎葉行儉還泥涅師因客吐火羅二十年部落益離散景龍初
復來朝授左威衛將軍病死西部獨存開元天寶間遣使者十輩
獻碼碯牀火毛繡舞筵乾元初從大食襲廣州焚倉庫廬舍浮海
走大曆時復來獻又有陀拔斯單者或曰陀拔薩憚其國三面阻
山北瀕小海居婆里城卅爲波斯東大將波斯滅不肯臣大食天
寶五載王忽魯汗遣使入朝封爲歸信王後八年遣子自會羅來
朝拜右武衛員外中郎將賜紫袍金魚留宿衛爲黑衣大食所滅
貞觀後遠小國君遣使者來朝獻有司未嘗參考本末者今附之
左方曰火辭彌與波斯接貞觀十八年與摩羅游使者偕朝二十
一年有健達王獻佛土菜莖五葉赤華紫須龍朔元年多福王難
婆修彊宜說遣使者來朝總章元年有末陀提王開元五年有習
阿薩般王安殺並遣使者朝貢七年訶毗施王捺塞因吐火羅大
酋摩摩獻師子五色鸚鵡天寶時來朝者曰俱爛那曰舍摩曰威

遠曰蘇吉利發屋蘭曰蘇利悉單曰建城曰新城曰俱位凡八國俱位或曰商彌治阿賒廐師多城在大雪山勃律河北地寒有五穀蒲陶若榴冬窟室國人常助小勃律爲中國候新城之國在石東北言廳百里有弩室羯城亦曰新城曰小石國城後爲葛邏祿所并拂菻古大秦也居西海上曰海西國去京師四萬里在苦西北直突厥可薩部西瀕海有遲散城東南接波斯地方萬里城四百勝兵百萬十里一亭三亭一置臣役小國數十以名通者曰澤散曰鹽分澤散直東北不得其道里東度海二千里至鹽分國重石爲都城廣八十里東門高二十丈鉤以黃金王宮有三襲門皆飾異寶中門中有金巨稱一作金人立其端屬十二丸率時改一丸落以瑟瑟爲殿柱水精琉璃爲椀香木梁黃金爲地象牙闔有貴臣十二共治國王出一人挈囊以從有訟書投囊中還省枉直國有大災異輒廢王更立賢者王冠如鳥翼綴珠衣錦繡前無襟坐金鷲榻側有鳥如鵝綠毛上食有毒輒鳴無陶瓦屑白石甃屋堅潤

如玉盛暑引水上沐氣爲風男子翦髮衣繡右袒而帔乘輜輶白
蓋小車出入建旌旗擊鼓婦人錦巾家些言億萬者爲上官俗喜酒
嗜乾餅多幻人能發火于顏手爲江湖口憊耗舉足墮珠玉有善
醫能開腦出蟲以愈目胄土多金銀夜光璧明月珠大貝車渠碼
碯木難孔翠虎魄織水羊毛爲布曰海西布海中有珊瑚洲海人
乘大舶墮鐵網水底珊瑚初生磐石上白如茵一歲而黃三歲赤
枝格交錯高三四尺鐵發其根繫網舶上絞而出之失時不取即
腐西海有市貿易不相見置直物旁名鬼市有獸名貘大如狗獾
惡而力北邑有羊生土中臍屬地割必死俗介馬而走擊鼓以驚
之羔臍絕即逐水草不能羣貞觀十七年王波多力遣使獻赤玻
瓊綠金精下詔若賚大食稍彊遣大將軍摩拽伐之拂菻約和遂
臣屬乾封至大足再朝獻開元七年因吐火羅大酉獻師子羚羊
自拂菻西南度磧二千里有國曰磨鄰曰老勃薩其人黑而性悍
地瘴癘無草木五穀飼馬以槁魚人食鵲莽鵲莽波斯棗也不恥

丞報於夷狄最甚號曰尋其君臣七日一休不出納交易飲以窮夜
大食本波斯地男子鼻高黑而髯女子白皙出輒鄣面日五拜天
神銀帶佩銀刀不飲酒舉樂有禮堂容數百人率七日王高坐爲
下說曰死敵者生天上殺敵受福故俗勇于鬪土饒礫不可耕獵
而食肉刻石蜜爲盧如輦狀歲獻貴人蒲陶大者如雞卵有千里
馬傳爲龍種隋大業中有波斯國人牧于俱紛摩地那山有獸言
曰山西三穴有利兵黑石而白文得之者王走視如言石文言當
反乃詭衆哀亡命於恒曷水劫商旅保西鄙自王移黑石寶之國
人往討之皆大敗還於是遂彊滅波斯破拂菻始有粟麥倉廩南
侵婆羅門并諸國勝兵至四十萬康石皆往臣之其地廣萬里東
距突騎施西南屬海海中有撥拔力種無所附屬不生五穀食肉
刺牛血和乳飲之俗無衣服以羊皮自蔽婦人明皙而麗多象牙
及阿末香波斯賈人欲往市必數千人納豐劓血誓乃交易兵多
牙角而有弓矢鎧稍士至二十萬數爲大食所破略永徽二年大

食王徽密山莫末賦始遣使者朝貢自言王大食氏有國三十四年傳二世開元初復遣使獻馬鈿帶謁見不拜有司將劾之中書令張說謂殊俗慕義不可寘于罪玄宗赦之使者又來辭曰國人止拜天見王無拜也有司切責乃拜十四年遣使蘇黎滿獻方物拜果毅賜緋袍帶或曰大食族中有孤列種世酋長號白衣大食種有二姓一曰盆尼末換二曰奚深有摩訶末者勇而智衆立爲王闢地三千里克夏臘城傳十四世至末換殺兄伊疾自王下怨其忍有呼羅珊木鹿人並波悉林將討之徇衆曰助我者皆黑衣俄而衆數萬即殺末換求奚深種孫阿蒲羅拔爲王更號黑衣大食蒲羅死弟阿蒲恭拂立至德初遣使者朝貢代宗取其兵平兩京阿蒲恭拂死子迷地立死弟訶論立貞元時與吐蕃相攻吐蕃歲西師故鮮盜邊十四年遣使者金差烏鷄沙北三人朝皆拜中郎將賚遣之傳言其國西南二千里山谷間有木生花如人首與語輒笑則落東有未祿小國也治城郭多木姓以五月爲歲首以畫

缸相獻有尋支瓜大者十人食乃盡蔬有顆葱葛藍軍達拔薩大食之西有苦者亦自國北距突厥可薩部地數千里有五節度勝兵萬人士多禾有大川東流入亞俱羅商賈往來相望云自大食西十五日行得都盤西距羅利支十五日行南即大食二十五日行北勃達一月行勃達之東距大食二月行西抵岐蘭二十日行南都盤北大食皆一月行岐蘭之東南二十日行得阿設或曰阿昧東南距陀拔斯十五日行南沙蘭一月行北距海二日行居你訶溫多城宜馬羊俗柔寬故大食常游牧於此沙蘭東距羅利支北恒滿皆二十日行西即大食二十五日行羅利支東距都盤北陀拔斯皆十五日行西沙蘭二十日行南大食二十五日行恒滿或曰恒沒東陀拔斯南大食皆一月行北岐蘭二十日行西即大食一月行居烏澍河北平川中獸多師子西北與史接以鐵關爲限天寶六載都盤等六國皆遣使者入朝乃封都盤王謀思健摩訶延曰順化王勃達王摩俱澁斯曰守義王阿設王俱那胡設曰恭

信王沙蘭王卑路斯威曰順禮王羅利支王伊思俱習曰義寧王
恒滿王謝沒曰奉順王

贊曰西方之戎古未嘗通中國至漢始載烏孫諸國後以名字見
者寢多唐興以次脩貢蓋百餘皆冒萬里而至亦已勤矣然中國
有報贈無弔程糧傳驛之費東至高麗南至真臘西至波斯吐蕃
堅昆北至突厥契丹靺鞨謂之入蕃其外謂之絕域視地遠近而
給費開元盛時稅西域商胡以供四鎮出北道者納賦輪臺地廣
則費倍此盛王之鑒也

西域列傳第一百四十六下

南蠻列傳第二百四十七上

唐書二百二十二上

端明殿學士兼翰林侍講學士龍圖閣學士 趙鼎請太夫人尚書吏部侍郎充集賢殿脩撰臣宋 祁 奉
敕撰

南詔或曰鶴拓曰龍尾曰苴咩曰陽劍本哀牢夷後烏蠻別種也
夷語王爲詔其先渠帥有六自號六詔曰蒙
叢詔越析詔浪穹詔
蓬賧詔施浪詔蒙舍詔兵埒不能相君蜀諸葛亮討定之蒙舍詔
在諸部南故稱南詔居永昌姚州之間鐵橋之南東距驪東南屬
交趾西摩伽陀西北與吐蕃接南女王西南驃北抵益州東北際
黔巫王都羊苴咩城別都曰善闡府王坐東嚮其臣有所陳以狀
言而不稱臣王自稱曰元猶朕也謂其下曰昶猶卿爾也官曰坦
縛曰布燮曰久贊謂之清平官所以決國事輕重猶唐宰相也曰
酋望曰正酋望曰負外酋望曰大軍將曰負外猶試官也幕爽
主兵琮爽主戶籍慈爽主禮罰爽主刑勸爽主官人厥爽主工作
萬爽主財用引爽主客禾爽主商賈皆清平官酋望大軍將兼之

爽猶言省也督爽摠三省也乞託主馬祿託主牛巨託主倉廩亦清平官酋望大軍將兼之曰爽酋曰彌勤曰勤齊掌賦稅曰兵孺司掌機密大府主將曰演習副曰演覽中府主將曰繕裔副曰繕覽下府主將曰澹酋副曰澹覽小府主將曰幕撫副曰幕覽府有陀酋若管記有陀西若判官大抵如此凡調發下文書取邑必占其期百家有摠佐一千家有治人官一萬家有都督一凡田五畝曰雙上官授田四十雙上戶三十雙以是而差壯者皆爲戰卒有馬爲騎軍人歲給韋衫袴以邑落遠近分四軍以旗幟別四方面一將統千人四軍置一將凡敵入境以所入面將禦之王親兵曰朱弩佉苴佉韋帶也擇鄉兵爲四軍羅苴子戴朱鞬蓋負犀革銅盾而跣走險如飛百人置羅苴子統一人望苴蠻者在蘭蒼江西男女勇捷不鞍而騎善用矛劍短甲蔽背腹鞬蓋皆插貓牛尾馳突若神凡兵出以望苴子前驅以清平子弟爲羽儀王左右有羽儀長八人清平官見王不得佩劍唯羽儀長佩之爲親信有六

曹長曹長有功補大軍將大軍將十二與清平官等列日議事王
所出治軍壁稱節度次補清平官有內筭官代王裁處外筭官記
王所處分以付六曹外則有六節度曰弄棟永昌銀生劍川柘東
麗水有二都督會川通海有十賧夷語賧若州曰雲南賧白厓賧
亦曰勃弄賧品澹賧道川賧蒙舍賧大釐賧亦曰史賧苴咩賧亦
曰陽賧蒙秦賧矣和賧趙川賧祁鮮山之西多瘴歊地平草久不
枯自曲靖州至滇池人水耕食蠶以柘蠶生閱二旬而蠶織錦繡
精緻大和祁鮮而西人不蠶剖波羅樹實狀若絮細縷而幅之覽
賧井產鹽最鮮白惟王得食取足輒滅竈昆明城諸井皆產鹽不
征羣蠻食之永昌之西野桑生石上其林上屈兩向而下植取以
爲弓不筋漆而利名曰賧弓長川諸山往往有金或披沙得之麗
水多金麩越賧之西多薦草產善馬世稱越賧駿始生若羔歲中
紐莎縻之飲以米潘七年可御日馳數百里王出建八旗紫若青
白旂雉翬二有旄鉞紫囊之翠蓋王母曰信麼亦曰九麼妃曰進

武信麼出亦建八旗絳旂自曹長以降繫金佉苴尚絳紫有功加錦又有功加金波羅金波羅虎皮也功小者衿背不袖次止于衿婦人不粉黛以蘇澤髮貴者綾錦裙襦上施錦一幅以兩股辮爲髮髻耳綴珠貝瑟瑟虎魄女瘡婦與人亂不禁婚夕私相送已嫁有姦者皆抵死俗以寅爲正四時大抵與中國小差膾魚寸以胡瓜椒藪和之號鵝闕吹瓢笙笙四管酒至客前以笙推盞勸酬以繒帛及貝市易貝者大若指十六枚爲一覓師行人齎糧斗五升以二千五百人爲一營其法前傷者養治後傷者斬剝牛田以一牛三夫前挽中墜後驅然專于農無貴賤皆耕不繇役人歲輸米二斗一藝者給田二收乃稅王蒙氏父子以名相屬蜀自舍老以來有譜次可考舍老生獨邏亦曰細奴邏高宗時遣使者入朝賜錦袍細奴邏生邏盛炎邏盛炎生炎閭武后時盛炎身入朝妻方娠生盛邏皮喜曰我又育子雖死唐地足矣炎閭立死開元時弟盛邏皮立生皮邏閣授特進封臺登郡王炎閭未有子時以閭羅鳳爲

嗣及生子還其宗而名承恩遂不改開元末皮邏閣逐何蠻取大和城又襲大釐城守之因城龍口夷語山陂陀爲和故謂大和以處閭羅鳳天子詔賜皮邏閣名歸義當是時五詔徵歸義獨彊乃厚以利啖劍南節度使王昱求合六詔爲一制可歸義已并羣蠻遂破吐蕃寢驕大入朝天子亦爲加禮又以破邕蠻功馳遣中人冊爲雲南王賜錦袍金鈿帶七事於是徙治大和城天寶初遣閭羅鳳子鳳迦異入宿衛拜鴻臚卿恩賜良異七載歸義死閭羅鳳立襲王以其子鳳迦異爲陽瓜州刺史初安寧城有五鹽井人得煮鹽鬻自給玄宗詔特進何履光以兵定南詔境取安寧城及井復立馬援銅柱乃還鮮于仲通領劍南節度使卡忿少方略故事南詔嘗與妻子謁都督過雲南太守張虔陀私之多所求丐閭羅鳳不應虔陀數詬斬之陰表其罪由是忿怨反發兵攻虔陀殺之取姚州及小夷州凡三十二明年仲通自將出戎嵩州分二道進次曲州靖州閭羅鳳遣使者謝罪願還所虜得自新且城姚州如不

聽則歸命吐蕃忠雲南非唐有仲通怒囚使者進薄白厓城大敗引還閭羅鳳斂戰肉築京觀遂北臣吐蕃吐蕃以爲弟夷謂弟鍾故稱贊普鍾給金印號東帝揭碑國門明不得已而叛嘗曰我上世世奉中國累封賞後嗣容歸之若唐使者至可指碑凜被吾罪也會楊國忠以劍南節度當國乃調天下兵凡十萬使侍御史李宓討之輦餉者尚不在涉海而疫死相踵於道宓敗于大和城死者十八亦會安祿山反閭羅鳳因之取嵩州會同軍據清溪關以破越析梟于贈西而降尋傳驃諸國尋傳蠻者俗無絲纊跣履榛棘不苦也射豪猪生食其肉戰以竹籠頭如兜鍪其西有裸蠻亦曰野蠻漫散山中無君長作檻舍以居男少女多無田農以木皮蔽形婦或十或五共養一男子廣德初鳳迦異築柘東城諸葛亮石刻故在文曰碑即什蠻爲漢奴夷畏誓常以石搯搯大曆十四年閭羅鳳以鳳迦異前死立其孫異牟尋以嗣異牟尋有智數善撫衆略知書母李獨錦蠻女也獨錦蠻亦烏蠻種在秦藏川南

天寶中命其長爲歸州刺史世與南詔婚聘異牟尋立悉衆二十萬入寇與吐蕃并力一趨茂州踰文川擾灌口一趨扶文掠方維白坭一侵黎雅叩邛邽關令其下曰爲我取蜀爲東府工伎悉送邏娑城歲賦一縑於是進陷城聚人率走山德宗發禁衛及幽州軍以援東川與山南兵合大敗異牟尋衆斬首六千級禽生捕傷甚衆顛踣厓峭且十萬異牟尋懼更徙苴咩城築袤十五里吐蕃封爲日東王然吐蕃責賦重數悉奪其險立營候歲索兵助防異牟尋稍苦之故西瀘令鄭回者唐官也往崔旰州破爲所虜閣羅鳳重其惇儒號蠻利俾教子弟得筆榜故國中無不憚後以爲清平官說異牟尋曰中國有禮義少求責非若吐蕃恠刻無極也今棄之復歸唐無遠戍勞利莫大此異牟尋善之稍謀內附然未敢發亦會節度使韋臯撫諸蠻有威惠諸蠻頗得異牟尋語白于臯時貞元四年也臯乃遣諜者遺書吐蕃疑之因責大臣子爲質異牟尋愈怨後五年乃使策遣使者三人異道同趣成都遺臯帛書曰異

牟尋世爲唐臣曩緣張虔陀志在吞侮中使者至不爲澄雪舉部
惶窘得生異計鮮于仲通比年舉兵故自新無繇代祖棄背吐蕃
欺孤背約神川都督論訥舌使浪人利羅式眩惑部姓發兵無時
今十二年此一忍也天禍蕃廷降豐蕭牆太子弟兄流竄近臣橫
汗皆尚結贊陰計以行屠害平日功臣無一二在訥舌等皆冊封
王小國奏請不令上達此二忍也又遣訥舌逼城于鄙弊邑不堪
利羅式私取重賞部落皆驚此三忍也又利羅式罵使者曰滅子
之將非我其誰子所富當爲我有此四忍也今吐蕃委利羅式甲
士六十侍衛因知懷惡不謬此一難忍也吐蕃陰毒野心輒懷搏
噬有如媼生實汗辱先人辜負部落此二難忍也往退渾王爲吐
蕃所害孤遺受欺西山女王見奪其位拓拔首領並蒙誅刈僕固
志忠身亦喪亡每慮一朝亦被此禍此三難忍也往朝廷降使招
撫情心無二詔函信節皆送蕃廷雖知中夏至仁業爲蕃臣吞聲
無訴此四難忍也曾祖有寵先帝後嗣率蒙襲王人知禮樂本

唐風化吐蕃詐給百情懷惡相戚異牟尋願竭誠日新歸款天子請加戎劔南西山涇原等州安西鎮守揚兵四臨委回鶻諸國所在侵掠使吐蕃勢分力散不能爲彊此西南隅不煩天兵可以立功云且贈臯黃金丹砂臯護送使者京師使者奏異牟尋請歸天子爲唐藩輔獻金示順革丹赤心也德宗嘉之賜以詔書命臯遣謀往覘臯令其屬蜀崔佐時至羊苴咩城時吐蕃使者多在陰戒佐時夜牂柯使者服以入佐時曰我乃唐使者安得從小夷服異牟尋夜迎之設位陳燎佐時即宣天子意異牟尋內畏吐蕃顧左右失色流涕再拜受命使其子問勸及清平官與佐時盟點蒼山載書四一藏神祠石室一沈西洱水一置祖廟一以進天子乃發兵攻吐蕃使者殺之刻金契以獻遣曹長段南羅趙迦寬隨佐時入朝初吐蕃與回鶻戰殺傷甚乃調南詔萬人異牟尋欲襲吐蕃陽示寡弱以五千人行許之即自將數萬踵後晝夜行大破吐蕃於神川遂斷鐵橋溺死以萬計俘其五王乃遣弟湊羅棟清平官尹

仇寬等二十七人入獻地圖方物請復號南詔帝賜賚有加拜仇寬左散騎常侍封高溪郡王明年夏六月冊異牟尋爲南詔王以祠部郎中素滋持節領使成都少尹龐頎副之崔佐時爲判官俱文珍爲宣慰使劉幽巖爲判官賜黃金印文曰貞元冊南詔印滋至大和城異牟尋遣兄蒙細羅勿等以良馬六十迎之金鏐王珂兵振鐸夾路陳異牟尋金甲蒙虎皮執雙鐸朝執矛千人衛大象十二引于前騎軍徒軍以次列詰旦授冊異牟尋率官屬北面立宣慰使東向冊使南向乃讀詔冊相者引異牟尋去位跽授冊印稽首再拜又授賜服備物退曰開元天寶中曾祖及祖皆蒙冊襲王自此五十年貞元皇帝洗痕錄功復賜爵命子子孫孫永爲唐臣因大會其下享使者出銀平脫馬頭盤二謂滋曰此天寶時先君以鴻臚少卿宿衛皇帝所賜也有笛工歌女皆垂白示滋曰此先君歸國時皇帝賜胡部龜茲音聲二列今喪亡略盡唯二人故在酒行異牟尋坐奉觴滋前滋授觴曰南詔當深思祖考成業抱忠

竭誠永爲西南藩屏使後嗣有以不絕也異牟尋拜曰敢不承使
者所命滋還復遣清平官尹輔酋等七人謝天子獻鐸鞘浪劍鬱
刃生金瑟瑟牛黃虎珀蠶紡絲象犀越睭統倫馬鐸鞘者狀如殘
刃有孔傍達出麗水飾以金所擊無不洞夷人尤寶月以血祭之
鬱刃鑄時以毒藥并冶取迎躍如星者凡十年乃成淬以馬血以
金犀飾鐸首傷人即死浪人所鑄故亦名浪劍王所佩者傳七世
矣異牟尋攻吐蕃復取昆明城以食鹽池又破施蠻順蠻並虜其
王置白崖城因定磨些蠻隸昆山西興爨故地破茫蠻掠弄棟蠻漢
裳蠻以實雲南東北施蠻者在鐵橋西北居大施睭斂尋睭男子
衣繒布女分髮直額爲一髻垂後跣而衣皮順蠻本與施蠻雜居
劍共諸川咩羅皮鐸羅望旣失迤川浪穹奪劍共地由是徙鐵橋
在劍睭西北四百里號劍羌磨些蠻與施順二蠻皆烏蠻種居
鐵橋大婆小婆三探覽昆池等川土多牛羊俗不類澤男女衣皮
俗好飲酒歌舞茫蠻本關南種茫其君號也或呼茫詔永昌之南

有茫天連茫吐薌大睽茫昌茫鮮茫施大抵皆其種樓居無城郭
或漆齒或金齒衣青布短袴露胛以繒布縹緞出其餘垂後爲飾
婦人披五色娑羅籠象纔如牛養以耕弄棟蠻白蠻種也其部本
居弄棟縣鄙地昔爲褒州有首領爲刺史誤殺其參軍挈族北走
後散居磨些江側故劍共諸川亦有之漢裳蠻本漢人部種在鐵
橋惟以朝霞纏頭餘尚同漢服十五年異牟尋謀擊吐蕃以道川
寧北等城當寇路乃峭山深壑脩戰備帝許出兵助力又請以大
臣子弟質於臯臯辭固請乃盡舍成都咸遣就學且言昆明舊州
與吐蕃接不先加兵爲虜所脅反爲我患請臯圖之時唐兵比歲
屯京西朔方大峙糧欲南北並攻取故地然南方轉饟稽期兵不
悉集是夏虜麥不熟疫癘仍興贊普死新君立臯揣虜未敢動乃
勸異牟尋緩舉萬全愈於速而無功今境上兵十倍往歲且行營
皆在舊州扼西瀘吐蕃路昆明弄棟可以無虞異牟尋請期它年
吐蕃大目以歲在辰兵宜出謀襲南詔閱衆治道將以十月圍舊

州軍屯昆明凡八萬皆命一歲糧贊普以舅攘郅羅爲都統遣尚
乞力欺徐濫鑠屯西貢川異年尋與臯相聞臯命部將武免率弩
士三千赴之元榮朝以萬人屯黎州臯良金以二萬五千人屯嵩
州約南詔有急皆進軍過俄準添城者南詔供饋吐蕃引衆五萬
自曩貢川分二軍攻雲南一軍自諾濟城攻嵩州異年尋畏東蠻
磨些難測懼爲吐蕃鄉導欲先擊之臯報嵩州實往來道扞蔽數
州虜百計窺之故嚴兵以守屯壁相望糧械處處有之東蠻庸敢
懷貳乎異年尋乃檄東磨些諸蠻內糧城中不者悉燒之吐蕃顓
城將楊萬波約降事洩吐蕃以兵五千守臯將擊破之萬波與籠
官拔顓城以來徙其人二千于宿川臯將扶忠義又取末恭城俘
係牛羊千計贊普大將旣煎讓律以兵距十貢川一舍而屯國師
馬定德率種落出降西貢節度監軍野多輸煎者贊普乞立贊養
子當從先贊普殉亦詣忠義義降於是虜氣衰軍不振欺徐濫鑠至
鐵橋南詔毒其水人多死乃徙納川壁而待是年虜霜雪早兵無

功還期以明年吐蕃苦唐詔掎角亦不敢圖南詔臯令免按兵雋
州節級鎮守雖南詔境亦所在屯戍吐蕃懲野戰數北乃屯三瀘
水遣論妄熱誘瀘諸蠻復城悉攝悉攝吐蕃險要也蠻酋潛導
南詔與臯部將杜毗羅狙擊十七年春夜絕瀘破虜虜屯斬五百級
虜保鹿危山毗羅伏以待又戰虜大奔於時康黑衣大食等兵及
吐蕃大酋皆降獲甲二萬首又合鬼主破虜于瀘西吐蕃君長共
計不得雋州患未艾常爲兩頭蠻挾唐爲輕重謂南詔也虜虜荐
飢方葬贊普調斂煩至是大料兵率三戶出一卒虜法爲大調集
又聞唐兵三萬入南詔乃大懼兵戎納川故洪諾濟臘聿賈五城
欲悉師出西山劍山收雋州以絕南詔臯即上言京右諸屯宜明
斥候蚤斂田邠隴焚萊可困虜入臯遣將邢毗以兵萬人屯南北
路趙昱萬人戍黎雅州異牟尋謂臯曰虜聲取雋州實窺雲南
請武免督軍進羊苴咩若虜不出者請以來年二月深入時虜兵
三萬攻鹽州帝以虜多詐疑繼以大軍詔臯深鈔賊鄙分虜勢臯

表賊精鎧多置南屯今向鹽夏非全軍欲掠河曲党項畜產耳俄聞虜破麟州臯督諸將分道出或自西山或由平夷或下隴陀和石門或徑神川納川與南詔會是時回鶻太原邠寧涇原軍獵其北劔南東川山南兵震其東鳳翔軍當其西蜀南詔深入克城七焚塚百五十所斬首萬級獲鎧械十五萬圍昆明維州不能克乃班師振武靈武兵破虜二萬涇原鳳翔軍敗虜原州惟南詔攻其腹心俘獲最多帝遣中人尹偕尉異牟尋而吐蕃盛屯昆明神川納川自守異牟尋比年獻方物天子禮之

南蠻列傳第二百四十七上

南蠻列傳第一百四十七中

唐書二百二十二中

宋

祁

奉

救

撰

元和三年異牟尋死詔太常卿武少儀持節弔弔牟尋閭勸立或謂夢湊自稱驃信夷語君也改賜元和卽章明年死子勸龍晟立淫肆不道上下怨疾十一年為弄棟節度王嵯巔所殺立其弟勸利詔少府少監李銑為冊立弔祭使勸利德嵯巔賜氏蒙封太谷蠻謂兄為容長度三年始賜卽是歲死弟豐祐立豐祐趨敢善用其下慕中國不肯連父名穆宗使京兆少尹韋審規持節臨冊豐祐遣洪成酋趙龍些楊定奇入謝天子於是西川卽度使杜元穎治無狀障候弛沓相蒙時大和三年也嵯巔乃悉衆掩取戎巂三州陷之成都上西郛十日慰賚居人市不擾肆將還乃掠子女工技數萬引而南人懼自殺者不勝計救兵逐嵯巔身自殿至大度河謂華人曰此吾南境爾去國富矣衆號勸赴水死者十三南詔自是工文織與中國埒明年上表請罪比年使者來朝開成會昌間再至大中時李琢為安南經略使書墨自私以斗鹽易一牛夷人不堪結南詔將段酋遷陷安南都護府號白衣沒命軍南詔發朱弩佞苴三千助守然朝貢猶歲至從者多杜棕自西川入朝表無多內蠻僭豐祐怒卽慢言索質子會宣宗崩使者告哀是時豐祐亦死坦

綽酋龍立憲朝廷不弔卹又詔書乃賜故王以草具進使者而遣遂僭稱皇帝建元建極自號大禮國懿宗以其名近玄宗嫌諱絕朝貢乃陷播州安南都護李鄴屯武州咸通元年為蠻所攻棄州走天子斥鄴以至寬代之明年攻邕管經略使李弘源兵少不能拒奔蠻州南詔亦引去詔殿中監段文楚為經略使數改條約衆不悅以胡懷王代之南詔知邊人困甚剽掠無有不入寇杜悰當國為帝謀遣使者弔祭示恩信并詔驃信以名嫌冊命未可舉必易名乃得封帝乃命左司郎中孟穆持節往會南詔陷嵩州穆不行安南桃林人者居林西原七綰洞首領李由獨主之歲歲戍邊李琢之在安南也奏罷防冬兵千人謂由獨可當一隊遏蠻之入蠻酋以女妻由獨子七綰洞舉附蠻實不能制三年以湖南觀察使蔡襲代之發諸道兵三萬屯守南詔憺畏不敢出會詔左庶子蔡京經制嶺南已襲功有所欲沮壞之乃言南方自無虞武夫倖功多聚兵耗餽運請還戍兵惜財用襲執不可願留五千兵畱表不報即極陳南詔伺隙又有十必死狀朝廷昏肆不省也京還奏得意其復詔為宣慰安撫使即建柝廣州為嶺南東道邕州為西道以襲象藤巖為隸州乃拜京西道節度使京徧愆貪克峻條令為炮熏剽斷法下愁毒為軍中所逐走藤州矯制作攻討使即召鄉兵比道軍攻邕州不克衆潰

貶死崖州以桂管觀察使鄭愚代節度南詔攻交州進略安南襲請救發湖
荆桂兵五千屯邕州嶺南韋宙奏南詔必襲邕管不先防近而圖遠恐擣虛
絕糧道且深入乃詔襲按軍海門詔鄭愚分兵禦之襲請濟師以山南東道
兵千人赴之南詔酋將楊思偕麻光高以兵六千薄城而屯四年正月攻益
急襲錄異年尋盟言數矢上射入其營不荅俄而城陷襲闔宗死者七十人
幕府樊綽取襲即走度江荆南兵入東郭苦戰斬南詔二千級是夜蠻遂屠
城有詔諸軍保嶺南更以秦州經略使高駢為安南都護帝見輸發頻罷遊
幸不奏樂宰相杜悰以為非是止之南詔稍逼邕州鄭愚自陳非將帥才願更
擇人會康承訓自義成來朝乃授嶺南西道節度使發荆襄洪鄂兵萬人從
之承訓辭兵寡乃大興諸道兵五萬往六月置行交州於海門進為都護府
調山東兵萬人益戍以容管經略使張茵鎮之因命經略安南茵逗留不敢
進安南之陷將吏遺人多客伏溪洞詔所在招還抹卹之免安南賦入二年
韋宙請分兵屯容藤拔蠻勢五年南詔回掠嵩州以挫西南西川節度使肅
鄴率屬蠻鬼主邀南詔大度河敗之明年復來攻會刺史喻士珍貪僧陰掠
兩林東蠻口縛賣之以易蠻金故開門降南詔盡殺戍卒而士珍遂臣于蠻
安南又屯兩河銳士死瘴毒者十七宰相楊收議罷北軍以江西為鎮南軍

募彊弩三萬建節度且地便近易調發詔可夏侯孜亦以張茵懦不足事悉以兵授高駢駢以選士五千度江敗林邑兵於邕州擊南詔龍州屯蠻酋燒貳玄甲走酋龍遣楊緝思助酋遷共守安南以范昵些爲安南都統趙諾眉爲扶邪都統七年六月駢次交州戰數勝士酣鬪斬其將張詮李達龍峯衆萬人降拔波風三壁緝思出戰敗還走城士乘之超堞入斬酋遷昵些諾眉上首三萬級安南平初酋龍遣清平官董成等十九人詣成都節度使李福將廷見之成辭曰皇帝奉天命改正朔請以敵國禮見福不許導譯五返日肝士倦議不決福怒命武士挫辱之械繫于館俄而劉潼代福節度即挺其繫表縱還有詔召成等至京師見別殿賜物良厚慰遣還國明年酋龍使楊酋慶等來謝釋囚初李師望建言成都經摠蠻事曠日不能決請析邛蜀嘉眉黎雅萬州爲定邊軍建節度制機事近且速天子謂然即詔師望爲節度使治邛州邛距成都才五舍萬州最南去邛乃千里緩急首尾不相副而師望利專制諱不言裒積無厭私賄以百萬計又欲激蠻怒幸有功乃殺酋慶等旣而戍士怒將醢師望以逞會召還以竇傍代之傍沓冒尤不法誅責苛纖甚師望時蠻役未興而定邊已困酋龍怨殺其使十年乃入寇以軍綴青溪關文引衆伐木開道徑雪岷盛夏卒凍死者二千人出沐源關嘉州破

屬蠻蠻遂次沐源傍連充海兵五百往戰軍覆酋龍乃身自將督衆五萬侵雋
州攻青溪關也將杜再榮絕大度河走諸七皆退保北涯蠻攻黎州詭服漢
本齊江襲犍爲破之步向陵榮聞焚廬舍掠糧資薄嘉州刺史楊文與南詔
夾江而軍士擯財蠻不得進陰自持濟背擊主師殺中武將顏慶父走
嘉州陷明年正月攻杜再榮傍自勒兵戰酋龍遣使者十輩請和傍信之語
未半蠻梓爭岸譟而進傍不知所爲將自殺武寧將黃全緒之殊死戰蠻
稍卻傍乃遁全緒毀而行黎州陷人走匿山谷蠻掠金帛不勝負自邛崃
關圍雅州遂擊邛州是冬傍棄州壁遁注儲貲峙械皆亡矣酋龍進攻成都
次眉州垣緝杜元忠日夜教酋龍取全蜀於是西川節度使盧耽遣其副王
偃中人張思廣約和蠻疆之使南面拜然卒不見酋龍而還蠻次新津耽復
遣副譚奉祀好言申約蠻留之耽畏援軍未集即飛請天子降大使通好以
紓其深忿慈宗馳遣太僕卿支詳爲和蠻使蠻去無謀不能乘機會鼓行
亟驅但蚍結蠅營怛鹵剽小利剋剋留屯故蜀孺老得扶攜采之成都閭里
皆蒲戶所占地不得過一牀雨則冒簣蓋自死城中井爲竭則共飲摩訶池
至爭掙溺死者或筭沙取滴飲之死不能具棺即共坎塋故廬州刺史楊慶
復爲耽治攻且蘭石置牢城兵將主之樹比格夜列炬昭城守具雄新又

選悍士三千號突將爲長刀巨楯斧分左右番休自隸于軍士心侈欲闕而
商龍自雙流徐行內欲報重成之辱因給耽請上介至軍議事耽遣節度
副使柳般來往見杜元忠議和元忠妄言帝見耽請具車蓋葆嬰樂未能決
還蠻以二百騎負帷幕來太言曰供帳隨蜀王聽事爲驃信行在耽不許乃
馳去蠻稍前傳外和於是將奔使王晝督援兵三千屯毗橋資旁亦以其軍
自道江來將與天軍犄角然戰不甚力小不勝即保廣漢自以失定邊觀成
都陷得薄其罪會有詔斥徙軍遂無功耽部將李自孝者與刺史喻士珍善
士珍自蠻酋孝陰與賊通乃說耽城下時葦稻渚水類城與府不之覺蠻攻
城自孝守陴樹麾以自表麾所植蠻輒攻之爲下所覺耽殺自孝以徇城左有
民樓肆蠻俯射城中耽募勇士燒之器械俱盡二月蠻以雲梁鵝車四面攻
士叫譟鵝車未至陴者以巨索鉤係投膏炬車焚相間蠻卒盡死耽遣李
璿張宏率突將戰城下俘斬二千級蠻徹民郭落爲蓬籠如車輦下設枕木
推而前不及城丈匪蠻其內以亢墉楊志以嬰是貯葦藩凌蠻不能處注以
鐵液蓬籠皆火然南詔負眾益治器械各兵晝夜有聲將戰錦樓眾失色耽
遣將出三面苦戰蠻引卻蠻利夜晦輒薄城聞呼嘯眾齊奮城上施鐵籠千
炬賊來不得隱屯夫終夜哄蠻不能侵支詳遣諜與約好且謂耽毋多殺以

速蠻和是時傳言救師至城中合譟開門士爭出迎軍南詔搏戰不解日入判官程克裕以北門兵三千乘之蠻乃走耽猶遺之書謝不得已交兵且請和士脫鎧迎支詳詳陳所齎植二旗署曰賜雲南幣物謂蠻使者曰天子詔雲南和解而兵薄成都奈何請退舍撤警以脩好或勸詳蠻多詐毋入死地詳不行蠻復圍成都夜穿西北隅移旦乃覺即類焚火于壩蠻皆死穴中以鐵絙曳雲輜什之燎作少選盡益固守是時帝遣東川節度使顏慶父復為大度河制置劍南應接使兵次新都博野將曾元裕敗蠻兵斬二千級南詔騎數萬晨駐官軍以騁大將宋威以忠武兵戰斬首五千獲馬四百尾南詔退也星宿山威進戍沱江酋龍遣酋望至支詳所請和詳曰今列城固守北軍望功歸語而主審自度耽遣銳將趙蠻壁燒攻且殺二千人為南詔所躡卻而潰蠻聞鳳翔山南軍且來乃迎戰毗橋不勝趨沱江為伏士所擊又敗城中出突將夜火蠻營酋龍坦縛身督戰後三日王師奪昌升遷梁蠻大敗燒燒亭傳棄人所向雨矢射王師威疏軍行嚮矢所發叢射之兩軍不能決各解去酋龍知不敵夜徹營南奔至雙流江無梁計窮將赴水死或止之曰今北軍與成都兵合若來追我無類矣不如偽和以紓急不然死未晚乃來請三日梁成而濟即斷梁按隊緩驅黎州刺史嚴敬師奉收散卒保邛州酋龍懼圍二

日去蠻俘華民必劓耳鼻已縱之既而居人刻木為耳鼻者什一慶復之來眾以其弟慶師死于蠻必甘心及成都不破以已功輕乃按軍廣溪縱殘寇人切齒初成都無隄斬乃教耽濬隄廣三丈作戰棚于埤列左右屯營營別五區區卒五十騎卑焚夾塲後三年合拱又為大櫓連弩自是南詔憚之酋龍年少嗜殺戮親戚異邑者皆斬兵出無寧歲諸國更讎忿屢覆衆國耗虛蜀之役男子十五以下悉發婦耕以餉軍十四年坦綽復寇蜀緡舟大度河以濟為刺史黃景復擊却之眾循河而南夜持上流兵夾攻瀕水諸屯景復敗走還黎州蠻躡追為景復所敗會蠻踵來還攻大度河仆旗息鼓請曰坦綽欲上書天子白冤事戎兵信之不戰橋成而濟黎州陷遂攻雅州擊定邊軍卒潰入邛川成都大震入王壘關士乘城坦綽遣使者王保城等四十人齎驃信書遺節度使牛勗欲假道入朝請許蜀王故殿叢欲許之楊慶諫曰蠻無信彼禮屈辭甘詐我也請斬其使留二人還書勗取因責之曰詔王之祖六詔取小夷也天子錄其勸食六詔為一俾附庸成都名之以國許子弟入太學使習華風今乃自絕王命且崔蛇犬馬猶能報德王乃不如蠹鳥乎比成都以武備未脩故令爾突我疆場然毗橋沱江之敗積勞附城不四年復來今吾有十萬眾指其半未用以千人為軍十軍為部驍將王之凡部

有彊弩二百鑄斧輔之勁弓二百越銀刀輔之長戈二百擐刀輔之短矛二百連鋌輔之又軍四面有鐵騎五百悉收芻薪米粟生蒿天豕清野待爾吾又能以旁騎略爾樵采我日出以一部與爾戰部別二番日中而代日具一部至以夜屯月明則戰黑則休夜半而代凡我兵五日一殺敵爾乃晝夜戰不十日懜且死矣川縣繕甲厲兵犄角相從比自蠻之深讎雖女子能禁歲薄賊況彊夫烈士哉爾祖嘗奴事西蕃爲爾仇家今顧臣之何因讎之戾邪蜀王故殿先世之寶宮非邊夷所宜舍神怒人憤驃信且死叢猶火郊民室廬觀閣嚴兵爲固守計坦綽至新津而還回寇黔中經略使奉匡謀懼奔荆南會僖宗立遣金吾將軍韓重持節使俄攻黎州景復擊走之乾符元年劫略崔雅間破黎州入邛峽關掠成都成都閉三日蠻乃去詔徙天平軍高駢領西川節度使乃奏蠻醜勢易制而蜀道險館饒窮要今左神策所發長武河東兵多用度繁廣宜彼皆扼制羗戎不可以弛備詔乃罷長武等兵駢至不淹月閱精騎五千逐蠻至大度河奪鎧馬執酋長五十斬之收邛峽關復取黎州南詔遁還駢召景復責大度河之敗斬以徇成望星清溪等關南詔懼遣使者詣駢結好而踵出兵寇邊駢斬其使初安南經略判官杜鰲爲蠻所俘其妻宗室女也故西龍使奉書丐和駢荅曰我且將百萬衆

至龍尾城問爾罪。西龍大震，自南詔叛天子，數遣使至其境。西龍不肯拜使者，遂絕。駢以其俗尚浮屠，法故遣浮屠景仙攝使往。西龍與其下迎謁，且拜。乃定盟而還。遣清平官西望趙宗政質子三十入朝。乞盟，許。明為兄弟。若舅甥，詔拜景仙鴻臚卿，檢校左散騎常侍。駢結法蕃尚延心，盟末魚自稱月等為間，築戎州馬湖沐源川大度河三城列屯，拒險料壯卒為平夷軍。南詔氣奪，西龍志發，疽死。偽諡景莊皇帝。子法嗣，改元貞明。承知異同，自號大封人。法年少，好畋獵，酣逸衣絳紫錦罽，鏤金帶，國事頗決。大臣乾符四年，遣陀西段瓊實詣邕州，節度使辛謹請脩好，詔使者答報。未幾，寇西川。駢奏請與和。親右諫議大夫柳韜吏部侍郎崔澹醜其事，上言：「遠蠻畔逆，乃因浮屠誘致入議，和親垂笑後世。」駢職上將謀乖，謬不可從。遂寢蠻使者，再入朝議和。親而駢徙荆南，持前請不置。宰相鄭畋、盧攜爭不決，皆賜罷。辛謹遣幕府徐雲虔攝使者往覲，到善闡府見騎數十曳長矛擁絳服少年朱綰約髮，典客伽陀西望慶白此驃信也。問天子起居，下馬揖客，取使者佩刀視之，自解左右鈕以示乃除地，刺三丈版，命左右馳射。每一人射法，駛馬逐以為樂。數十發止，引客就幄，低子捧瓶，孟四女子侍樂飲。夜乃罷，又遣問安。春秋大義，送使者還。是時駢徙節鎮海，効澹等沮議，帝蒙弱不能曉，下詔尉解西川節。

度使崔安潛上言蠻蠻爲鳥獸不識禮義安可以賤隸尚貴王失國家大體
澹等議可用臣請募義征子率十戶一保願發山東銳兵六千戍諸州比五
年蠻可爲奴久之帝手詔問安潛和親事荅曰雲南姚州譬一縣中國何資
於彼而遣重使加厚禮彼且妄謂朝廷畏怯無能爲脫有它請陛下何以待
之且太宗近屬不可下小蠻夷臣比移書不言舅甥黜所僭也有如蠻使者
不復至當遣諜人伺其隙可以得志南詔知蜀疆故龍安南陷之都護曾
袞奔邕府戍兵潰會西川節度使陳敬瑄申和親議時盧攜復輔政與豆
盧瑑皆厚駢乃譎說帝曰陛下初即位遣韓重使南詔將官屬以蜀昔年
費不貲蠻不肯迎及駢節度西川招盟未繕甲訓兵蠻夷震動遣趙宗政
入獻見天子附驃信再拜雲虔之使驃信荅拜其於禮不爲少宣宗皇帝收
三州七關平涼鎮以南至大中十四年內庫貲積如山戶部延資充滿故宰
相敏中領西川庫錢至三百萬緡諸道亦然咸通以來蠻始叛命再入安南
邕管一破黔州四盜西川遂圍盧耽召兵東方戍海門天下騷動十有五年
賦輸不內京師者過半中藏空虚士死瘡痍燎骨傳灰人不念家亡命爲
盜可爲痛心前年留宗整等南方無虞及遣還彼猶冀望家法立三年比兵
不出要防其芻力以間我虞今朝廷府庫匱甲兵少牛叢有北兵七萬首尾

奔衝不能救况安南客戎單寡涉冬寇禍可慮誠命使者臨報縱未稱臣且伐其謀外以縻服蠻夷內得蜀休息也帝謂然乃以宗室女爲安化長公主許婚拜嗣曹皇龜年宗正少卿爲雲南使大理司直徐雲虔副之內常侍劉光裕爲雲南內使崔承錫副之又還具言驃信誠款以爲勸瑄功故進檢校司空賜一子官法遣宰相趙隆眉楊奇混段義宗朝行在迎公主高駢自揚州上言三人者南詔心腹也宜止而鳩之蠻可圖也帝從之隆眉等皆死自是謀臣盡矣蠻益衰中和元年復遣使者來迎主獻珍怪蠻百牀帝以方議公主車服爲解後二年又遣布燮楊奇肱來迎詔檢校國子祭酒張譙爲禮會主禮使徐雲虔副之宗正少卿嗣虢王約爲婚使未行而黃巢平帝東還乃歸其使去死僞謚聖明文武皇帝子舜化立建元中興遣使款黎州脩好昭宗不答後中國亂不復通先是有時傍矣川羅識二族通號入詔時傍母歸義女也其女復妻閭羅鳳初咩羅皮之敗時傍入居遼川州誘上浪千餘勢稍張爲閭羅所猜徙置白崖誠後與矣川羅識詣神川都督求自立爲詔謀洩被殺矣川羅識奔神川都督迭之羅些城

蒙雋詔最大其王雋輔首死無子弟佞陽照立佞陽照死子照原立喪明子原羅質南詔歸義欲并國故歸其子原之衆果立之居數月使人殺照

原逐原羅遂有其地

越析詔或謂磨名些詔居故越析州西距曩葱山一日行貞元中有豪酋張
尋求丞其王波衝妻因殺波衝劔南節度使召尋求至姚州殺之部落無長
以地歸南詔波衝兄子千贈持王所寶鐸鞘東北度盧邑子龍佉河纔百
里號雙舍使部酋楊墮居河東北歸義樹壁侵于贈不克閤羅鳳自請
往擊楊墮破之于贈投盧死得鐸鞘故王出軍必雙執之

浪穹詔其王豐時死子羅鐸立羅鐸死子鐸羅望立為浪穹州刺史與
南詔戰不勝挈其部寶劔川更稱劔浪死子望偏立望偏死子偏羅矣
立偏羅矣死子羅君立貞元中南詔擊破劔川虜羅維君徙永昌凡浪穹
遼賧施浪揔謂之浪人亦稱三浪

遼賧詔其王豐咩初據遼賧為御史李知古所殺子咩羅維皮自為遼川
州刺史治大磴城歸義龍表敗之復入遼賧與浪穹施浪合拒歸義既戰
大敗歸義奪遼賧咩羅維皮走保野共川死子皮羅鄧立皮羅鄧死子鄧羅
顛立鄧羅顛死子顛文託立南詔破劔川虜之徙永昌

施浪詔其王施望久居矣苴和城有施各皮者亦八詔之裔據石和城閤
羅鳳攻虜之而施望久孤立故與咩羅皮合攻歸義不勝歸義以兵脅

降其部施望欠以族走永昌獻其女遺南詔丐和歸義許之度蘭江死
弟望千走吐蕃吐蕃為詔納之劍川衆數萬望千死子千旁羅顛立南
詔破劍川千旁羅顛走瀘北三浪采滅唯千旁羅顛及矣川羅識子孫
在吐蕃

贊曰唐之治不能過兩漢而地廣於三代勞民費財禍所繇生晉獻公
殺嫡賊二公子號為閹君明皇一日殺三庶人昏蔽甚矣嗚呼父子不相信
而遠治閹羅鳳之罪士死十萬當時冤之歎宗任相不明藩鎮屢南詔
內侮屯戍亂龐勛乘之倡戈橫行雖凶渠殲夷兵連不解唐遂以亡易
曰喪牛于易有國者知戒西北之虞而不知患生於無備漢亡於董卓而
兵兆於冀州唐亡於黃巢而禍基於桂林易之意深矣

列傳一百四十七中

南蠻列傳第一百四十七下

唐書二百二十二下

端明殿學士兼翰林院學士龍圖閣學士朝請奉直學士尚書部侍郎充集賢館直學士奉
敕撰

環王本林邑也。一曰占不勞。亦曰占婆。直交州南海行三千里地。東西三百里。而贏南北千里。西距真臘。霧溫山南抵奔浪陀州。其南大浦有五銅柱。山形若倚蓋。西重巖。東涯海。漢馬援所植也。又有西屠夷蓋。援還留不去者。才十戶。隋末孽衍。至三百。皆姓馬。俗以其寓故號馬留。人與林邑分。唐南境其地。冬溫多霧。雨產虎。魄猩猩獸。結遼鳥。以二月爲歲首。稻歲再熟。取檳榔。瀋爲酒。椰葉爲席。俗凶悍。果戰鬪。以麝塗身。日再塗。再澡。拜謁。則合爪頓顙。有文。字喜浮屠。道治金銀像。大或十圍。呼王爲陽蒲逋。王妻爲陀陽阿。熊太子爲阿長逋。宰相爲婆漫地。王所居曰占城。別居曰齊國。曰蓬皮。勢王衣白氎。古貝斜絡臂飾金。珮爲纓。髮戴金華冠。如章甫。妻服朝霞古貝短褰冠。纓如王。王衛兵五千。戰乘象。藤爲鎧。竹。

爲弓矢率象千馬四百分前後不設刑有罪者使象踐之或送不勞山畀自死隋仁壽中遣將軍劉芳伐之其王范梵志挺走以其地爲三郡置守令道阻不得通梵志哀遺衆別建國邑武德中再遣使獻方物高祖爲設九部樂饗之貞觀時王頭黎獻馴象鏐鎖五色帶朝霞布火珠與婆利羅刹二國使者偕來林邑其言不恭羣臣請問罪太宗曰昔苻堅欲吞晉衆百萬一戰而亡隋取高麗歲調發人與爲怨乃死匹夫手朕敢妄議發兵邪赦不問又獻五色鸚鵡白鸚鵡數訴寒有詔還之頭黎死子鎮龍立獻通天犀寶十九年摩訶慢多伽獨弒鎮龍滅其宗范姓絕國人立頭黎壻婆羅門爲王大臣共廢之更立頭黎女爲王諸葛地者頭黎之姑子父得罪奔眞臘女之王不能定國大臣共迎諸葛地爲王妻以女永徽至天寶凡三入獻至德後更號環王元和初不朝獻安南都護張舟執其僞驩愛州都統斬三萬級虜王子五十九獲戰象舩鎧婆利者直環王東南自交州汎海歷赤土丹丹諸國乃至

地大洲多馬亦號馬禮衣長數千里多火珠大者如雞卵圓白照數尺日中以艾藉珠輒火出產瑇瑁文螺石玕初取柔可治旣鏤刻即堅有舍利鳥通人言俗黑身朱髮而拳鷹爪獸牙穿耳傳瑞以古貝橫一幅繚于鬻古貝草也緝其花爲布粗曰貝精曰疊俗以夜爲市自掩其面王姓利利邪加名護路那婆世居位繚班絲貝綴珠爲飾坐金榻左右持白拂孔雀翥出以象駕車羽蓋珠箔鳴金擊鼓敝豕爲樂其東即羅刹也與婆利同俗隋煬帝遣常駿使赤土遂通中國赤土西南入海得婆羅總章二年其王旃達鉢遣使者與環王使者偕朝環王南有殊柰者汎交趾海三月乃至與婆羅同俗貞觀二年使者上方物九年甘棠使者入朝國居海南十二年僧高武令迦乍鳩密四國使者朝貢僧高直水眞臘西北與環王同俗其後鳩密王尸利鳩摩又與富那王尸利提婆跋摩等遣使來貢僧高等國永徽後爲眞臘所并

盤盤在南海曲北距環王限少海與狼牙脩接自交州海行四十

日乃至王曰楊栗翼其民瀕水居比木爲柵石爲矢鏃王坐金龍大榻諸大人見王交手抱肩以跽其臣曰教郎索濫曰崑崙帝也曰崑崙勃和曰崑崙教諦索甘亦曰古龍古龍者崑崙聲近耳在外曰那延猶中國刺史也有佛道士祠僧食肉不飲酒道士謂爲貪不食酒肉貞觀中再遣使朝其東南有哥羅一曰箇羅亦曰哥羅富沙羅王姓矢利波羅名米失鉢羅累石爲城樓闕宮室茨以草州二十四其兵有弓矢稍及以孔雀羽飾壽每戰以百象爲一隊一象百人鞍若檻四人執弓稍在中賊率輸銀二銖無絲紵惟古貝畜多牛少馬非有官不束髮凡嫁娶納檣椰爲禮多至二百盤婦已嫁從夫姓樂有琵琶橫笛銅鈸鐵鼓蠡死者焚之取燼貯金罌沈之海東南有拘婁蜜海行一月至南距婆利行十日至東距不迷行五日至西北距文單行六日至與赤土墮和羅同俗永徽中獻五色鸚鵡

扶南在日南之南七千里地卑窪與環王同俗有城郭宮室王姓

古龍居重觀柵城桔葉以覆屋王出乘象其人黑身髮髻儼行俗
不爲寇盜田一歲種三歲獲國出剛金狀類紫石英生水底石上
人沒水取之可以刻玉扣以殺角乃伴人喜鬪雞及猪以金珠香
爲稅治特牧城俄爲眞臘所并益南徙那弗那城武德貞觀時再
入朝又獻白頭人二白頭者直扶南西人皆素首膚理如脂居山
穴四面峭絕人莫得至與參半國接

眞臘一曰古蔑本扶南屬國去京師二萬七百里東距車渠西屬
驃南瀕海北與道明接東北抵驩州其王刹利伊金那貞觀初并
扶南有其地戶皆東嚮坐上東客至屑檳榔龍腦香蛤以進不飲
酒比之淫與妻飲房中避尊屬有戰象五千良者飼以肉世與參
半驃通好與環王乾陀洹數相攻自武德至聖曆凡四來朝神龍
後分爲二半北多山阜號陸眞臘半南際海饒陂澤號水眞臘
半水眞臘地八百里王居婆羅提拔城陸眞臘或曰文單曰婆鑊
地七百里王號苴屈開元天寶時王子率其屬二十六來朝拜果

毅都尉大曆中副王婆彌及妻來朝獻馴象十一擢婆彌試殿中
監賜名賓漢是時德宗初即位珍禽奇獸悉縱之蠻夷所獻馴象
畜苑中元會充廷者凡三十二悉放荆山之陽及元和中水真臘
亦遣使入貢文卑西北屬國曰參半武德八年使者來道明者亦
屬國無衣服見衣服者共笑之無鹽鐵以竹弩射鳥獸自給

訶陵亦曰社婆曰閩婆在南海中東距婆利西愼婆登南頗海北
真臘木爲城雖大屋亦覆以桁櫓象牙爲牀若席出瑇瑁黃金
犀象國最富有穴自湧鹽以柳花椰子爲酒飲之輒醉宿昔壤有
文字知星曆食無匕筋有毒女與接輒苦瘡人死尸不腐王居閩
婆城其祖吉延東遷於婆露伽斯城旁小國二十八莫不臣服其
官有三十二大夫而大坐敢兄爲最貴山上有郎卑野州王常登
以望海夏至立八尺表景在表南二尺四寸貞觀中與愼和羅墮
婆登皆遣使者入貢太宗以爾詔優答愼和羅丐良馬帝與之至
上元間國人推女子爲王號悉莫威令整肅道不舉遺大食君聞

之齎金一囊置其郊行者輒避如是三年太子過以足躡金悉莫
怒將斬之羣臣固請悉莫曰而罪實本於足可斷趾羣臣復爲請
乃斬指以徇太食聞而畏之不敢加兵大曆中訶陵使者三至元
和八年獻僧祇奴四五色鸚鵡頻伽鳥等憲宗拜內四門府左果
毅使者讓其弟帝嘉美並官之訖大和再朝貢咸通中遣使獻女
樂情和羅亦曰獨和羅南距盤盤北迦邏舍弗西屬海東真臘自
廣州行五月乃至國多美犀世謂憤和羅犀有二屬國曰曇陵陀
恒曇陵在海洲中陀洹一曰釋陀洹在環王西南海中與憤和羅
接自交州行九十日乃至王姓察失利名婆那字婆末無蠶桑有
稻麥麻豆畜有白象牛羊豬俗喜樓居謂爲干欄以白疊朝霞布
爲衣親喪在室不食燔屍已則剔髮浴于池然後食貞觀時並遣
使者再入朝又獻婆律膏白鸚鵡首有十紅毛齊于翅因丐馬銅
鍾帝與之墮婆登在環王南行二月乃至東訶陵西迷黎車北屬
海俗與訶陵同種稻月一熟有文字以貝多葉寫之死者實金于

口以釧貫其體加婆律膏龍腦衆香積薪燔之

投和在真臘南自廣州西南海行百日乃至王姓投和羅名脯邪
迄遙官有朝請將軍功曹主簿贊理贊府分領國事分州郡縣三
等州有參軍郡有金威將軍縣有城有局長官得選僚屬自助民
居率樓閣畫壁王宿衛百人衣朝霞耳金鐸金紵被頸寶飾革履
頻盜者死次穿耳及頰而斂其髮盜鑄者截手無賦稅民以地多
少自輸王以農商自業銀作錢類榆莢民乘象及馬無鞍勒繩穿
頰御之親喪斷髮爲孝焚尸斂灰于鰓沈之水貞觀中遣使以黃
金函內表并獻方物

瞻博或曰瞻婆北距兢伽河多野象羣行顯慶中與婆岸千支弗
舍跋若磨臘四國並遣使者入朝千支在西南海中本南天竺屬
國亦曰半支跋若唐言五山也北距多摩菴又有哥羅舍分脩羅
分甘畢三國貢方物甘畢在南海上東距環王王名旃陀越摩有
勝兵五千哥羅舍分者在南海南東墮和羅脩羅分者在海北東

距真臘其風俗大略相類有君長皆撫鄒二國勝兵二萬甘畢才五千又有多摩菴東距婆鳳西多隆南干支弗北訶陵地東西一月行南北二十五日行其王名骨利詭古得大卵剖之獲女子美色以爲妻俗無姓婚姻不別同姓王坐常東向勝兵二萬有弓刀甲稍無馬果有波那婆宅護遮菴摩石榴其國經薩盧都訶盧君那盧林邑諸國乃得交州顯慶中貢方物

室利佛逝一曰尸利佛誓過軍徒弄山二千里地東西千里南北四千里而遠有城十四以二國分惣西曰郎婆露斯多金永砂龍腦夏至立八尺表影在表南二尺五寸國多男子有豪它豹文而犀角以乘且耕名曰它牛豹又有獸類野豕角如山羊名曰零肉味美以饋膳其王號曷蜜多咸亨至開元間數遣使者朝表爲邊吏侵掠有詔廣州慰撫又獻侏儒僧祇女各二及歌舞官使者爲折衝以其王爲左威衛大將軍賜紫袍金鈿帶後遣子入獻詔宴于曲江宰相會冊封賓義王授右金吾衛大將軍還之

名蔑東接真陀桓西但游南屬海北波刺其地一月行有州三十以十二月爲歲首王衣朝霞氍毹賦二十取一交易皆用金準直其人短小兄弟共娶一妻婦總髮爲角辨夫之多少王號斯多題龍朔初使者來貢

單單在振州東南多羅磨之西亦有州縣木多白檀王姓刹利名尸陵伽日視事有八大臣號八坐王以香塗身冠雜寶瓔珞近行乘車遠乘象戰必吹蠡擊鼓盜無輕重皆死乾封總章時獻方物羅越者北距海五千里西南哥谷羅商賈往來所湊集俗與僊羅鉢底同歲乘舶至廣州州必以聞

驃古朱波也自號突羅朱闇婆國人曰徒里拙在永昌南二千里去京師萬四千里東陸真臘西接東天竺西南僊和羅南屬海北南詔地長三千里廣五千里東北袤長屬羊苴咩城凡屬國十八曰迦羅婆提曰摩禮烏特曰迦梨迦曰半地曰彌臣曰坤朗曰偈奴曰羅聿曰佛代曰渠論曰婆梨曰偈陀曰多歸曰摩曳餘即舍

衛瞻婆闍婆也凡鎮城九曰道林王曰悉利移曰三陀曰彌諾道
立曰交旻曰帝偈曰達梨謀曰乾唐曰末浦凡部落二百九十八以
名見者三十二曰萬公曰充惹曰羅君潛曰彌綽曰道雙曰道甕
曰道勿曰夜半曰不惡奪曰莫音曰伽龍睽曰阿梨吉曰阿梨闍
曰阿梨忙曰達磨曰求潘曰僧塔曰提梨郎曰望騰曰擔泊曰祿
烏曰乏毛曰僧迦曰提追曰阿末邏曰逝越曰騰陵曰歐咩曰磚
羅婆提曰祿羽曰陋蠻曰磨地勃繇彌臣至坤即又有小崑崙部
王名茫悉越俗與彌臣同繇坤即至祿羽有大崑崙王國王名思
利泊婆難多珊那川原大於彌臣繇崑崙小王所居半曰行至磨
地勃柵海行五月至佛代國有江支涑三百六十其王名思利些
彌他有川名思利毗離芮土多異香北有市諸國估舶所湊越海
即闍婆也十五日行踰二大山一曰正迷一曰射鞞有國其王名思
利摩訶羅闍俗與佛代同經多茸補邏川至闍婆八日行至婆賄
伽盧國土熱衢路植椰子檳榔仰不見日王居以金爲甃厨覆銀

瓦爨香木堂飾明珠有二池以金爲隄舟楫皆飾金寶驃王姓因
沒長名摩羅惹其相名曰摩訶思那王出與以金繩牀遠則乘象
嬪史數百人青甓爲圓城周百六十里有十二門四隅作浮圖民
皆居中鈔錫爲瓦荔支爲材俗惡殺拜以手抱臂稽顙爲恭明天
文喜佛法有百寺琉璃爲甃錯以金銀丹彩紫鑲塗地覆以錦窰
王居亦如之民七歲祝髮止寺至二十有不達其法復爲民衣用
白氎朝霞以蠶帛傷生不敢衣戴金花冠翠冒絡以雜珠王宮設
金銀二鍾冠至焚香擊之以占吉凶有巨白象高百尺訟者焚香
跪象前自思是非而退有災疫王亦焚香對象跪自咎無桎梏有
罪者束五竹捶背重者五輕者三殺人則死土宜菽粟稻梁蔗大
若脛無麻麥以金銀爲錢形如半月號登伽佗亦曰足彈陀無膏
油以蠟雜香代炷與諸蠻市以江猪白氎琉璃罌缶相易婦人當
頂作高髻飾銀珠琲衣青娑裙披羅段行持扇貴家者傍至五六
近城有沙山不毛地亦與波斯婆羅門接距西舍利城二十日行

西舍利者中天竺也南詔以兵疆地接常羈制之貞元中王雍羌聞南詔歸唐有內附心異牟尋遣使楊加明詣劍南西川節度使韋臯請獻夷中歌曲且令驃國進樂人於是臯作南詔奉聖樂用正律黃鍾之均宮徵一變象西南順也角羽終變象戎夷革心也舞六成工六十四人贊引二人序曲二十八疊舞南詔奉聖樂字舞人十六執羽翟以四爲列舞南字歌聖主無爲化舞詔字歌南詔朝天樂舞奉字歌海宇脩文化舞聖字歌雨露覃無外舞樂字歌闢土丁零塞皆一章三疊而成舞者初定執羽簫鼓等奏散序一疊次奏第二疊四行贊引以序入將終雷鼓作於四隅舞者皆拜金聲作而起執羽翟首以象朝覲每拜跪節以鉦鼓次奏拍序一疊舞者分左右蹈舞每四拍揖羽翟首拍終舞者拜復奏一疊蹈舞扑揖以合南字字成徧終舞者北面跪歌導以絲竹歌已俯伏鉦作復揖舞餘字皆如之唯聖字詞末皆恭揖以明奉聖每一字曲三疊名爲五成次急奏一疊四十八人分行罄折象將臣禦

邊也字舞畢舞者十六人爲四列又舞闢四門之舞遠舞入徧兩
疊與鼓吹合節進舞三退舞三以象三才三統舞終皆稽首逡巡
又一人舞億萬壽之舞歌天南滇越俗四章歌舞七疊六成而終
七者火之成數象天子南面生成之恩六者坤數象西南向化凡
樂三十工百九十六人分四部一龜茲部二大鼓部三胡部四軍樂
部龜茲部有羯鼓揩鼓鼙鼓鷄婁鼓短笛大小箏箏拍板皆八長
短簫橫笛方響晉大銅鈸貝皆四凡工八十八人分四列屬舞筵四隅
以合節鼓大鼓部以四爲列凡二十四居龜茲部前胡部有箏大小
箏篳篥五絃琵琶笙橫笛短笛拍板皆八大小箏箏皆四工七十二
人分四列屬舞筵之隅以導歌詠軍樂部金鐃金鐸皆二捫鼓
金鈺皆四鈺鼓金飾蓋垂洙蘇工十二人服南詔服立闢四門舞
筵四隅節拜合樂又十六人畫半臂執捫鼓四人爲列舞人服南
詔衣絳裘襦黑頭囊金花其畫皮鞞首飾袂額冠金寶花髮襦
上復加畫半臂執羽翟舞俯伏以象朝拜裙襦畫鳥獸草木文以

八綵雜華以象庶物咸遂羽葆四垂以象天無不覆正方布位以象地無不載分四列以象四氣舞爲五字以象五行秉羽翟以象文德節鼓以象號令遠布振以鐸明采詩之義用龜茲等樂以象遠夷悅服鉦鼓則古者振旅獻捷之樂也黃鍾君聲配運爲土明土德常盛黃鍾得乾初九自爲其宮則林鍾四律以正聲應之象大君南面提天統於上乾道明也林鍾得坤初六其位西南西南感至化於下坤體順也太族得乾九二是爲人統天地正而三才通故次應以太族三才旣通南呂復以羽聲應之南呂西方金也羽北方水也金水悅而應乎時以象西戎北狄悅服然後沾洗以角音終之沾故也洗濯也以象南詔背吐蕃歸化洗過日新皐以五宮異用獨唱殊音復述五均譜分金石之節奏一曰黃鍾宮之宮軍士歌奉聖樂者用之舞人服南詔衣秉翟俯伏拜拊合南詔奉聖樂五字倡詞五舞人乃易南方朝天之服絳色七節襦袖節有青標排衿以象鳥翼樂用龜茲胡部金鉦柁鼓鐃貝大鼓二

曰太簇商之宮女子歌奉聖樂者用之合以管絃若奏庭下則獨舞一曲樂用龜茲鼓笛各四部與胡部等合作琵琶笙篳篥皆八大小箏笛簫箏五絃琵琶長笛短笛方響各四居龜茲部前次貝一人大鼓十二分左右餘皆坐奏三曰姑洗角之宮應古律林鍾爲徵宮女子歌奉聖樂者用之舞者六十四人飾羅綵襦袖間以八采曳雲花履首飾雙鳳八卦綵雲花鬘執羽爲拜拊之節以林鍾當地統象歲功備萬物成也雙鳳明律呂之和也八卦明還相爲用也綵雲象氣也花鬘象冠也合奉聖樂三字唱詞三表天下懷聖也小女子字舞則碧色襦袖象角音主木首飾巽卦應姑洗之氣以六人略後象六合一心也樂用龜茲胡部其鉦柎鐃鐸皆覆以綵蓋飾以花趺上陳錦綺垂流蘇按瑞圖曰王者有道則儀鳳在鼓故羽葆鼓栖以鳳凰鉦棲孔雀鐃鐸集以翔鷺鉦柎頂足又飾南方鳥獸明澤及飛走翔伏鉦柎鐃鐸皆二人執擊之貝及大鼓工伎之數與軍士奉聖樂同而加鼓笛四部四曰林鍾徵之宮斂

拍單聲奏奉聖樂丈夫一人獨舞樂用鼃茲鼓笛每色四人方響
二置鼃茲部前二隅有金鉦中植金鐸二貝二鈴鉦二大鼓十二分
左右五曰南呂羽之宮應古律黃鍾爲君之宮樂用古黃鍾方響
一大琵琶五絃琵琶大箏瑟倍黃鍾膚篋小膚篋竿笙塙篪撈
箏軋箏黃鍾簫笛倍笛節鼓拍板等工皆一人坐奏之絲竹緩作一
人獨唱歌工復通唱軍士奉聖樂詞雍羌亦遣弟悉利移城主舒
難陀獻其國樂至成都韋臯復譜次其聲以其舞容樂器異常乃
圖畫以獻工器二十有二其音八金貝絲竹匏革牙角金二貝一絲七
竹二匏二革二牙一角二鈴鉦四制如鼃茲部周圍三寸貫以韋擊
磕應節鐵板二長三寸五尺博二寸五分面平背有柄係以韋與
鈴鉦皆飾條紛以花疊縷爲慈菜螺貝四大者可受一升飾條紛有
鳳首筮侯二其長二尺腹廣七寸鳳首及項長二尺五寸面飾
虺皮絃一十有四項有軫鳳首外向其二項有條軫有鼃首箏二
其一形如鼃長四尺有四足虛腹以鼃皮飾背面及仰肩如琴廣

七寸腹闊八寸尾長尺餘卷上虛中施關以張九絃左右二十八柱
其一面飾彩花傳以虺皮爲別有龍首琵琶一如龜茲製而項長
二尺六寸餘腹廣六寸二龍相向爲首有軫柱各三絃隨其數兩
軫在項一在頸其覆形如師子有雲頭琵琶一形如前面飾虺皮
四面有牙釘以雲爲首軫上有花象品字三絃覆手皆飾虺皮刻
捍撥爲舞毘崙崙狀而彩飾之有大匏琴二覆以半匏皆彩畫之上
加銅甌以竹爲琴作虺文橫其上長三尺餘頭曲如拱長二寸以
絛繫腹穿甌及匏本可受二升大絃應太簇次絃應姑洗有獨絃
匏琴以班竹爲之不加飾刻木爲虺首張絃無軫以絛繫頂有四
柱如龜茲琵琶絃應太簇有小匏琴二形如大匏琴長二尺大絃
應南呂次應應鍾有橫笛二長尺餘取其合律去節無爪以
蠟實首上加師子頭以牙爲之穴六以應黃鍾商備五音七聲又
一管唯加象首律度與荀勗笛譜同又與清商部鍾聲合有兩頭
笛二長二尺八寸中隔一節節左右開衝氣穴兩端皆分洞體爲

笛量左端應太簇管末三穴一姑洗二蕤賓三夷則右端應林鍾
管末三穴一南呂二應鍾三大呂下托指一穴應清太簇兩洞體
七穴共備黃鍾林鍾兩均有大匏笙三皆十六管左右各八形如
鳳翼大管長四尺八寸五分餘管參差相次製如笙管形亦類鳳
翼竹爲簧穿匏達本上古八音皆以木漆代之用金爲簧無匏音
唯驃國得古製又有小匏笙三製如大笙律應林鍾商有三面鼓
二形如酒缸高二尺首廣下銳上博七寸底博四寸腹廣不過首
冒以虺皮束三爲一碧條約之下當地則不冒四面畫驃國工伎
執笙鼓以爲飾有小鼓四製如鼙鼓長五寸首廣三寸五分冒以
虺皮牙釘彩飾無柄搖之爲樂節引替者皆執之有牙笙穿匏達
本漆之上植二象牙代管雙簧皆應姑洗有三角笙亦穿匏達本
漆之上植三牛角一簧應姑洗餘應南呂角銳在下穿匏達本柄
觜皆直有兩角笙亦穿匏達本上植二牛角簧應姑洗匏以彩飾
凡曲名十有二曰佛印驃云沒馱彌國人及天竺歌以事王也

二曰讚娑羅花驃云嚨菴第國人以花爲衣服能淨其身也三曰白鴿驃云荅都美其飛止遂情也四曰白鶴游驃云蘇謾底哩謂翔則摩空行則徐步也五曰關羊勝驃云來乃昔有人見二羊鬪海岸疆者則見弱者入山時人謂之來乃來乃者勝勢也六曰龍首獨琴驃云彌思彌此一絃而五音備象王一德以畜萬邦也七曰禪定驃云制掌覽詩謂離俗寂靜也七曲唱舞皆律應黃鍾商八曰甘蔗王驃云遏思略謂佛教民如蔗之甘皆悅其味也九曰孔雀王驃云桃臺謂毛采光華也十曰野鵲謂飛止必雙徒侶畢會也十一曰宴樂驃云嚨聰網摩謂時康宴會皇嘉也十二曰滌煩亦曰笙舞驃云扈那謂時滌煩啓以此適情也五曲律應黃鍾兩均一黃鍾商伊越調一林鍾商小植調樂工比皆比布衣絳氎朝霞爲蔽膝謂之祴襜兩肩加朝霞絡腋足臂有金寶鏤釧冠金冠左右珥瑠條貫花鬘珥雙簪散以毳初奏樂有賛者一人先導樂意其舞容隨曲用人或二或六或四或八至十皆珠冒拜首稽

首以終節其樂五譯而至德宗授舒難陀太僕卿遣還開州刺史
唐次述驃國獻樂頌以獻大和六年南詔掠其民三千徙之柘東
兩巽蠻自曲州靖州西南昆川曲輒至寧俞獻安寧距龍和城通
謂之西巽白蠻自彌鹿升麻二川南至步頭謂之東巽烏蠻西巽
自云本安邑人七世祖晉南寧太守中國亂遂王蠻中梁元帝時
南寧州刺史徐文盛召詣荊州有巽蠻者據其地延袤二千餘里
土多駁馬犀象明珠旣死子震翫分統其衆隋開皇初遣使朝貢
命韋世沖以兵式之置恭州協州昆州未幾叛史萬歲擊之至西
洱河滇池而還震翫懼而入朝文帝誅之諸子沒爲奴高祖即位
以其子弘達爲昆州刺史奉父喪歸而益州刺史段綸遣合前大施
至南寧治共範川誘諸部皆納款貢方物太宗遣將擊西巽開青
蛉弄棟爲縣巽蠻之西有徒莫祗蠻儉望蠻貞觀二十三年內屬以
其地爲傍望覽丘求五州隸郎州都督府白水蠻地與弄棟接
郎州亦隸弄棟西有大勃弄小勃弄二川蠻其西與黃瓜葉榆西耳

河接其衆完富與蜀時無酋長喜相讎怨永徽初大敦弄楊承顛私署將帥寇麻州都督任懷王招之不聽高宗以左領軍將軍趙孝祖爲郎州道行軍總管與懷王討之至羅仵侯山其酋禿磨蒲與大鬼主都干以衆塞菩口孝祖大破之夷人尚鬼謂主祭者爲鬼主每歲戶出一牛或一羊就其家祭之送鬼迎鬼必有兵因以復仇云孝祖按軍多棄城逐北至周近水大酋儉弥于鬼主董朴傾水爲柵以輕騎逆戰孝祖擊斬弥于禿磨蒲鬼主十餘級會大雪戰凍死者略盡孝祖上言小勃弄大勃弄常誘弄棟叛今因破白水請遂西討詔可孝祖軍入夷人皆走險小勃弄酋長段盛屯白旗城率萬騎戰敗斬之進至大勃弄楊承顛嬰城守孝祖招之不從麾軍進執承顛餘屯大者數萬小數千皆破降之西南夷遂定罷郎州都督更置戎州都督爨弘達旣死以爨歸王爲南寧州都督居石城襲殺東爨首領蓋聘及子蓋啓徙共軌川有兩爨大鬼主崇道者與弟曰進日用居安寧城左聞章仇兼瓊開步頭路築安寧城羣蠻震駭共殺築城

使者玄宗詔蒙歸義討之師次波州歸王及崇道兄弟千餘人泥首謝罪赦之俄而崇道殺日進及歸王歸王妻阿妣烏蠻妻也走父部乞兵相仇於是諸蠻亂阿妣遣使詣歸義求殺夫者書聞詔以其子守隅爲南寧州都督歸義以女妻之又以一女妻崇道子輔朝然崇道守隅相攻討不置阿妣訴歸義爲興師營昆川崇道走黎州遂虜其族殺輔朝收其女崇道俄亦被殺諸蠻稍離弱閣羅鳳立召守隅并妻歸河賧不通中國阿妣自主其部落歲入朝恩賞蕃厚閣羅鳳遣昆川城使楊牟利以兵脅西蠻徙戶二十餘萬於永昌城東爨以言語不通多散依林谷得不徙自曲靖州石城外麻昆川南北至龍和皆殘于兵日進等子孫居永昌城烏蠻種復振徙居西爨故地與峯州爲隣貞元中置都督府領羈縻州十八烏蠻與南詔世昏姻其種分七部落一曰阿芋路居曲州靖州故地二曰阿猛三曰蔓山四曰暴蠻五曰盧鹿蠻二部落分保竹子嶺六曰磨弥斂七曰勿鄧土多牛馬無布帛男子髻髻女人

被髮皆衣牛羊皮俗尚巫鬼無拜跪之節其語四譯乃與中國通
大部落有大鬼主百家則置小鬼主勿鄧地方千里有邛部六姓
一姓白蠻也五姓烏蠻也又有初裏五姓皆烏蠻也居邛部臺登
之間婦人衣黑繒其長曳地又有東欽蠻二姓皆白蠻也居北谷
婦人衣白繒長不過膝又有栗蠻二姓雷蠻三姓夢蠻三姓散處
黎嶺間戎數州之鄙皆隸勿鄧勿鄧南七十里有两林部落有十低
三姓阿屯三姓虧望三姓隸焉其南有豐琶部落阿諾二姓隸焉
兩林地雖陋而諸部推爲長號都大鬼主勿鄧豐琶兩林皆謂之
東蠻天寶中皆受封爵及南詔陷嶺州遂羈屬吐蕃貞元中復
通款以勿鄧大鬼主苴苴高兼邛部團練使封長川郡公及死子苴
驃離幼以苴夢衝爲大鬼主數爲吐蕃侵獵兩林都大鬼主苴那
時遺韋臯書乞兵攻吐蕃臯遣將劉朝彩出銅山道吳鳴鶴出清
溪關道鄧英俊出定蕃柵道進逼臺登城吐蕃退壁西貢川據高
爲營苴那時戰甚力分兵大破吐蕃青海臘城二節度軍於北谷

青海大兵馬使乞藏遮遮臘城兵馬使悉多楊朱節度論東柴大將論結突梨等皆戰死執籠官四十五人鎧仗一萬牛馬稱是進拔于葱柵乞藏遮遮尚結贊子也以尸還其下曩貢節度蘇論百餘人行哭使一人立尸左一人問之曰瘡痛乎曰然即傳藥曰食乎曰然即進膳曰衣乎曰然即命裘又問歸乎曰然以馬載尸而去詔封苴那時爲順政郡王苴夢衝爲懷化郡王豐琶部落大鬼主驃傍爲和義郡王給印章袍帶三王皆入朝宴麟德殿賞賚加等歲給其部祿鹽衣綵黎嵩二州吏就賜之以山阻多爲盜侵亡失所賜臯令二州爲築館有賜約酋長自至授賜而遣之然苴夢衝內附吐蕃斷南詔使路臯遣雋州摠管蘇崑以兵三百召夢衝至琵琶川聲其罪斬之披其族爲六部以樣棄主之及苴驃離長乃命爲大鬼主驃傍年少驍敢數出兵攻吐蕃吐蕃閒道焚其居室部落亡所賜印章臯爲請復得印纓璽西有且明壘二日昆彌以西洱河爲境即葉榆河也距京師九千里土猷濕宜秔稻人辨首

左衽與突厥同隨水草畜牧夏處高山冬入深谷尚戰死惡病亡
勝兵數萬武德中崔蘭州治中吉偉使南寧因至其國諭使使朝貢
求內屬發兵戍守自是歲與牂柯使偕來龍朔三年矩州刺史謝
法成招慰比樓等七千戶內附總章三年置祿州湯望州咸亨三
年昆明十四姓率戶二萬內附析其地爲殷州摠州敦州以安輯
之殷州居戎州西北摠州居西南敦州居南遠不過五百餘里近
三百里其後又置盤麻等四十一州皆以首領爲刺史昆明東九
百里即牂柯國也兵數出侵地數千里元和八年上半年上表請盡歸牂
柯故地開成元年鬼主阿珮內屬會昌中封其別帥爲羅殿王卅
龍襲爵其後又封別帥爲滇王皆牂柯蠻也東距辰州二千四百里其
南千五百里即交州也無城郭土熱多霖雨稻粟再熟無徭役
戰乃屯聚刻木爲契盜者倍三而償殺人者出牛馬三十俗與東
謝同首領亦姓謝氏至龍羽有兵三萬武德三年遣使者朝以其
地爲牂州拜龍羽刺史封夜郎郡公其北百五十里有別部曰充

州蠻勝兵二萬亦來朝貢以地爲兗州開元中牂柯酋長元齊死
孫嘉藝襲官封其後乃以趙氏爲酋長二十五年趙君道來朝其
裔有趙國珍天寶中戰有功閤羅鳳叛宰相楊國忠兼劍南節
度使以國珍有方略授黔中都督屢敗南詔護五溪十餘年天下
方亂其部獨寧終工部尚書貞元中官其酋長趙主俗亦以裒朝
貢不絕至十八年五遣使朝元和二年詔黔南觀察使常以奉道
將爲押領牂柯昆明等使自是數遣使或朝正月訖開成不絕故
事戎夷朝貢將至都中官驛勞於郊旣及館恩禮尤渥西蠻之南
有東謝蠻居黔州西三百里南距守宮獠西連夷子地方千里宜
五穀爲畚田歲一易之衆處山巢居汲沝以飲無賦稅刻木爲契
見貴人執鞭而拜賞有功者以牛馬銅鼓犯小罪則杖大事殺之
盜物者倍償昏姻以牛酒爲聘女歸夫家夫慙避之旬日乃出
會聚擊手銅鼓吹角俗椎髻韜以絳垂于後坐必蹲踞常帶刀劍男
子服衫襖大口袴以帶斜馮右肩以螺殼虎豹獐狢犬羊皮爲飾

有謝氏世爲酋長部落尊畏之其族不育女自以姓高不可以嫁人貞觀三年其酋元深入朝冠烏熊皮若注旄以金銀絡額被毛帔韋行滕著履中書侍郎顏師古因是上言昔周武王時遠國入朝太史次爲王會篇今蠻夷入朝如元深冠服不同可寫爲王會圖詔可帝以地爲應州即拜元深刺史隸黔州都督府又有南謝首領謝彊亦來朝以其地爲莊州授彊刺史建中三年大酋長檢校蠻州長史資陽郡公宋鼎與諸謝朝賀德宗以其國小不許訴於黔中觀察使王礎以州接牂柯願隨牂柯朝賀礎奏牂蠻三州戶繁力彊爲隣蕃所憚請許三年一朝詔從之元和中辰澈蠻酋張伯靖嫉本道督斂苛刻聚衆叛侵播費二州黔中經略使崔能荆南節度使嚴綬湖南觀察使柳公綽討之三歲不能定伯靖上表請隸荆南乃降崔能內恨之更請調荆南湖南桂管軍爲援約西原十洞兵皆出可以成功公卿議者皆以爲便宰相李吉甫曰伯靖挾怨而叛壓以大兵而招之可不戰自定乃命能兵毋出獨

詔嚴綬招伯靖率家屬詣江陵降授右威衛翊府中郎將東謝南
有西趙蠻東距夷子西屬昆明南西洱河也山穴阻深莫知道里
南北十八日行東西二十三日行戶萬餘俗與東謝同趙氏世爲
酋長夷子渠帥姓季氏與西趙皆南蠻別種勝兵各萬人自古未
嘗通中國黔州豪帥田康諷之故貞觀中皆遣使入朝西趙首領
趙酋摩率所部萬餘戶內附以其地爲明州授酋摩刺史松外蠻
尚數十百部大者五六百戶小者二三百凡數十姓趙楊李董爲
貴族皆擅山川不能相君長有城郭文字頗知陰陽歷數自夜郎
滇池以西皆莊蹻之裔有稻麥粟豆絲麻薤蒜桃李以十二月爲
歲首布幅廣七寸正月蠶生二月熟男子羶革爲帔女衣絁布裙
衫髻盤如髻飯用竹筲搏而噉之烏杯貯羹如雞彝徒跣有舟無
車死則坎地殯舍左屋之三年乃葬以蠶蚌封棺父母喪斬衰布
衣不澡者四五年近者二三年爲人所殺者子以麻括髮墨面衣
不緝居喪昏嫁不廢亦弗避同姓婿不親迎富室娶妻納金銀牛

羊酒女所齋饋亦如之有罪者樹一長木擊鼓集衆其下彊盜殺之
富者貴死燒屋奪其田盜者倍九而償贓姦淫則彊族輸金銀請
和而棄其妻處女釐婦不坐凡相殺必報力不能則其部助攻之
祭祀殺牛馬親臨畢會助以牛酒多至數百人貞觀中舊州都督
劉伯英上疏松外諸蠻率貳附亟叛請擊之西洱河天竺道可通
也居數歲太宗以右武侯將軍梁建方發蜀十二州兵進討酋帥
雙舍拒戰敗走殺獲十餘萬羣蠻震駭走保山谷建方諭降者七
十餘部戶十萬九千署首領蒙和爲縣令餘衆感悅西洱河蠻亦
曰河蠻道繇郎州走三千里建方遣奇兵自舊州道千五百里掩
之其帥楊盛大駭欲遁去使者好語約降乃遣首領十人納款軍
門建方振旅還二十二年西洱河大首領楊同外東洱河大首領
楊斂松外首領蒙羽皆入朝授官祿顯慶元年西洱河大首領楊
棟附顯和蠻大首領王羅祁郎昆梨盤四州大首領王伽衝率部
落四千人歸附入朝貢方物其後茂州西南築安戎城絕吐蕃通

蠻之道生羌爲吐蕃鄉導攻拔之增兵以守西洱河諸蠻皆臣吐蕃開元中首領始入朝授刺史會南詔蒙歸義拔大和城乃北徙更羈制於浪穹詔浪穹詔已破又徙雲南柘城黎州領羈縻奉上等州二十六開元十七年入領羈縻夏梁上貴等州三十一南路有廓清道部落主三人婆鹽鬼主十人又有阿逼蠻分十四部落一曰大龍池二曰小龍池三曰控四曰苴質五曰烏拔六曰苴賃七曰膚篲水八曰戎列九曰婆狄十曰石地十一曰羅公十二曰訛十三曰離昊十四曰里漢黎邛二州之東又有凌蠻西有三王蠻蓋祚都夷白馬氏之遺種楊劉郝三姓世爲長襲封王謂之三王部落疊壁而居號獨舍歲稟節度府帛三千匹以訶南詔而南詔亦密賂之覘成都虛實每節度使至酋長來謁節度使多奏威惠所懷以罔天子也前謁必請於都押衙且聽命都押衙不令者輒諷其叛常倚三王部落求姑息至唐末益甚雅州西有通吐蕃道三日夏陽曰蔓松曰始陽皆諸蠻錯居凡部落四十六距州三百餘

里之外有百坡當品嚴城中川鉗矣昌逼鉗井七部落四百餘里
之外有羅巖當馬三井束鋒名耶鉗恭畫重羅林籠羊林波林燒
龍逢索古敢川蘄川禍眉不燭十七部落五百餘里之外有諾祚
三恭布嵐欠馬論川讓川遠南卑盧普嬰龍曜川金川東嘉梁西嘉
梁十三部落六百餘里之外有椎梅作重禍林金林邏蓬五部落
皆羈縻州也以首領襲刺史雋州新安城傍有六姓蠻一曰蒙蠻
二曰夷蠻三曰訛蠻四曰狼蠻餘勿鄧及白蠻也戎州管內有馴
騁浪三州大鬼主董嘉慶累世內附以忠謹稱封歸義郡王貞元
中狼蠻亦請內附補首領浪沙爲刺史然卒不出劍南西川節度
使韋臯檄嘉慶兼押狼蠻又有魯望等部落徙居戎州馬鞍山
臯以其遠邊徵戶給米二斛鹽五斤北又有浪稽蠻羅哥谷蠻
東有婆秋蠻烏皮蠻南有離東蠻鍋鏹蠻西有磨些蠻與南詔
越析相姻婭自浪稽以下古滇王哀牢雜種其地與吐蕃接亦有
姐羌古白馬氏之裔劍山當吐蕃大路屬石門柳彊二鎮置戍守

捉以招討使領五部落一曰弥羌二曰鑠羌三曰胡叢其餘東欽磨些也又有夷望鼓路西望安樂湯谷佛壘虧野阿醯阿鶚鉚壘林井阿異十二鬼主皆隸嵩州又有奉國苴伽十一部落春秋受賞於嵩州然挾吐蕃爲輕重每節度使至諸部獻馬酋長衣虎皮餘皆紅歸束髮錦纈襖半臂旣見請匹錦斗酒折草招父祖魂以歸鄉里及還裏錦植馬上而去又有顯養東魯諸壘永徽三年與胡叢皆叛高宗以右驍衛將軍曹繼叔爲嵩州道行軍摠管戰斜山拔十餘城斬首七百獲馬犛牛萬五千姚州境有永昌壘居古永昌郡地咸亨五年叛高宗以太子右衛副率梁積壽爲姚州道行軍摠管討平之武后天授中遣御史裴懷古招懷至長壽時大首領董期率部落二萬內屬其西有撲子壘趨悍以青娑羅爲通身袴善用竹弓入林射飛鼠無不中無食器以蕉菜藉之人多長大負排持鞘而鬪有望壘者用木弓短箭鏃傳毒藥中者立死婦人食乳酪肥白跣足青布爲衣裳聯貫珂貝珠絡之髻

垂于後有夫者分兩髻羣蠻種類多不可記有黑齒金齒銀齒三種見人以漆及鏤金銀飾齒寢食則去之直頂爲髻青布爲通袴有繡腳種刻踝至腓爲文有繡面種生踰月涅黛於面有雕題種身面涅黛有穿鼻種以金鑲徑尺貫其鼻下垂過頤君長以絲係鰥人牽乃行其次以二花頭金釘貫鼻下出又有長髯種棟鋒種皆額前爲長髻下過臍行以物舉之君長則二女在前共舉其髻乃行安南有生蠻林覲符部落大曆中置德化州戶一萬又以潘歸國部落置龍武州戶千五百詔安南節度使綏定之貞元七年始以驩峯二州爲都督府驩在安南限重海與文單占婆接峯統羈縻州十八與蜀蠻蠻接

南平獠東距智州南屬渝州西接南州北涪州戶四千餘多瘴癘山有毒草沙虱蝮蛇人樓居梯而上名爲干欄婦人橫布二幅穿中貫其首號曰通裙美髮髻垂於後竹筒三寸斜穿其首貴者飾以珠璫俗女多男少婦人任役昏法女先以貨求男貧者無以嫁

則賣爲婢男子左衽露髮徒跣其王姓朱氏號劒荔王貞觀三年遣使內款以其地隸渝州有飛頭獠者頭欲飛周項有痕如縷妻子共守之及夜如病頭忽亡比旦還又有烏武獠地多瘴毒中者不能飲藥故自齧齒有寧氏世爲南平渠帥陳末以其帥猛力爲寧越太守陳亡自以爲與陳叔寶同日而生當代爲天子乃不入朝隋兵阻瘴不能進猛力死子長眞襲刺史及討林邑長眞出兵攻其後又率部落數千從征遼東煬帝召爲鴻臚卿授安撫大使遣還又以其族人寧宣爲合浦太守隋亂皆以地附蕭銑長眞部越兵攻丘和於交趾者也武德初以寧越鬱林之地降自是交愛數州始通高祖授長眞欽州都督寧宣亦遣使請降未報而卒以其子純爲廉州刺史族人道明爲南越州刺史六年長眞獻大珠昆州刺史沈遜融州刺史歐陽世普象州刺史秦元覽亦獻筒布高祖以道遠勞人皆不受道明與高州首領馮暄談殿據南越州反攻姜州寧純以兵援之八年長眞陷封山縣昌州刺史龐孝恭持

擊暄等走之明年道明爲州人所殺未幾長其死子據龍襲刺史馬
暄談殿阻兵相掠羣臣請擊之太宗不許遣員外散騎常侍韋叔
諧員外散騎侍郎李公淹持節宣諭暄等與溪洞首領皆降南方
遂定大抵劍南諸獠武德貞觀間數寇暴州縣者不一巴州山獠
王多聲叛梁州都督龐王臯其首又破餘黨符陽白石二縣獠其
後眉州獠反益州行臺郭行方大破之未幾又破洪雅二州獠俘
男女五千口是歲益州獠亦反都督竇軌請擊之太宗報曰獠依
山險當拊以恩信脅之以兵威豈爲人父母意耶貞觀七年東西
玉洞獠反以右屯衛大將軍張士貴爲龔州道行軍總管平之十
二年巫州獠叛蔓州都督齊善行擊破之俘男女三千餘口鈞州
獠叛桂州都督張寶德討平之明州山獠又叛交州都督李道彥
擊走之是歲巴洋集壁四州山獠叛攻巴州遣右武侯將軍上官
懷仁破之于壁州虜男女萬餘明年遂平十四年羅賓諸獠叛以
廣州都督党仁弘爲賓州道行軍總管擊之虜男女七千餘人太

宗再伐高麗爲舡劍南諸獠皆半役雅邛眉三州獠不堪其擾相率叛詔發隴右峽兵二萬以茂州都督張士貴爲雅州道行軍總管與右衛將軍梁建方平之高宗初琰州獠叛梓州都督謝萬歲充州刺史謝法興黔州都督李子孟嘗討之萬歲法興入洞招慰遇害顯慶三年羅賓生獠酋領多胡桑率衆內附上元末納州獠叛寇故茂都掌二縣殺吏民焚解舍詔黔州都督發兵擊之大曆二年桂州山獠叛陷州刺史李良遁去貞元中嘉州綏山縣婆籠川生獠首領甫枳兄弟誘生蠻爲亂剽居人西川節度使韋臯斬之招其首領勇于等出降或請增柵東凌界以守臯不從曰無戎而城害所生也獠亦自是不擾境戎瀘間有葛獠居依山谷林菁踰數百里俗喜叛州縣撫視不至必合黨數千人持排而戰奉酋帥爲王號曰婆能出入前後植旗大中末昌瀘二州刺史貪沓以弱繒及羊彊獠市米麥一斛得直不及半羣獠訴曰當爲賊取死耳刺史召二小吏榜之曰皆爾屬爲之非吾過獠相視大笑遂叛立

酋長始艾爲王踰梓潼所過焚剽刺史劉成師誘降其黨斬首領七十餘人餘衆遁至東川節度使柳仲郢諭降之始艾稽首請罪仲郢貫遣之成都西北二千餘里有附國蓋漢西南夷也其東部有嘉良夷無姓氏地縱八百里橫西四千五百里無城柵居川谷疊石爲巢高十餘丈以高下爲差作狹戶自內以通上王酋帥以金飾首胷垂金花徑三寸地高涼多風少雨宜小麥多白雉嘉良夷有水廣三十步附國水廣五十步皆南流以韋爲舡附國南有薄緣夷西接女國三濮者在雲南徼外千五百里有文面濮俗鏤面以青涅之赤口濮裸身而折齒斃其脣使赤黑棘濮山居如人以幅布爲裙貫頭而繫之丈夫衣穀皮多白蹄牛虎魄龍朔中遣使與千支弗磨臘同朝貢

西原蠻居廣容之南邕桂之西有寧氏者相承爲豪又有黃氏居黃橙洞其隸也其地西接南詔天寶初黃氏彊與韋氏周氏儂氏相脣齒爲寇害據十餘州韋氏周氏恥不肯附黃氏攻之逐于海

濱至德初首領黃乾曜真崇鬱與陸州武陽朱蘭洞蠻皆叛推武承斐韋敬簡爲帥替號中越王廖殿爲桂南王莫淳爲拓南王相支爲南越王梁奉爲鎮南王羅誠爲戎成王莫潯爲南海王合衆二十萬餘地數千里署置官吏攻挂管十八州所至焚廬舍掠士女更四歲不能平乾元初遣中使慰曉諸首領賜詔書赦其罪約降於是西原環古等州首領方子彈甘令暉羅承韋張九解宋原五百餘人請出兵討承斐等歲中戰二百斬黃乾曜真崇鬱廖殿莫淳梁奉羅誠莫潯七人承斐等以餘衆面縛詣桂州降盡釋其縛差賜布帛縱之其種落張侯夏永與夷僚梁崇牽覃問及西原酋長吳功曹復合兵內寇陷道州據城五十餘日挂管經略使邢濟擊平之執吳功曹等餘衆復圍道州刺史元結固守不能下進攻永州陷邵州留數日而去湖南團練使辛京杲遣將王國良武崗姚京杲貪暴亦叛有衆千人侵掠州縣發使招之且服且叛建中元年城敘州以斷西原國良乃降貞元十年黃洞首領黃少

卿者攻邕管圖經略使孫公器請發嶺南兵窮討之德宗不許命
中人招諭不從俄陷欽橫潯貴四州少卿子昌汚趨勇前後陷十
三州氣益振乃以唐州刺史陽旻爲容管招討經略使引師掩賊
一日六七戰皆破之侵地悉復元和初邕州擒其別帥黃承慶明
年少卿等歸款拜歸順州刺史弟少高爲有州刺史未幾復叛又
有黃少度黃昌瓊二部陷賓寧二州據之十二年攻欽橫二州邕管
經略使韋悅破走之取賓寧二州是歲復屠巖州桂管觀察使裴
行立輕其軍弱首請發兵盡誅叛者徵幸有功憲宗許之行立兵
出擊彌更二歲妄奏斬獲二萬罔天子爲解自是邕容兩道殺傷
疾疫死者十八以上調費鬪亡繇行立陽旻二人當時莫不咎之及
安南兵亂殺都護李象古擢唐州刺史桂仲武爲都護逗留不敢
進貶安州刺史以行立代之尋召還卒長慶初以容管經略使留
後嚴公素爲經略使復上表請討黃氏兵部侍郎韓愈建言黃賊
皆洞獠無城郭依山險各治生業急則屯聚畏死前日邕管經略

使德不能綏懷威不能臨制侵詐係縛以致憾恨夷性易動而難
安劫州縣復私餽貪小利不爲大患自行立陽旻建征討生事詭
賞邕容兩管曰以凋弊殺傷疾患十室九空百姓怨嗟如出一口
人神共嫉二將繼死今嚴公素非撫御之才復尋往謬誠恐嶺南
未有寧時昨合邕容爲一道邕與賊限一江若經略使居之兵鎮
所處物力雄完則敵人不敢輕犯容州則隔阻已甚以經略使居
之則邕州兵少情見易啓靈心請以經略使還邕州容置刺史便
其又比發南兵遠鄉羈旅疾疫殺傷續添續死每發倍難若募邕
容千人以給行營糧不增而兵便習守則有威攻則有利自南討
損傷嶺南人希賊之所處洞壘荒僻假如盡殺其人得其地在國
計不爲有益容貸羈縻比之禽獸來則捍禦去則不追未有虧損
朝廷願因改元大慶普赦其罪遣郎官御史以天子意丁寧宣諭
必能謹叫聽命爲選材用威信者委以經略處理得方宜無侵叛
事不納初邕管旣廢人不謂宜監察御史杜周士使安南過邕州

刺史李元宗白狀周士從事五管積三十年矣亦知其不便嚴公素遣人盜其橐周士憤死公素劾元宗擅以羅陽縣還黃少度元宗懼引兵一百持印章依少度穆宗遣監察御史劾僚按之僚嘗爲容州從事與公素暱傳致元宗罪以母老泣驩州衆以爲不直黃賊更攻邕州陷左江鎮攻欽州陷千金鎮刺史楊嶼奔石南柵邕州刺史崔結擊破之明年又寇欽州殺將吏是歲黃昌瓚遣其黨陳少奇二十人歸款請降昝宗納之黃氏儂氏據州十八經略使至遣一人詣治所稍不得意輒侵掠諸州橫州當邕江官道嶺南節度使常以兵五百戍守不能制大和中經略使董昌齡遣子蘭討平峒穴夷其種黨諸蠻畏服有違命者必嚴罰之十八州歲輸貢賦道路清平其後儂洞最彊結南詔爲助懿宗與南詔約和二洞數構敗之邕管節度使辛讜以從事徐雲虔使南詔結和齎美貨啖三洞首領太州刺史黃伯蘊屯洞首領儂金意負州首領儂金勒等與之通驩負州又有首領儂金澄儂仲武與金勒龍襲黃洞

首領黃伯善伯善伏兵灤水雞鳴候其半濟擊殺金澄仲武唯
金勒遁免後欲興兵報仇平讜遣人持牛酒音樂解和并遺其母
衣服母賢者也讓其子曰節度使持物與僚母非結好也以汝爲
吾子前日兵敗灤水士卒略盡不自悔復欲動衆兵忿者必敗吾
將囚爲官老婢矣金勒感寤爲罷兵

贊曰唐北禽頡利西滅高昌焉耆東破高麗百濟威制夷狄方策
所未有也交州漢之故封其外瀕海諸蠻無廣土堅城可以居守
故中國兵未嘗至及唐稍弱西原黃洞繼爲邊害垂百餘年及
其亡也以南詔詩曰惠此中國以綏四方不以夷狄先諸夏也

南蠻列傳第一百四十七下